



BT
715
F45



The University of Chicago
Libraries



HENGSTENBERG COLLECTION

Feverborn, Justus

ΔΕΜΑΤΙΟΝ DISPUTATIONVM THEOLOGICARVM

CVM PRIMIS

HARVM ELEGANTISSIMARVM QVAESTIONVM
EXPLICATIONEM COMPLEXARVM ACCVRATISSIMAM

I

AN IN INFANTES ACTUALIA
CADANT PECCATA

II

AN DEVS POSTEROS ET FILIOS PVNIAT
OB MAIORVM ET PARENTVM
SVORVM FLAGITIA

III

AN IMPETRATA PECCATORVM REMISSIO
PER SVBSEQUENTIA PECCATA FIERI
POSSIT IRRITA

IN ACADEMIA GIESSENA

PVBLCICE PROPOSITVM ET HABITVM

AVTORE ET PRAESIDE

IUSTO FEVRBORNIO

S. S. THEOLOGIAE DOCTORE EIVSDEMQUE PRO-
FESSORE ORDINARIO STIPENDIARIORVM EPHORO
ET ECCLESIASTE IBIDEM

OB ARGVMENTI VERO GRAVITATEM ATQVE PRAESTANTIAM
DENO CORRECTIVS PVBLICATVM


GIESSAE ET LIPSIAE

1746

BT 715
F45



Hengstenberg Collection



CHRISTIANO LECTORI
SALVTEM PLVRIMAM
PRECOR.



ostquam reprehenderat Christus
servum malum & pigrum, LECTOR
CANDIDE, quod talentum suum
in terra absconderit, nec quicquam
lucratus fuerit, tandem dixit: *Tol-*
lite ab eo talentum, & date ei, qui
habet decem talenta. Omni enim habenti dabitur, &
abundabit; qui vero non habet, etiam id, quod habet,
A 2 *aufe-*

auferetur ab eo. Et inutilem servum ejicite in tenebras exteriores, illic erit fletus & stridor dentium. Matth. xxv, 24-30. Quorum Christi verborum valor & vigor singularis merito quemlibet cordatum accendat & alliciat ad industriam spartæ, a Deo sibi commissæ, exornationem & sedulam concessorum sibi donorum usurpationem. Quid enim? Servus iste malus & piger, Dei severi judicis & vindicis, incurrit iram, & atrocem, ceu Cæcias nubes, accelerat & ad se attrahit pœnam. *Talentum enim ab ipso tollitur, & alii datur: imo quod non habet, ipsi adimitur, & , nisi resipiscat, æternum damnatur.* Vbi si alicui mirum Christi pronunciatum videatur; siquidem, *quod quis non habet, id ei adimi nequit;* privatio enim prærequirit habitum: is sciat, & hic locum habere regulam: *Sæpe Sacra Scriptura nobis videtur loqui simpliciter & illimitate, cum tamen loquatur comparate & limitate.* Quare cum Christus ait: *Qui vero non habet, etiam id, quod habet, auferetur ab eo:* sensus est; *qui non habet* scilicet *recte & bene,* ita ut per Dei auxilium, dona sibi præbita studeat cum aliis communicare, ad perennem Dei solius gloriam, & Reipublicæ Christianæ exædificationem, *etiam id, quod habet,* nimirum *male & vitiose;* possidendo quidem, sed nunquam vel non recte usurpando, verum per ignaviam, aliaque vitia & maleficia, in terram quasi defodiendo nullosque fructus pro-

producendo; *auferetur ab eo*, i. e. ex iusto Dei iudicio suis donis & bonis spoliabitur, (id quod etiam quotidiana testatur experientia) & orbabitur. Hinc THEOPH. abbreviator CHRYSOSTOMI, in caput XIII. MATTHAEI ait: *Bene diximus, adhibenti studium datum esse, scientia abundantior fieri; quia adhibet studium & mentem dignam. Ab eo autem, qui non studium, nec mentem, ut par est, adhibet etiam tolli, quod habere videtur* (Luc. VIII, 13.) hoc est, *etiamsi parvam quandam boni scintillam habeat, & eam non excitet & accendat per spiritum & spiritualia opera extinguere.* Et in cap. XXV. MATTHAEI inquit: *Qui non solum sibi soli prodest, siue prudentiam habeat, siue divitias, siue potentiam & auctoritatem apud Reges, siue quamcunque aliam vel artem, vel facultatem; sed & aliis vult prodesse, is duplicat, quod sibi datum est. Qui autem talentum fodit in terram, is est, qui suae tantum utilitatis curam habet, & non aliorum, qui & condemnatur.* Et si bonae mentis & studiosum hominem videris, qui ingenio suo ad negotiationes, dolos, & terrena opera, abutitur, de illo dicas, quod *defoderit talentum suum sub terra*, hoc est, in terrena opera. Item. Qui donum aliquod in *aliorum* utilitatem accepit, *nec eo utitur*, illud etiam perdit; qui vero multiplicare studet, majorem sibi conciliabit gratiam. Diligentiam enim adhibenti dabitur major gloria, ita


ut abundet. Studium autem non adhibens, & dono, *quod videtur habere*, privabitur. Negligens enim, & qui non operatur, per ea, quæ accepit, non habet donum, sed *videtur habere*. Nam *perdidit sua negligentia*. Hæc ille. Quicumque ergo non vult esse & appellari servus nequam & ignavus; ille debet in suo officio esse sedulus & impiger, ut audiat servus fidelis & bonus, quem Deus (non quidem ex suorum operum dignitate & merito; sed ex mera gratia, & gratuita retributione) super multa constituet, & in gaudium sui Domini introducet. Quare hæc mecum merito reputans, volui id tempus, quod a Lectionibus aliisque mei muneris a Deo mihi commissi negotiis mihi fuit vacuum & reliquum, tribuere *conscribendis* his Disputationibus, & explicandis certis Quæstionibus, ex quarum explicatione, cum S. literis concordante, aliqua ad proximum utilitas redundatura visa mihi fuit. Quis enim neget, ex genuina *primæ* Quæstionis pertractione sic infringi & abstergi Papistarum calumniam, quam nobis hætenus intentare non sunt veriti, *quasi peccatum originale & actuale confunderemus*, ut jure illam repetere nequeant? Et quis eat inficias, hinc Pelagium & Pelagianos sic retundi, ut Dicta sacra, quæ tantum negant infantes, *qua tales*, esse peccatorum *præelectivorum* expertes, amplius producere nequeant contra Peccatum Originis? Pelagianos moder-

modernos, Photinianos & alios, quid dicam? Certe solide ex hoc fundamento refelluntur: Si enim in infantibus sunt primæ motiones malæ a peccato originis profectæ, & cum eo inseparabiliter in hac misera hominum vita connexæ, quæ *proprie dicta* sint peccata; ut probavi; tum in infantibus est peccatum originis, quod peccatum sit non tropice, sed *proprie*. Illi enim motus primi vitiosi arguunt peccatum originis, ceu rivuli venenosi fontem venenatum, & fructus mali arborum putrem, & effectiones causam. Taceo alia. Et quæ non fuit inter veteres & neotericos quosdam pugna de *secunda* Quæstione? Quam digladiati sunt de vero & harmonico sensu Dictorum Exod. XX, 5. 6. & Exech. XVIII, 4. &c. Porro quanto studio *tertiæ* Quæstionis negationem plerique Calviniani nituntur probare! Vident enim qui in illorum cætu sunt cordatiores, quod si qui hominum impetratam fide suorum peccatorum remissionem possunt suis insequentibus flagitiis sibi irritam reddere; tum omnes hæ, & similes ipsorum hypotheser sint falsissimæ: nempe quod *solis* absolute electis hominibus *propria* sit, 1) *divina gratia & misericordia*, 2) *meritum Christi*, 3) *vocatio seria & efficax*, 4) *fides salvans*, 5) *remissio peccatorum*, & hujusmodi alia. Tu igitur, BENEVOLE LECTOR, Disputationes has æqui bonique consule, & monenda me libere mone, Deum
mecum

mecum assidue invocans, ut suam Ecclesiam, satis afflictam, velit, ut promisit, clementer defendere, & adversus hæreticos, & alios hostes, fortiter protegere, & tandem coronare & glorificare. Hisce vale feliciter. Dabam Giesæ die XII. Martii

anno MDCXVIII.

JVST^{VS} FEVRBORNIVS, D.



DISPV.

DISPUTATIO THEOLOGICA I
QVA
EX DEI VERBO EXPLICATUR
QVAESTIO:
**AN IN INFANTES CADANT
PECCATA ACTUALIA?**

ET ANALOGÆ QVÆSTIONES CONCVRRENTES
SIMVL EVOLVVNTVR

CVJVS

SUBJECTA THEMATA
JEHOVA CLEMENTER AVXILIANTE

SVB PRÆSIDIO

IUSTI FEVRBORNII

S. S. THEOLOGIÆ DOCTORIS EJVSDEMQVE
PROFESSORIS, STIPENDIARIORVM EPHORI
ET ECCLESIASTÆ IN ACADEMIA
GIESSENA

RESPONDENDO DEFENDET
PVBLICE

RICHARDVS BENNICHIVS

HOLSATVS

IN AUDITORIO THEOLOGICO
DIE XXIX JAN. MDCXVIII



GIESSÆ ET LIPSIÆ
MDCCLVI





DISPUTATIO THEOLOGICA I.

COMPLECTENS

EXPLICATIONEM QUÆSTIONIS:

AN IN INFANTES CADANT PECCATA
ACTUALIA?

T H E S I S I.



ert animus, volente & juvante Deo, piam instituere *συμφιλολογίαν* de proposita quæstione: *An in infantes quadrent & cadant peccata actualia?* Animadverto enim, non omnium eandem hie sive esse, sive saltem videri sententiam: unde scrupulus nonnullis injicitur, quo molestantur: qui proinde semovendus est. Ne autem terminorum æquivocatio nobis imponat, *subjectum & prædicatum quæstionis* prius explicabo, & ab homonymia vindicabo, quam ad alia transeam.

2. *Subjectum* seu antecedens quæstionis membrum, sunt *infantes*, Græce, *βρέφη*. *βρέφος* autem notat 1) *infantem*, adhuc in utero suæ matris latitantem: quemadmodum Johannes, adhuc delitescens in suæ matris utero, dicitur τὸ βρέφος *Luc. I, 41. & 44.* 2) significat *infantem*, in lucem editum: sicut natus mundi Salvator dicitur *βρέφος Luc. II, 12. & 16.* Et Hebræorum nati pueruli, dicuntur *βρέφη Act. VII, 19.*

3. In lucem autem editi infantes sunt aut *recenter*, nempe ante paucos dies vel septimanas, qui dicuntur ἀπὸ γενένητα βρέφη, *1 Petr. II, 2.* ubi Petrus homines, spiritualiter renatos, monet, ut sint modo natis infantulis similes, quoad absentiam doli, & præ-

fractæ malignitatis: aut non ita noviter; sed ante annum unum, duos tresve. Nam 2 Maccab. VII, 29. legimus, quod mater illa septem fratrum ad minimum filium natu dixerit: *Fili miserere mei, quæ in utero portavi te menses novem, καὶ θηλάσασάν σε ἔτη τέτα, & lactavi te tres annos, &c.* Vnde liquet, quod θηλασμός, qui competit infantibus, olim vel triennium durarit.

4. In utraque acceptione vocem τὸ βρέφος hic accipimus. Non enim hic disceptamus duntaxat de infantibus vel recens, vel aliquanto diutius progenitis; verum etiam de ipsis, nondum natis, sed brevi nascituris.

5. Quæras, cur tantum duas τὸ βρέφος significationes adduxerim, cum tamen & tertia superfit, quia βρέφος significet quoque puerum natu grandiusculum, doctrinæque capacem, ut PISCATOR excipit, in Luc. XVIII, 15. schol. 15. & probationis ergo citat. 2 Tim. III, 15. R. ideo; quia de puero, usu rationis prædito, non est quæstio, an ille actualiter peccet? hoc enim per se clarum est: sed de infante.

6. Neque vero PISCATOR, cum suis sociis, ex citatis jam dictis probabit, quod τὸ βρέφος ibi notet non infantem, sed puerum grandiusculum. (usu rationis pollentem:) Nam Luc. XVIII, 15. dicuntur βρέφη, ad Christum apporrata: Et v. 16. nuncupantur παῖδια pueruli. Ergo non fuerunt pueri grandes, διανοίας usum habentes: sed infantes; qui soli in N. T. appellantur βρέφη.

7. Nec dictum 2 Tim. III, 15. PISCATORIS sententiam fulcit: Quia 1) ibi Paulus ἐν προοδήνῃ ait: ἀπὸ βρέφους, id est, ab infantia, ut reddiderunt AMBROS. CHRYSOST. & THEOPH. & Commentator in lib. 1. Damasceni de orthod. fid. cap. 1. Sicut igitur ἀπὸ βρέφους notat, ab infantia: ita βρέφος notat infantem: non vero hominem adultum, usu liberi arbitrii præditum. 2) Timotheus sacras novit literas ἀπὸ βρέφους seu ἐκ βρέφους; quia licet habuerit patrem græcum; tamen matrem habuit Judæam fidelem Act. XVI, 1. Eunicam appellatam 2 Tim. I, 5. aviamque Loidem ibid. a quibus non heri aut nuper; sed jam inde ab infantia divinas fuit edoctus literas. Timotheus ergo non demum temporis adolescentiæ suæ: sed cum adhuc parvulus seu puerulus fuit, in exercitiis pietatis cœpit informari. Nondum igitur PISCATOR

tertian

tertiam τῆς ὁρίσεως acceptionem firmiter probavit: qua de re alibi.

8. Jam enim statim progrediar ad explicationem prædicati, seu consequentis in quæstione proposita partis; quæ sunt, *peccata actualia*: eaque sumuntur potissimum bifariam. 1) *latius & generalius pro quibusque actibus & motibus ἀνόμοις & peccabilibus*, nondum conjunctis cum pleno rationis usu, seu cum τῷ ἐκτελέῳ καὶ προαίρεσι. Falsissima enim est hypothesis Papistarum & Photinianorum, quod nihil habeat rationem peccati, nisi committatur a *sciente & volente*: seu, ut loquitur SOCINVS in Prælect. c. 4. p. 10. *quod ad culpam constituendam propria voluntas ejus, qui in culpa futurus sit, requiratur omnino*: Seu, ut tradit AVGVSTIN. Lib. de vera religion. c. 14. Tom. 1. pag. 304. *quod omne peccatum usque adeo voluntarium sit malum, ut nullo modo sit peccatum, si non sit voluntarium*. Falsitatem hanc ostendit vel Paulus Rom. VII, 15. &c. & 1 Tim. I, 13. & Joh. I, cap. III, 4. 2) *pressius & specialius pro actionibus & operationibus, cum rationis usu præelectioneque & assensu connexis*.

9. Quibus præmissis, duo adjungam theoremata, ejusque explicatis & comprobatis, quæstionem propositam explicabo & comprobabo. Primum Theorema sit tale: *In infantes, sive adhuc in utero matrum latentes, sive natos, & lac maternum sugentes, vere & proprie dicta cadunt peccata actualia, in prima significatione accepta*. Id quod probo his argumentis.

10. I. Peto ab operosa peccati originalis qualitate, & ita argumentor: In quibus hominibus est peccatum originale, in illis etiam ad minimum sunt peccata actualia, late dicta, hoc est, motiones pravæ, nondum ab usu rationis perfectæ, nec cum eo connexæ. At in omnibus & singulis hominibus (excepto solo Θεω-ὄντι Christo, non virgine Maria, vel ullo alio homine) est peccatum originale. E.

11. *Propositio probatur*; Quia peccatum originis non est otiosa qualitas, nec fomes ἀεργός & torpidus, sed malum operosum, & venenum vividum; seu fons pessimus, unde mali fluunt rivuli. Quando igitur peccatum originis non sibi juncta habet delicta actualia προαίρεσινα (ut in renatis, qua tales sunt &



manent) tum *saltem* motus habet ἀνός, licet ἀνθρώπος. Siquidem *Genes. VI, 5.* dicitur Jehova vidisse, quod omne figmentum יצר iézer, cogitationum ejus (hominis) *tantum* malum (sit) *omni die.* Et *Gen. VIII, 21.* perhibetur non amplius diluvio mundum visitaturus, *quia figmentum cordis hominis sit malum ab infantia ejus.*

12. Vbi Deus sibi *contrarius* non est, quasi *Gen. VI, 5.* peccatum alleget, ut causam, mundo immittendi poenam; *Gen. VIII,* vero idem peccatum adducat, ut causam, ob quam mundo parcendum, & ejus miserendum sit. Nam *ibi* Deus loquitur, *ut iratus Judex: hic ut reconciliatus pater,* per odorem suavitatis, in respectu ad sacrificium filii sui, in plenitudine temporis immolandi, quem Noah fide fuit amplexus, *Hebr. XI, 7.* *Ibi* loquitur de peccato originali, exasperato imprimis & aggravato per actualia praelectiva primi mundi horrenda flagitia, ut constat ex *Genes. VI, 2-5.* Hic vero differit de peccato originali, conjuncto cum suis primis motibus difformibus, & complicato cum profundissima hominis miseria & infirmitate, qua motus Deus, ceu causa προκαταρκτική externa, miseretur hominis.

13. Itaque peccatum *Gen. VIII, 21,* allegatur non ut principium, *misericiordiam Dei promerens:* iram enim meretur & vindictam: *sed misericordiae,* in Christo fundatae; *indigentiam nostram exponens;* sumus enim ob peccatum miserrime facti: *Quemadmodum & alias peccatum, ejusque confessio, adducitur, non ut causa, per & propter quam homo clementiam Dei promereatur: sed ut medium, per quod hominis miseria propter quam clementia Dei necessaria ipsi sit, exponatur.* Vide *Pf. XL, 13. 14. & LI, 4. 5. & CII, 13. 14. Jer. XIV, 7. & 1 Paral. XXII, 8. & passim.* Quod contra Photinianos hic est accurate notandum.

14. Si quis hic nolit acquiescere, reponam ei verba D. LV-
THERI, qui in *Gen. VIII, p. 402. edit. in 8.* inquit: Porro *hic etiam inconstantiae videtur Deus accusari posse.* *Supra puniturus hominem, causam consilii dicit:* Quia figmentum cordis humani malum est. *Hic promissurus homini gratiam, quod posthac tali iram uti nolit, eandem causam allegat.* Homini igitur sapienti stulta haec videntur, & neutiquam convenire divinae sapientiae. *Sed*
ego

ego sublimia libenter vito, & relinquo ea otiosis Spiritibus: Itaque mihi satis est, quod hæc dicuntur pro nostro affectu, ut scilicet Deus ostendat, se jam placatum esse, & non amplius irasci. Nam ita parentes quoque solent, postquam promerito flagellarunt inobedientes liberos, tandem blanditiis eos iterum quasi conciliant sibi. Hæc inconstantia non solum reprehendi non meretur, sed laudanda est. Prodest enim pueris, ne dum virgam metuunt, etiam parentes odisse incipiant. Hæc solutio mihi satis est, invitat enim nos ad fidem. Alii alia afferre possunt. Hæc LUTHERVS.

15. Iam ergo pro Propositione probanda argumentor: Si figmentum cogitationum cordis humani non solummodo vere sed etiam tantum malum est, non duntaxat diebus ætatis senilis, virilis, juvenilis, & puerilis: sed etiam omnibus diebus infantie hominis; ergo peccatum originale non separatum est tempore infantilis ætatis, a motionibus & fictionibus seu formationibus, peccabilibus: Ratio est; quia alias ipsum figmentum non tantum esset malum omnibus diebus infantie; siquidem foret etiam bonum; scilicet tum, quando malum esset abs illo sequestratum: At prius est.

16. Frustra namque quis objiciat, in Hebræo textu Genes. VIII, 21. legi מִנְּעָרַיִם, minneyraif, ab adolescentiis (ut ita latine liceat loqui) ejus. נְרִים, neurim, vero notare non tempora infantie, sed adolescentie: sicut vox נָעַר, náar, significet non infantem, sed juvenem: Vana, inquam, hæc est objectio: siquidem vox, náar, non tantummodo designat adolescentem; sed etiam infantem: Quoniam infans Moyses dicitur náar, Exod. II, 6. ut & infans Samson Jud. XIII, 5. Recte ergo ex HIERON. Quæstionibus in Genesin, inquit FLACIUS part. 2. Clav. p. 186. Secundum Hebræorum idioma, infans vocatur omnis filius ad comparisonem parentum. Hæc ille. Sic 1 Reg. XVIII, 12. Abdias dicit ad Eliam: Servus tuus timet Dominum מִנְּעָרַיִם minneyraif, ubi non excludit tempora infantie suæ.

17. Sic quamvis non simpliciter inficiemur, vocem, neurim significare eam etiam ætatem, qua homo incipit ratione uti, quod fere fit anno sexto, ut ait D. LUTHERVS in Gen. VIII, p. 407. imo ipsam etiam juventutem: non tamen afferere recte scimus, quod

quod *Gen. VIII, 21.* vox, *neurim*, non significet *infantiam*: Siquidem, ut jam probabo, loquitur ibi Jehova de peccato etiam originali, qui polluitur homo non demum anno vel sexto, vel frequentibus; sed in ipsa conceptione *Pf. LI*, & in ipso matris utero *Pf. LVIII, 4.* & *Ef. XLVIII, 8.* Vnde non solum *adulti*, sed etiam *infantes* sunt morti, quæ peccati pœna est, obnoxii *Rom. V, 14.* tum in utero matrum, tum extra eum, postquam geniti sunt, teste experientia. Rursus, Deus *Gen. VI, 5.* & *VIII, 21.* de illo quoque loquitur peccato, quod est in homine *omni die*, id est, *continue & omni tempore.* Non igitur *tempus infantie* hic excludit.

18. Objicias, Moisen per *figmentum cogitationum cordis humani* intelligere id, quod homo potest in suis cogitationibus, seu cum ratione & libero arbitrio, etiam in summo gradu, & quod summo studio excogitat, diligit, facit, sicut figulus, & putat pulcherrimum esse. At tale figmentum non quadrare in infantiam. E. R. Licet cum Dn. LVTHERO in *Gen. p. 337. & 400.* concedamus, quod *iézer* hic significet industriam, sapientiam, rationem humanam, cum omnibus viribus, quibus etiam in optimis actionibus ratio utitur: non tamen vel ille, vel nos simpliciter imus inficias, in dictis Moisi modo allegatis, *infantiam* hominis etiam intelligi, neque hinc statim concludi potest: Quin potius cum LVTHERO pag. 400. dicere libet: *Hic est insignis locus de peccato originali, quod qui extenuant, hi profecto, sicut cæci in sole, errant, & quæ quotidie agunt, & experiuntur, non vident.* Nam *incunabula nostra* inspicere, quam varie in *prima ætate* se prodit peccatum! Hæc D. LVTHERS. Licet igitur per vocabulum, *iézer*, respectu *adultorum*, hic etiam notetur figmentum cordis humani, cum rationis usu connexum: tamen respectu *infantium*, connotatur fictio & motio cordis, cum plena liberi arbitrii usurpatione nondum conjuncta. Figmentum hoc & in *illis*, & in *his* duntaxat est malum, si attendatur *naturalis pravitas cordis humani.* Tantum de probatione *propositionis*

19. *Assumptio* probatur 1) ex citatis dictis *Gen. VI, 5. & VIII, 21.* junctim sumptis: qui loco quamvis sat evidentes sint; tamen quia Papista PIGHVS, & imitatores ejus (in his dictis pervertendis) Photiniani negant, hic etiam agi de peccato originali, negationem illam

illam falsitatis conyincam, sic argumentando: De illo *etiam* peccato Deus in citatis locis loquitur, quod 1) est *in omnibus & singulis hominibus*; *Generis* n. vocabulo utitur Deus, & dicit: *Cor hominis* tale esse. Erant autem tum (post diluvium) homines non alii, quam qui in arca servati erant. Et tamen dicit: Figmentum cordis humani esse malum. Ergo non excipiuntur hic ne sancti quidem. Conf. D. LUTHER. in c. VIII. *Genes.* p. 401. 2) quod *in specie* perhibetur fuisse etiam in Noacho credente, ejusque sociis: siquidem post diluvium, non superstites fuerunt alii homines, quam Noachus cum suis, *Genes.* VII, 21. 22. Et tamen Deus cap. VIII, 21. pronunciat, quod figmentum cordis humani (etiam Noachi, & sociorum ipsius, quippe qui post diluvium residui fuerunt, nec ab isto peccato excipiuntur) sit malum ab infantia hominis. 3) quod est in homine omnibus diebus etiam *infantiae*, ut constat ex ipsa litera.

20. At non malitiosa primi mundi contumacia, sed peccatum originale, cum suis primis motionibus vitiosis, est 1) in omnibus & singulis hominibus, ut per se liquet. 2) nec obstinata delinquendi libido, & delicta praelectiva, seu ἀρρητρυγία Cainiticæ, sed concupiscentia prava hæreditaria, quæ est malum κακοποιόν, fuit in Noacho credente, ipsiusque sociis: quia salvifice credentes, *qua tales*, non malitiose delinquent: quandoquidem malitiose delinquentes excluduntur e regno cœlorum, *Gal.* V, 19 - 21. At vere fideles, *qua tales*, non excluduntur e regno cœlorum, *Jo.* III, 16. 18. E. 3) nec *flagitia praelectiva*, sed peccatum originale est in homine ab ipsa statim infantia, ut abunde patet.

21. Sicut igitur hic *per oppositionem* minime fas est concludere ita: *Gen.* VI. & VIII. capp. agitur de peccato *originali*. E. non simul de *actuali*: ita quoque per turpem oppositorum Elenchum Photiniani sic argutantur: *Gen.* VI. & VIII. capp. agitur de peccato *actuali*. E. non simul de *originali*. De utroque enim peccato simul ibi agitur; sicut jam liquet.

22. Hinc itaque *assumptionem* dati syllogismi sic probō: Figmentum cordis humani duntaxat malum est *ab infantia*, non vero tantum a *pueritia*, ab *adolescencia*, a *juventute* hominis. E. etiam *infantes* polluti sunt peccato originis, non ἀσεργῶ, sed καποσεργῶ, quantum esse potest in infantibus.

C

23. Absurdus enim est socINVS, qui in *Prælect. c. 4. p. 12.* asserit, Deum hic non docere, quod figmentum cordis humani sit malum *ab infantia*: sed, *si sit*, id tantam vim non habiturum apud ipsum, quam antea habuerit. Quæ est pessima verborum Dei depravatio, pugnans cum lege divina, *juxta cujus censuram*, peccatum retinet suam vim & ἐνέργειαν. Et Deus non conditionaliter, sed simpliciter asserit, figmentum cordis humani esse malum *ab infantia*. Quod autem Deus in illud non semper animadvertit, id vero inde est, quod multi homines salutarem agunt poenitentiam, & in Christo mediatore & redemptore (cujus λύτρον & satisfactionem pro nostris peccatis, Photiniani pessime negant) suam ponunt fiduciam, exemplum Noachi imitantes. Hæc de prima assumptionis probatione.

24. II. Assumptionem propositi syllogismi demonstratio ex *Pf. LI, 7.* Enthymemata esto tale: David vere & proprie scribit, quod in iniquitate sit formatus, quodque mater ipsum in peccato foverit seu calefecerit, & calefaciendo conceperit; quemadmodum verbum חָמָה, *chamáh*, (quod analogiam habet cum חָמָה, *iachám*,) etiam usurpatur *Gen. XXX, 39.* E. omnes homines, cum a Christo solummodo discessero, concipiuntur in peccato originali, seu malo naturali. Quamvis enim vulgata versio *Psal. LI, pluraliter* loquatur: *in iniquitatibus*; proindeque *August. in Enchirid. ad Laurent. c. 44. p. 75. tom. 3. & Lombard. lib. 2. sentent. dist. 33. lit. e.* ad hoc Davidis dictum applicarint hanc regulam: *Mos Scripturæ est, ut res una quandoque pluraliter efferatur*: tamen textus hebræus, qui norma est articulorum fidei in libris *Propheticis*, loquitur *singulariter*. Regula igitur ista alibi habet locum, ut & *Exod. XXXII, 1. 4. 31.*

25. *Antecedens* Enthymematis contra Photinianos, *hyperbolen* hic a Davide adhibitam esse comminiscens; quasi peccatum homini res quædam plane naturalis sit; non autem, quod ita sit *revera*: qualis figuratus & hyperbolicus loquendi modus etiam sit *Pf. LVIII, 4. & Es. XLVIII, 8.* *Antecedens*, inquam, probo. Photiniana namque hic efficta hyperbole non potest stare; Quia 1) non recedendum est prius a litera, quam Spiritus S. inde deflectat. At Spiritus S. hic non recedit a litera; quia nulla tropi monstrat

monstrat vestigia. 2) Hyperbole ista pugnat cum scopo Davidis, qui hic est. Precatur ille Deum, ut ipsum abluat multum ab iniquitate, & a peccato mundet, v. 3. hoc est, ut omnia & singula peccata, *proprie vereque dicta*, ipsi remittat. Non enim rogat Deum peccatorum veniam, *quæ revera peccata non sint*. Argumento, inter alia, hoc etiam utitur; *quia sit in peccato conceptus & natus*. Finge jam, hic esse hyperbolen Photinianam, & sustulisti nervum argumenti Davidici. Siquidem ista hyperbole peccati, in ipsa infantis conceptione & generatione obvii, & infantem inhabitantis, tollit ἀλλήθεαν. 3) Pugnat etiam cum enumeratione, confessione & deploratione peccatorum Davidis. Non enim tantum enumerat, confitetur & deplorat peccata sua actualia præelectiva, ut adulterium, homicidium &c. sed etiam id peccatum, quod tum in ipsa conceptione, tum in ipsa generatione ipsum occupavit. Sicut igitur David peccata actualia vere & proprie intelligit; ita & peccatum originale; quia nuspiam Deo confitetur peccatum *factum & figuratum*.

26. Quod igitur attinet *Pf. LVIII, 4. & Ef. XLVIII, 8*. Resp. 1) *ex hypothesi*, si vel maxime ibi esset figuratus & hyperbolicus sermo; an statim sequeretur, quod propterea *Pf. LI, 7*. etiam talis tropicus esset sermo? Nonne hoc est fallere & falli *particularitatis & paritatis* elencho? 2) Non est hyperbole in locis citatis; sed Deus vere & proprie ibi describit hominum malorum vitium *etiam* originale, per terminos, operationem alias notantes (quem Hebraismus Paulus etiam imitatur *Rom. V, 12*.) ostenditque, quale & quantum illud sit malum, & quam enormiter impii isti peccent, ut postea plenius dicam.

27. *Consequentiam* porro Enthymematis jam ostendo. Excipit enim SOCINVS in *Prælect. cap. 4. p. 13.* quod David *non de homine, sed de seipso tantum* loquatur. Proindeque vult concludere, quod licet David conceptus & natus fuerit in peccato & pravitate naturali; non tamen continuo sequatur, omnes & singulos homines *natura* pollutos esse peccato. Resp. evidentem ille committit elenchum *confusionis* attributi communis & singularis. Non equidem a positione attributi *singularis*, seu huic aut illi *duntaxat individuo* competentis, valet collectio ad positionem
C 2 attri-

attributi *communis* seu *generici*. (E. g. non valet: Judas prodidit Christum. E. omnes & singuli homines Christum prodiderunt: quia τὸ *prodidisse Christum*, non est attributum, cunctis hominibus commune) veruntamen ab attributo *communi*, uni *individuo*, alicubi in sacris literis adscripto, valet processus ad affirmationem *generis*.

28. Quia igitur pravitas originalis, est adjunctum non *solius* Davidis; sed omnium hominum, ex concubitu maris & foeminae progenitorum, fatente DAVIDE, *Pf. XIV, 1-3.* & exinde afferente PAVLO, *Rom. III, 12. 23.* & uberius exponente *Rom. V, 12. &c.* & *Eph II, 3.* ideo valet argumentatio: *David est in peccato conceptus & natus.* E. & omnes homines, secundum consuetum naturae ordinem geniti, in peccato isto originali concipiuntur & gignuntur.

29. Quemadmodum & PAVLI conclusio recta est: Abraham credendo justificatus est. E. Omnes homines credendo justificantur. *Rom. IV, 1. &c.* & *Gal. III, 6-9.* Ratio est; quia vere & fiducialiter credendo in Christum, justificari, non est adjunctum, soli Abrahamo proprium, *Act. X, 4. & XV, 11.* sed omnibus vere credentibus commune. *Gal. III, 9. 14. 29.* Hæc itaque dicta sint de primo nostro syllogismo principali.

30. Qui hic est: *Quicumque est contaminatus labe peccati originalis, ille quoque conspurcatus est, si non statim peccatis actualibus voluntariis, saltem (ad minimum) involuntariis; quæ dicuntur primi motus & impetus vitii naturalis,* ab eoque per naturam in hac vita sunt inseparabiles; Quippe qui sive ad *quidditatem* peccati originalis pertinent: sive *ut effectus proprii* ab ipso emanant in hominibus, hic viventibus. Non enim odiose certabimus de modo loquendi, si res ipsæ sint salvæ. At *omnis infans, dempto solo Christo, est contaminatus labe peccati originalis;* ut paucis planum feci, suo loco & tempore planius & plenius id expositurus. E. *omnis infans, excepto solo Christo, ad minimum motibus primis ingeni vitii difformibus,* est inquinatus: qui motus sunt vere peccabiles; quia sunt ἀνεμοί, sine ulla tropologia.

31. Ex quo syllogismo fluunt certa *πορίσματα*: 1) *Peccatum originale non esse torpidam qualitatem, nec malum otiosum, sed valde operosum.* 2) *Primos istos originalis concupiscentiæ prave motus*

motus peccabiles ἀποαιρέτως inseparabiliter pertinere ad peccatum originale; προαιρέτως vero ad peccatum actuale, exquisite dictum.

3) BELLARMINVM lib. 5. de amiss. grat. & statu peccati c. 4. *syco-phantari, quando scribit, LUTHERVM, PHILIPPVM & CHEMNITIVM peccatum originis non distinguere a peccato actuali.*

32. Quod est aperte falsum. Quando namque prædicti Theologi dixerunt, eorumque discipuli dicunt, peccatum originis esse activum, seu fomitem non torpidum, sed καροποιόν; tum peccatum originale non confundunt cum actuali, presse sic dicto; sed 1) refutant Scholasticos, (eorumque imitatores) qui peccatum originale dixerunt torpidam qualitatem. 2) Vitium hoc vocarunt & vocant peccatum actuale, non quod sit actio aliqua (scilicet προαιρετική) sed quod sit actualis & vera pronitas, sive morbus & defectus reipsa atque actu in homine existens, & non mera negatio, aut relatio, ut tandem ait & fatetur ipse BELLARM. cit. loc. 3) descripserunt & describunt his terminis ipsam, ut ita loquar, peccati originalis vivacitatem & ἐνεργεμένην ejus qualitatem. 4) opposuerunt & opponunt τὸ activum illi, quod est mere-potentiale & ἀεργόν.

33. 4) In specie luculentam insuper D. CHEMNITIO fecisse injuriam BELLARMINVM, dum ibid. asserit, quod ipse cogitationem, etiam deliberatione confirmatam, aperte ad peccatum originis retulerit in part. 1. Exam. Concil. Trident. At hoc etiam evidenter falsum est. Licet enim CHEMNITIVS, in explicatione vocis, iézer, ex Es. XXVI, 2. asseverarit, quod etiam cogitatio, quæ deliberatione confirmata est, sic vocetur: non tamen docet, quod talis cogitatio sit ipsum peccatum originis; sed contra ANDRADIVM probat, quod Gen. VI. & VIII. capp. iézer, non significet duntaxat propensionem seu concupiscentiam ad peccandum, quæ mala dicatur non per se, sed ideo tantum, quia ad malum propendeat & inclinet. Vide ibi ipsum D. CHEMNITIVM, qui etiam in parte 1. L. C. c. 8. de peccatis actualibus memb. 3. inquit: *Observeetur, cogitationes aliquando pertinere ad peccatum originale, ut cum tantum sunt suggestiones; aliquando ad peccatum actuale, quando scilicet significant deliberationem seu propositum.* Hæc ille, unde falsiloquium BELLARMINI satis aperte elucet. Conferatur Apologiu Aug. Confess. art. 2.



34. Quibus quasi in transcurso positus confectariis; jam argumentum II. adduco, sumptum a *specieb. peccati activi, seu actualis, laxè dicti*. Syllogismus esto talis. In quos infantes cadunt species peccati activi, in illos cadit peccatum actuale, late acceptum; quia affirmatis speciebus, genus non negandum, sed affirmandum est. Atqui in infantes cadunt species peccati activi. E.

35. Aff. probó ad inductione; Quia 1) *ira rancida cadit in infantes. Aug. Tom. 1. lib. 1. confess. c. 2. p. 30.* inquit: Imbecillitas membrorum infantiliū innocens est, *non animus infantium*. Vidi ego & expertus sum zelantem parvulum: nondum loquebatur, & intuebatur pallidus amaro aspectu collectaneum suum: certe ejusmodi pravitas non est aliunde, nisi a malo isto, quod manet post baptismum reliquum. *Hæc ille.* Et PICCOL. grad. 1. c. 31. pueris ante usum rationis etiam iram tribuit. 2) *Peccata omissionis inaffectata*, h. e. cum deliberatione nondum conjuncta, *sunt in infantibus*. Turpiter enim errat BELLARM. l. 5. de amiss. grat. & *stagn. peccat. c. 4.* scribens, *quod absurdissimum sit, infantes habere peccatum actuale, saltem omissionis: siquidem*, ut paulo ante dixerat, *infantes non teneantur fidem & timorem Dei actu habere, cum isti actus rationis usum requirant, quo infantes careant.*

36. Cui resp. 1) esse per se perspicuum, quod infantes nunquam vel nondum circumcisi in Vet. Test. & nunquam vel nondum baptizati in N. Test. non habeant (si ordinem a Deo nobis præscriptum respiciamus) fidem & dilectionem Dei, imo nullum motum *spiritaliter* bonum; quia non habent Spiritum S. in ipsis gratiose habitantem: utpote quem per Sacramentum initiationis demum accipiunt. Vbi si cum Papistis objicias, quod sine metu & dilectione Dei, & sine fide esse, *culpa sit actualis*. Ideoque non pertineat ad peccatum originale. Resp. distinguendo inter carentiam *potentiæ* confidendi Deo, eumque filialiter diligendi, timendi, colendi, & inter carentiam ipsius *actus*. Illa pertinet ad quidditatem peccati originalis; hæc vero (actus carentia) pertinet ad peccatum actuale, stricte dictum, si scilicet sit vacuitas & absentia actus *præelectivi*; si vero est, omissio & privatio actus filialiter timendi, & colendi Deum religiose, *sine connotatione* adjunctæ *propositivæ*, tum etiam hæc *sententia* spectat aut ad ipsius peccati origi-

originalis quidditatem, aut saltem ad primos ipsius fructus & effectus interiores.

37. Resp. 2) Non esse absurdum, sed verum, quod infantes habeant peccata omissionis *actualia*, laxè sic dicta; ut per se liquidum est in infantibus, vel extra Ecclesiæ pomeria constitutis, vel Christo per Sacramentum initiationis nondum insertis. Quando vero infantes per initiationis Sacramentum in foedus gratiæ Dei sunt recepti, tum necdum faciunt, sed negligunt omittuntque multa, quæ lex ab ipsis poscit. An enim diligunt Deum ex toto corde, tota anima, & omnibus viribus? Minime. Atque istud flagitat lex ab omnibus & singulis hominibus, sine exceptione infantum. Decalogus enim obligat non tantum adultos, sed & infantes: sicut etiam lex naturalis eis competit.

38. Resp. 3) Falsum esse, quod infantes fidem & timorem Dei actu habere *non teneantur*. Nam aut infantes obligat primum præceptum, aut non. *Posterius* est falsum; quia vel maxime primum præceptum obstringit omnes omnino homines; adeoque *sine exceptione infantum*, PAULVS dicit 1 Cor. XVI, 21. si quis non diligit Dominum Jesum Christum, sit anathema, maran atha. E. *prius* est verum, si *hoc*. E. infantes obligati sunt ad diligendum & timendum Deum.

39. Resp. 4) Rursus falsum est, *indistinctè loquendo*, quod actus fidendi Deo, eumque timendi, requirant usum rationis. Nam 1) infantes per Sacramenta Deo inserti, salvifice credunt, ut alibi probavimus: neque tamen infantes usu rationis pollent. 2) sunt multi adulti credentes, qui quandoque patiuntur *ἑκασιν*, quam GALENVS vocat *ἐλιγοχρόνιον μανίαν*. Neque tamen in illo morbo deperdunt & amittunt fiduciam cordis. 3) Vfus rationis non est causa vel procreans, vel conservans fidei justificantis: sed Spiritus S. per verbum & Sacramenta. Cum itaque infantes per Sacramentum initiationis adipiscuntur Spiritum S. simul quoque fiunt *νοῦνο* fidei justificantis; utpote per quam habitat Christus (& Spiritus S.) in cordibus nostris; Eph. III, 17. Quæ cum ita sint, concludimus, quod infantes habeant peccata omissionis *actualia*, laxè dicta.

40. Sed hic objicias, omissionem actionis, non esse actionem, sed ejus intermissionem. Quare ex omissione actionis non posse

posse probari, actionem competere infantibus. Resp. omissio actionis, non est actio, scilicet *omissa*. Interim ipsa omissio est actio. Quod illustrari potest 1) *ab exemplo imaginis Divinae*; quippe quæ ante lapsum non duntaxat complectebatur veræ justitiæ & sanctitatis Θεω, Eph. IV, 24. sed etiam omnis vitiositatis & corruptionis ἀγνων, Sap. II, 23. Et illa per lapsum amissa, non tantum integritas naturæ, & perfecta totius hominis, omniumque ejus actionum cum Dei voluntate congruentia est sublata; verum etiam misera totius humanæ naturæ corruptio & depravatio est insecuta: quandoquidem Paulus peccatum originale non tantum describit σεντικῶς, Rom. III, 23. verum etiam Σειτικῶς, Rom. V, 6. 8. 10. 12. 18. & passim.

41. 2) Declarari potest *a natura & proprietate Decalogi*; utpote qui poscit *tum* plenam naturæ humanæ integritatem, & perfectissimam obedientiæ præstationem; *tum* omnimodam vitiositatis naturæ absentiam, & vitiorum pravarumque operationum fugam. Sola integritatis naturæ & virtutum bonarumque actionum præsentia, non implet legem, *si peccata non etiam vitentur*: & *sola* vitiorum pravarumque operationum intermissio non satisfacit legi, *si naturæ sanctitas, virtutesque & plene bona opera non etiam adsint*: siquidem lex non solummodo præcipit bona; sed & simul interdicit mala: vid. Ps. XXXIV, 15. & XXXVII, 27. Jer. XVIII, 11. Amos V, 5. 6.

42. Sicut igitur & *absentia* bonitatis & sanctitatis naturæ hominis, ejusque cogitatorum, dictorum & factorum, ad peccabilem hominis imaginem, quæ prævaricationem protoplaston insecuta est, pertinet: & *carentia* sanctitatis bonarumque actionum hominis, est *etiam* peccatum contra legem: ita etiam *omissio bonæ actionis* est *actio vitiosa*: sicut *intermissio malæ actionis* est *actio bona*: imo in genere *privatio operæ, est actio animi*. Quod etiam docet SCALIGER Exerc. 315. Vnde non tantum Deus illis pœnas minatur & infligit, qui *mala patrant*, Matth. VII, 23. & XIII, 41. sed etiam illis, qui *bona intermittunt*, Matth. VII, 19. Luc. XIII, 7. & Jac. IV, 17.

43. Quia itaque infantes, quantumvis etiam baptizati, non præstant *plene*, quæ lex ab ipsis postulat; Nam & justus peccat septies, Prov. XXIV, 16. & in multis labimur omnes, Jac. III, 2. Et nullus est homo, qui non peccet, 1 Reg. VIII, 46. propterea com-

mittunt

mittunt illi peccata omissionis, *uti dicuntur*, licet sine praelectione & consultatione. *Bona vero opera non facta sunt male facta.* Hæc de secundo argumento.

44. III. fumo ex *Psal. LVIII, 4. & Esa. XLVII, 8.* David inquit: Alienati sunt impii מְרֵחִים a vulva, sive ab utero, id est, in utero matris (per metonymiam subjecti hyperbolicam inquit PISCATOR, in hyperbole ponenda, hic a Photinianis non longe abiens: cum tamen ibi non sit hyperbolicus sermo, sed verus & proprius, describens granditatem & profunditatem peccati originalis) erraverunt מְרֵחִים id est, ab utero, &c. Notandum hic מְרֵחִים, seu (extra pausam) מְרֵחִים significare non tantum, *inde a primo natiuitatis initio*; sed etiam *in matrice matris*: vide *Fer. XX, 17.* sic מְרֵחִים quoque idem notat: vide *Pf. XXII, 10. 11. & LXXI, 6. Judic. XIII, 5, 7. & XVI, 17. Esa. XLIV, 2. & XLIX, 1. Hof. IX, 11. Quem loquendi modum observat Spiritus S. etiam in N. T. Luc. I, 15. Act. III, 2. & XIV, 8. & Gal. I, 15.* Hinc itaque argumentor: Qui proprie alienatus est, seu qui se alienavit a Deo in vulva matris suæ, & a primo exinde egressu, & ab utero erravit, is jam inde in prima infantia, imo in utero matris proprie habuit peccatum non otiosum, sed ex natura sui operosum; quia peccatum *proprie dictum*, separat incredulos a Deo, *Es. LIX, 2.* & vera deviatio a tramite rectitudinis est *ἀνομία proprie dicta.* Et terminis, actum notantibus, hic effertur peccatum originis, non duntaxat ex linguæ Hebrææ idiotismo: sed etiam propterea, ut indoles vitii illius nativi efficax, & quasi agilis seu *matrix* exprimatur. At peccatores *proprie* (nulla namque tropi indicia Spiritus S. hic ponit) alienati sunt a Deo, in vulva &c. E. AVG. T. VII. super hunc Psalmum p. 231. ait: *a vulva, i. e. ab ipsa origine, alienati sunt peccatores. Vnde alienati? a veritate. Vnde alienati? a patria beata, a vita beata &c.*

45. Porro *Es. XLVIII, 8.* inquit Jehova: *Nam novi te prævaricando prævaricaturum esse, & transgressorem (defectorem) inde a ventre te vocatum a me.* Quibus verbis Jehova respicit ad antecedentia, quibus populum de rebus istis futuris præmonuerat, rationem præmonitionis & prædictionis suæ reddens hanc, quia sibi perspectissima sit populi pravitas non tantum actualis, sed etiam originalis. Vocat enim transgressorem seu defectorem popu-

lum *ex utero*. Jam vero populus non a *prima sui conceptione* & *nativitate* est *malitiosus* Dei desertor; quia ad hanc malitiosam ἀποστασίαν requiritur προαίρεσις voluntaria. E. populus est defector & transgressor ab utero respectu pravitatis ingenitæ, cumque suis motibus viciosis connexæ, & in annis sequentibus criminibus atrocibus exasperatæ: sicut catuli luporum etsi nondum a se raptas & dilaceratas oves devorent: tamen in natura sua habent ingentem propensionem & inclinationem ad eas dilacerandum & vorandum; quæ etiam naturalis rapacitas in illis non est prorsus otiosa, sed suos sibi congruentes habet motus, qui cum annis incrementa sumunt. Vnde tamen concludo, quod peccata actualia sint in infantibus, late sumpta.

46. Quemadmodum enim in infantibus baptizatis, & per baptismum fide justificante donatis, sunt bona opera, a Spiritus S. inhabitantis gratia accensa: ita in iisdem sunt mala opera, a peccato originali, post baptismum reliquo, profecta. At bona opera, quæ ab infantibus baptizatis præstantur, non prorsus similiter se habent ad bona opera adultorum hominum credentium; siquidem horum bona opera constant 1) notitia magis evoluta & distincta, quam qualis est in infantibus baptizatis; hi enim etsi vere credunt; nondum tamen externam etiam habent cognitionem indigi proximi. 2) Adultorum opera habent plerumque annexam sibi propriam βέλησιν καὶ προαίρεσιν, infantum vero nunquam. 3) Adultorum opera tendunt etiam ad proximum: sed infantum, quæ talium, fides nondum est per charitatem erga proximum efficax.

47. Nec est, ut hic dicas, peccatum originale per baptismum ex infantibus baptizatis prorsus extirpari. E. ab illo non posse produci pravas in infantibus actiones. Licet enim illud infantibus baptizatis verè remittatur; non tamen ex illis eradicatur, nec annihilatur; sed reatus hominibus baptizatis condonatur. Seu, ut loquar cum Jure Canon. de Consecrat. dist. 4. c. 2. in baptismo concupiscentia exstinguitur, non ut non sit, sed ut non obsit. Vbi etiam ex AVGVST. l. 1. de peccat. merit. & remiss. seu de baptismo parvul. c. 39. tom. 7. p. 291. citantur hæc ejus verba: Per baptismum Christi id agitur, ut evacuatur caro peccati. Evacuatur autem, non ut in ipsa vivente carne concupiscentia conspersa & innata repente absumatur, & non sit; sed ne obsit mortuo, quæ

oberat

oberat nato &c. Atque hæc sunt argumenta, quibus *primum* nostrum theorema volumus stabilire.

48. *Theorema secundum* sit huiusmodi: *In infantes, sive in utero matrum etiamnum conclusos, sive in lucem editos, nondum cadunt peccata actualia, presse dicta, h. e. praelectiva, & voluntaria.* Idque probō 1) a negatione βλῆσεως καὶ προαίρεσεως in infantibus. Vbi enim nondum est βλῆσις, nec βλέυσις, nec προαίρεσις, ibi nondum sunt actus consulti, voliti & praelecti. Tolle enim causam, & tollenda est ejus ἐνέργεια. At in infantibus, quatalibus, nondum est βλῆσις, nec βλέυσις, nec προαίρεσις. Vide *Deut. I, 39. Es. VII, 16. Jon. IV, 11. & Heb. V, 14.* AVGVST. tom. 5. lib. 12. de Civ. Dei c. 24. p. 306. scribit, quae ratio & intelligentia in infante sopita sit quodammodo, quasi nulla sit &c. E.

49. Male hinc cum Pelagianis & Anabaptistis quis attentabit pugnare contra peccatum originis; quippe quod per unum hominem in mundum intravit, *Rom. V, 12.* &c. ita ut omnes si non in infantili ætate ἴθι καὶ μιμήσει; saltem τῇ φύσει simus filii iræ, *Eph. II, 3.* peccatumque in nobis habitet, *Rom. VII, 17. 20.* nobisque adjunctum sit, v. 21. & nos captivos reddat, v. 23. quia est εὐπερίστατος ἀμαρτία, *Heb. XII, 1.* Non igitur citata dicta (thes. 48.) peccatum originis destruunt, sed adstruunt, infantes nondum habere notitiam boni & mali, proindeque ab ipsis scientibus & volentibus nondum peccari.

50. Quod AVGVST. tom. 7. lib. 1. de peccat. merit. & remiss. c. 17. p. 281. & c. 35. p. 291. & lib. 21. de Civit. Dei c. 16. tom. 5. p. 284. Et in *Enchirid. ad Laurent. c. 99.* luculente docet, & nos cum illo. Licet autem negemus infantes habere usum mentis: tamen asserentes, revera pravos motus cordis in illis existere, non pugnamus cum AVGVSTINO, ut oggannit BELL. lib. 5. de amiss. grat. & statu peccat. c. 4. quippe qui non indiscriminatim omnes omnino ἐνεργείας καὶ κινήσεις infantibus detrahit (secus peccatum originis cogeretur statuere ἀργὸν otiosum malum) sed duntaxat βλευτικὰς.

51. Frustra objectes ex ARET. part. 1. problem. quod etiam infantibus competat poenitentia, *Joël. II, 16.* ideoque etiam in illos quadret agnitio & volitio. Nam, ut non dicam, quod PISCATOR vol. 1. disp. loco 14. thes. 34. p. 244. ARETII refutet sententiam, hoc duntaxat observari velim, quod poenitentia vera

constet & contritione, agnitionem peccati & iræ Dei completente, & fide salvante. Quamvis igitur infantes, per baptismum in filios Dei adoptati, fidei justificantis sint facti participes; tamen contritionis, exquisite loquendo, sunt expertes. Illa enim oritur ex auditu & sensu legalium concionum: Peccatum enim non cognoscitur, nisi per legem, *Rom. VII, 7*. Auditus autem iste nondum competit infantibus. Vnde argumentor: Qui est expertus auditus legalium concionum, & agnitionis peccatorum, ille est contritionis quoque vacuus. Sublata enim causa tollitur ejus effectio. Infantes, qua tales, sunt expertes auditus legalium concionum, &c. quamvis et quandoque multas sentiant patianturque afflictiones. Conf. *AVG. t. 2. de natura & orig. animar. ep. 28. p. 40. 52*. Neque Deus *Joël II, 16*. præcipit infantibus contritionem et dolorem de admissis a se flagitiis: sed jubet, ut parentes, poenitentiam de peccatis admissis acturi, suos etiam parvulos colligant, secumque sumant, tum ut ex eorum vel aspectu ad ferventiores fletus et preces pro avertendis suppliciis, alias imminentibus, fundendas ipsi concitentur: tum ut et infantes ipsi a poenis impendentibus præserventur: alioquin et infantes cum parentibus, ob peccatum poenis involvuntur. Quamobrem et nostro tempore Christiani parentes sapiuscule suos parvulos secum adducunt in templum Domini.

53. *AVG. tom. 7. lib. 1. de peccat. merit. & remiss. c. 19. p. 282*: in alio sensu, de quo hic nullatenus loquimur, infantibus poenitentiam tribuit: si, *inquit*, infantes propterea recte fideles vocantur, quoniam fidem per verba gestantium quodammodo profitentur; cur non prius etiam poenitentes habentur, cum per eorundem verba gestantium, diabolo et huic seculo renuntiare monstrantur etc. Hæc ille. At Scriptura S. docet, quod infantes baptizati in seipsis fidem justificantem habeant, ut alibi probavi. Si ergo contritio illis vere competit, tum in seipsis erunt contriti, habentes agnitionem peccatorum &c. Quod & ipse *AVGVST.* negat. Hæc de primo argumento.

54. II. Sumo ab exemplo *Esavi & Jacobi*, *Rom. IX, 11*. *Dicuntur enim ibi nondum nati, nihil neque boni, neque mali fecisse*, scilicet *προαιτιμὰς*. Alias circumcisi *Etai* et *Jacob* in foedus Dei vere fuerunt assumpti, et filii Dei facti. Spiritus S. igitur in illis circumcisis habitans, excitavit in illis fiduciam beantem, accendit-
que

que in iis motus bonos, infantibus congruentes. Haud aliter perhibentur infantes isti nihil mali fecisse; non ratione *negatae naturalis pravitate*; quia in Adam omnes peccavimus, *Rom. V, 12.* neque *respectu absentium malarum motionum & inclinationum*; quia peccatum originis, utpote malum & venenum *ἐνέπυτον*, ab his *ἀνθρώποις*, est per sui naturam inegregabile: sed respectu *praelectivarum operationum*; quippe quæ in infantes, sive nondum natos, sive jam generatos, nondum quadrant. Conf. AUGUST. tom. 7. lib. 2. contra Pelag. & Cælestium c. 31. p. 340.

55. III. Peto a testimonio PAULI *Rom. V, 14.* Qui inquit: imo mors regnavit ab Adam usque ad Moysen; in eos quoque, qui non peccaverant, ἐν τῷ ὁμοιώματι, ad similitudinem transgressionis Adam, qui est typus illius, qui erat futurus. Nota 1) verbum regnare, vult enim Paulus dicere, jam inde ab Adami lapsu, usque ad promulgationem legis Mosaicæ, mortem non tantum fuisse, sed etiam instar regis tyrannici sævisse. 2) nota homines, in quos mors dicitur regnasse. In eos quoque, inquit Paulus, qui non peccarunt, ἐν τῷ ὁμοιώματι, i. e. κατ' ὁμοίωσιν, transgressionis Adam.

56. Per hos Marforatus, imitatus alios, mavult intelligere eos, qui sine lege peccarunt, *Rom. II, 12.* quam infantes. At vero conjunctio, καὶ, illam expositionem refellit, siquidem illa subinfert aliquam distinctionem inter homines. Si autem verborum Pauli hic sensus est: Mors regnavit etiam in eos, qui non peccaverant ad similitudinem transgressionis Adam, id est, qui non habuerant, ut ille, revelatam certo oraculo Dei voluntatem, sed duntaxat conscientiæ testimonium; tum conjunctio, etiam, redundabit. Nulla enim distinctione hic erit opus, quia omnibus & singulis hominibus a lapsu Adami usque ad latam legem Moysis, competit, τὸ *sine lege peccasse*, i. e. nullam legis Mosaicæ notitiam habuisse, neque illam, in scriptis tabulis publice tradita & repetita a Moise est, violasse. Quare de infantibus hic Paulus disserit.

57. Observa 3) quidnam intelligatur per τὸ ὁμοίωμα transgressionis Adamicæ. Absurdus namque fueris, si per transgressionem Adamicam præcisè tantum intellexeris ipsum fractionis & comestionis fructus vetiti æctum: Quia possunt intelligi plura peccata in una transgressionem Adæ, si in sua quasi membra dividatur. Nam & *superbia* est illic, quia homo in sua potius esse, quam Dei potestate dilexit: & *sacrilegium*, quia Deo non credidit: & *homicidium*, quia se in mortem præcipitavit: & *fornicatio spiritualis*, quia integritas mentis humanæ serpentina suasio corrupta est: & *jurtum*, quia cibus prohibitus usurpatus est: & *avaritia*,

ritia, quia plus quam sufficere illi debuit, apperivit: & si quid aliud in hoc uno peccato inveniri potest, uti ait LOMBARDVS l. 2. sent. dist. 33. d. ex AVG. Enchirid. ad Laurent. cap. 45. tom. 3. p. 75. Et AMBROS. super V. cap. ad Rom. ait: Peccatum Adæ non longe est ab idololatria. Prævaricatus est enim, putans se hominem futurum Deum. Æstimavit enim, hoc magis profuturum, quod Diabolus suasit, quam quod Deus iussit, in loco Dei Diabolum statuens. Vnde & subiectus est Diabolo &c.

58. Non solum autem considerata est ipsius peccati granditas; verum etiam *modus*, quo patravit illud Adam. Nam inescatus blanditiis Evæ, sciens & volens, contempto Deo, decerpfit fructum vetitum, eumque comedit; suisque cupiditatibus & affectibus indulgit: atque ita externum conspicuumque patravit flagitium atrocissimum. Quando autem PAVLVS 1 Tim. II, 14. negat, Adamum esse seductum, sensus est, quod Adam prior per Diabolum non sit deceptus, sicut Eva; sed posterior per Evam, Satanæ blanditiis persuasam & circumventam.

59. Vnde constat, peccatum Adami fuisse προαιρετικὸν καὶ βλαπτικὸν facinus pessimum: Indeque Hof. VI, 7. Israëlita dicuntur pactum transgressi & in Deum peccasse, עָדָה, i. e. sicut Adam, i. e. scienter & voluntarie Deum offendisse (quamvis vocem Adam hic alii malint appellative accipere.) Quod apocryphus iste liber IV. Esdræ c. III, 21. ita effert: Cor malignum bajulans, primus Adam (intellige, postquam dereliquit Deum) transgressus & victus est; sed & omnes, qui de eo nati sunt. Et v. 26. In omnibus fecerunt, sicut fecit Adam, & omnes generationes ejus. Vtebantur enim & ipsi corde maligno.

60. Attende denique 4) cur Adam fuerit typus Christi: nempe propterea: quoniam quemadmodum ille mortis, ex vetito cibo inductæ, causa factus est omnibus, qui ex illo sunt, licet ex prohibito ligno non comederint: sic & Christus suis, quotquot ex ipso sunt, tametsi justitiam non fecerint, justitiæ factus est conciliator, quam per crucem omnibus nobis donavit, ut inquit hic CHRYSOST.

61. Nunc ergo ex hoc PAVLI testimonio sic colligo. Quisquis non peccat ad similitudinem transgressionis Adam, ille non delinquit scienter & præelective: sicuti Adami παραβασίς fuit προαιρετική. Quandoquidem ὁμοίωμα, cujus hic PAVLVS mentionem ingerit, notat similitudinem & analogiam peccandi, ut Adam peccavit, subintellige consulto: sicut faciunt adulti, concupiscentiæ suæ illecebris irretiti, eisque obsecuti. Peccatum igitur inconsultum, & involuntarium, non est transgressioni Ada-

mitica

miticæ ὁμοίων & conforme; sed ἀνόμοιον & difforme. *At nulli infantes, qua tales, peccant ad similitudinem transgressionis Adam, teste PAVLO. E.*

62. IV. depromo ab innocentia infantium. Sanguis enim eorum dicitur *innocens, Ps. CVI, 38. Jer. XIX, 4. & Jcël. III, 19.* quemadmodum etiam pueri Bethlehemitici, ab Herode trucidati, *Matth. II, 16.* dici solent Infantes: & juxta CYPRIAN. *serm. de stella & Magis p. 491. innocua phalanx:* ubi & ille ait, Herodem, inaudita crudelitatis monstrum, in neces *innocentium* fuisse debacchatum. Hinc sic argumentor: *Infantes* sunt infantes aut respectu *absentis* peccati originalis, ejusque primorum motuum vitiosorum; aut respectu *absentium* ab illis peccatorum actualium, presse dictorum. Non prius: quia sunt in peccato originali, quod est malum activum, concepti & nati. Unde & Deus dicitur mundando non mundaturus, *Exod. XXXIV, 7. & Nabum. 1, 3.* hoc est, nullum hominem in terris viventem, innocentem pronunciaturus, licet vel ipse sibi videatur innoxius, vel talis etiam ab aliis habeatur. Concludit enim Deus omnes *eis ἀπείθεον*, ut omnium misereatur, *Rom. XI, 32. & Gal. III, 22.* Et quilibet Sanctus cum Davide, *Pf. XXXII, 6.* rogat Deum suorum delictorum veniam, & petit, ne intret cum ipso in judicium; quia non justificetur in ipsius conspectu omnis vivens, *Pf. CXLIII, 2. E. posterior.* E. infantes sunt immunes ab actualibus voluntariis criminibus: in quo respectu nuncupantur innoxii. Et ubi per Sacramenta Christo insiri, sunt justī & sancti per realem justitiæ & sanctitatis Christi imputationem.

63. Nec alias Spiritui S. inusitatum est, aliquem hominem appellare *innoxium*, non quidem *simpliciter & absolute*; sic enim omnis homo est peccator, dempto solo Christo; sed *limitate & determinate*, respectu scil. certi alicujus maleficii, quod quis non designavit. Ex pluribus hæc feligi & adduci queunt exempla, *Gen. XL, 15.* Joseph conqueritur, se innocentem esse in carcerem missum. Vbi per innocentiam suam non intelligit *ἀπυσίαν* omnium omnino peccatorum; sed tantum carentiam ejusmodi flagitiorum, quæ fuerint digna tali carcere. Et JEREM. *c. XXVI, 14, 15.* ad rabiosos inquit Judæos, quibus nomine Dei pœnas comminatus fuerat: Ego in manibus vestris sum; facite mihi, quod bonum & rectum est in oculis vestris. Veruntamen scitote & cognoscite, quod si occideritis me, *janguinem innocentem* tradetis &c. En! Propheta se itidem vocat *innocentem*, non quod sit *ἱσαγγελος*, ab omni peccati labe immunis: agnoscit enim pravitatem cordis humani, *c. XVII, 9.* quæ in ipso sic etiam operosa fuit, ut diem nativitatis suæ sit execratus, *c. XX, 14.*
fed



sed quia tantum & tale non perpetravit enorme facinus, propter quod a Judæis fuerit morte mulctandus crudelissima. Hæc de quarto argumento.

64. V. Denique sumo a remotione perpetui effecti peccatorum, contra conscientiam admissorum, ita colligens: Quicumque renatus peccat scienter & malitiose, seu contra conscientiam, is amittit fiduciam justificantem, effunditque gratiam Dei. Nullus infans circumcissus in V. & baptizatus in N. T. proindeque regeneritus, amittit fiduciam justificantem, nec effundit gratiam Dei. E. Major probatur; siquidem qui bonam conscientiam repellit, circa fidem naufragium facit, 1 Tim. I, 19. & morituri sunt renati, quando secundum carnem vixerint, Rom. VIII, 13. Et neque scortatores, neque adulteri, neque idololatræ &c. regni Dei hæreditatem adipiscuntur, 1 Cor. VI, 9, 10. At quidam renati lapsi, fuerunt facti scortatores & adulteri, & idololatræ, ut constat ab exemplo Davidis & Salomonis. E. Quicumque autem est alienatus ab hæreditate regni Dei, is est incredulus. Ex quibus non obscure colligitur, quod amissio fidei justificantis, gratia Dei, justitiæ & æternæ salutis, sit perpetuum & inseparabile effectum flagitiorum, contra conscientiam dictamen nequiter admissorum, nisi deinde peccator resipiscat.

65. Minor confirmatur inde, quandoquidem quicumque baptizati estis in Christum Jesum, in mortem ejus baptizati estis, inquit PAULVS Rom. VI, 3. Et quicumque baptizati estis, Christum induistis, Gal. III, 27. Quicumque vero ipsum induerunt, illi habent fidem salvantem, utpote per quam inhabitat in cordibus eorum, Eph. III, 17. Si igitur infantes, per usum sive circumcisionis in V. sive baptismi in N. T. in sædus Dei recepti, in infantia ex hac vita migrant, absque omni dubio æternum salvantur. Qui enim habet Filium, habet vitam. 1 Joh. V, 12. Atque hæc sunt argumenta, quibus & secundum thema voluimus demonstrare; aliis prætermisiss.

66. Vnde constat, quod quidam nostrorum Theologorum, quando tribuunt infantibus peccata actualia, loquantur laxè, intelligentes vivacissimam & operosissimam peccati originalis indolem, a qua non absint motus primi vitiosi. Quando vero cum AVGVST. & aliis detrahunt iisdem peccata actualia, loquantur presse, intelligentes flagitia enormia, ab usu liberi arbitrii profecta. Atque hæc dicta jam sufficiant.

Deo sit laus, honor & gloria in omnia seculorum secula. Amen.



DISPUTATIO II
DE QVAESTIONE
AN DEVS POSTERIS ET FILIIS
INFLIGAT POENAS OB MAJORVM
ET PARENTVM SVORVM
FLAGITIA?

DEO BENIGNENTE IUVANTE
AD PLACIDAM SENTENTIARVM COLLATIONEM
PVBLICE PROPOSITA

AVTHORE ET PRAESIDE

IUSTO FEVRBORNIO

S. S. THEOLOGIAE DOCTORE, EJVSDEMQUE
PROF. ORDINARIO, STIPENDIAR. EPHORO
ET ECCLESIASTAE IN ACADEMIA
GIESSENA

RESPONDENTE

GABRIELE SIBBERN

HOLSATO


IN AVDITORIO THEOLOGICO

DIE XII. FEBR. MDCCXVIII



GIESSÆ ET LIPSIAE

MDCCXLVI





TRANSITIO



precedenti Disputatione vidimus; omnes homines esse peccato originali subjectos, quod etiam in ipsis infantibus sit *operosum*, dignumque Dei ita & poenis: consideremus jam, an homines non tantum ob sua, sed etiam *ob aliorum peccata a Deo puniantur*.

T H E S I S I .

Qui enim Deus testatur, se unicuique juxta viam suam, & juxta fructum ad inventionum suarum dare, *Jerem. XVII, 10. & XXXII, 19.* & juxta opera sua reddere, *Prov. XXIV, 12. Ps. XXVIII, 4. & LXII, 12. 2 Paral. VI, 30. Apoc. II, 23. & XXII, 12.* & ἀποσπολήτας judicare juxta cujusque opus, *1 Petr. I, 17.* proinde homines quandoque secum disputant & colluctantur, *an Deus ob aliena etiam peccata aliquibus incutiat supplicia?*

2. Videre id est in Judæis, qui in terra Israël hoc jactitarunt proverbium, dicentes: *Patres comederunt, uvam acerbam, & dentes filiorum obstupuerunt. Ezech. XVIII, 2. & Jer. XXXI, 29.* hoc est, patres nostri peccaverunt, *1 Reg. XII, 28. & XIV, 9. 2 Reg. XXI, 3. 5. 6. 2 Paralip. XXXIII, 6. Jer. XV, 4. & nos iniquitates eorum portavimus. Thren. V, 7.*

3. Merito enim peccatum uvæ acerbæ comparatur: quia red-
dit peccantium dentes stupidos, ut non possint ejus suavitatem
sentire, de quo dicitur: *Gustate & videte, quoniam suavis est
Dominus. Ps. XXXIII, 9. Hieron. in cap. XXXI. Jer. Tom. V.
p. 344.* Scriptum est enim in proverbii cap. X, 26. Sicut uva
acerba dentibus noxia est, & fumus oculis, sic iniquitas his, qui
utuntur ea. Idem in cap. XVIII. *Ezech. Tom. V. p. 437.* Et dum
peccato anima pascitur, panem justitiæ edere non valet. *Gregor.
in cap. XIII. Jobi Tom. I. p. 391.*

4. Pii quoque perspicientes, quod homines flagitiosi pro-
spere, mirantur eorum felicitatem agunt, *Job. XXI, 7. Ps. LXXIII, 3.
&c. & Jer. XII, 1. 2.* suamque afflictionem & calamitatem miseris
gemitibus, & acerbis luctibus prosequuntur: Et quia per Dei
gratiam, *malitiosorum* sibi criminum non sunt conscii, incipiunt
anxie cogitare & disquirere, *an ob aliena peccata Deus ipsis im-
mittat ærumnas?* sæpeque hic hærent, suæque nativitatis diem
detestantur, ut probat exemplum *Jobi cap. III, 3. & Jeremiæ
cap. XX, 9.* Quamvis autem Dei judicia (i.e. supplicia) dica-
tur mala (ipsis scilicet peccatoribus) *Ezech. XIV, 21.* attamen sunt
recta, *Ps. CIX, 157.* quippe Deus judicat *juste. Jer. XI, 20.*

5. Ea propter operæque curæque pretium visum fuit, hanc
Quæstionem: *An Deus filiis & posteris instigat pœnas, ob paren-
tum & majorum ipsorum flagitia?* ad nostram informationem &
consolationem & veritatis indagationem, ex verbo divino,
ἐν θεῷ, explicare, ejusque enucleationem disquisitioni pu-
blicæ subjicere, & θεολογῶνται sententias audire.

6. Ante omnia vero ambiguitas a quæstionis terminis est
abstergenda. Nam 1) filii & posteris sunt duplices: *pii & impii*;
parentum flagitia vel vitantes, vel imitantes. 2) *Pœna* vel sumi-
tur *strictè*, pro punitione culpæ nondum - dimissæ: vel *laxe*,
pro quavis paterna credentium castigatione. 3) *Pœna*, *strictè
accepta*, aut est æterna, & post mortem; aut temporaria, &
ante temporalem mortem inflicta; eaque vel interna vel externa.

7. Esto

7. Esto ergo theorema: 1) „*Posterii filiique pii & innocentes, ob enormia suorum majorum & parentum flagitia, non afficiuntur a Deo ulla pœna, proprie & exquisitè accepta, sive æterna, sive temporali.* Idque probò 1) *ab archa inter culpam & pœnam relatione.* Hinc ita concludo: Quicumque vacant omni culpa, ii quoque carent omni pœna, *exquisitè & stricte accepta.* Pii seu verè cředentes omni vacant culpa. E.

8. *Propositio* inde constat: Quia culpa & pœna (iusta) sunt relata. Posito autem sublatove relatorum uno, ponitur quoque tolliturve alterum. Pone itaque vel remove culpam, & pœnam quoque pones vel removebis. Vnde & THOMAS. 1. 2. q. 87. art. 7. & 8. docet, omnem pœnam, quæ mere & proprie pœna est, esse propter aliquam culpam. Et PÉRERIVS in *Gen. cap. IX. p. 541. n. 163.* inquit: Si pœna proprie sumatur, necessario respondet peccato, *nec sine eo potest esse*: siquidem per pœnam compensatur & reficitur æqualitas iustitiæ, per peccatum violatæ. Et BELLARM. 1. 1. de pœnis. c. 7. Culpam, ait, est causa pœna, cum ex culpa obligatio nascatur ad pœnam. Et lib. 3. de Laic. c. 11. scribit: Culpam & pœnam relativa sunt. Et b. AUGUSTINVS dicit lib. 1. *Retractat. c. 9.* Omnis pœna, si iusta est, pœna peccati est. Et in *Epist. 105.* & alibi, Deum ipsum fore injustum asserit, si quēquam damnaret innoxium.

9. Quæ BELLARMINI testimonia sunt illi ipsimet opponenda, quando lib. de Matrim. c. 17. ex 6. de reg. juris reg. 23. inquit: Sine culpa, *nisi subsit causa*, non est aliquis puniendus; Et subijcit: Non solum culpam, sed etiam causam abesse oportet, ut quis nullo modo puniri possit. Nos contra dicimus, omnem iustam pœnam, proprie dictam semper pręrequirere culpam; Hęc enim si absit, pœna est injusta, quemadmodum & iustitia Dei, & lex naturæ dicat; ut mirum sit, BELLARM. lib. de Matrim. cap. 17. ipsi veritati obstrepere, aliisque in locis sibi contradicere. Recorderetur & ille, quis unquam innocens perierit, & ubi recti successi fuerint? *Job. IV, 7.*

10. Neque rationes BELLARMINI militant. Hic enim nos loquimur de divino iudicio, deque pœna, *anpıðw̃s ita accepta.*

Ille adfert exempla tum iudicii humani, sæpe a justitiæ limitibus aberrantis; tum poenæ *laxe* dictæ. Hactenus igitur urget, quæ non quadrant *πρὸς δίκην*.

11. Distinguat BELLARMINVS ex *Thoma II. 2. q. 108. art. 4.* inter poenam, quatenus consideratur secundum rationem poenæ, h. e. *stricte & accurate*; & tum non debetur nisi peccato: ac inter poenam, quatenus consideratur, ut medicina; Et tum aliquis, nempe pius, interdum punitur, sine sua ipsius culpa; quippe quæ ipsi per fidem in Christum est condonata; sed non sine causa. At tum poena *ipsis piis* non amplius est *pœna*, si placet *ἀκριβοῦς*.

12. *Assumptio* quoque patet, si modo observetur, *pios & innucentes* spectari dupliciter 1) *absolute & in sese*: Et tum sunt miseri peccatores: Quia omnes & singuli homines, excepto Christo, sunt prævaricatores. vide 2. *Paralip. VI, 36. Rom. III, 23. & V, 18. & Jac. III, 2.* Nec peccatum per gratuitam remissionem ex credentibus extirpatur, sed in iis obtegatur, *Pf. XXXII, 1. & LXXXV, 3.* & non imputatur, *Rom. IV, 7. 8.* Vnde non - remittere est non - tegere, *Pf. CIX, 14. & Nehem. IV, 5.* 2) *relative & in Christo*, ipsiusque sancto merito, per veram fidem ab ipsis appropriato: Et tum sunt iusti & iustificati, *Rom. III, 28. & IV, 4. & V, 1.* Quo etiam sensu pii dicuntur recti & perfecti, *Gen. VI, 12. Job. I, 8. Pf. XVIII, 24.* & irreprehensibiles, *Luc. I, 6.* Nostra igitur *assumptio* loquitur de piis, non in sese spectatis; sed imputata Christi innocentia tectis & ornatis. *Hoc primum argumentum*; Vnde constat, errare tum Calvinianos illos, qui fingunt Deum ex solo & *absoluto* suo beneplacito plerosque homines, *sine eorum culpa*, destinasse & creasse ad luendas poenas: tum Photinianos, qui statuunt, Deum posteris Adæ immittere mortem, etsi ex eo non traxerint peccatum originis, &c.

13. II. argumentum *sumo ab ἐλέτητι καὶ τελειότητι seu perfectione* divinæ peccatorum nostrorum remissionis; sic argumentans: Pii habent perfecte & plene sibi a Deo remissa peccata, *Matth. XVIII, 32. Mich. VII, 19. Pf. CIII, 3. Rom. V, 1. & VIII, 1.*
Vnde

Vnde LOMBARD. *l. 4. dist. 15. lit. f.* Et corpus canon. *caus. 33. q. 3. c. 41.* & BELLARM. *lib. 1. de pœnit. c. 5.* pro certo habent verbum illud AVGVSTINI, seu quicumque fuerit author, in lib. de vera & falsa pœnitent. *c. 9. Tom. 4. p. 514.* *Quedam impietas infidelitatis est, ab illo, qui iustus, & iustitia est, dimidiam sperare veniam.* Et THOM. *3. q. 86. art. 3.* ex AVGVST. docet, Deum remittere omnia peccata simul & perfecte; Secus hoc esset contra perfectionem misericordie & gratie Dei, cujus opera sunt perfecta, *Deut. XXXII, 4.* Et foret contra perfectionem meriti Christi, in quo fundata est nostrorum peccatorum remissio, *Eph. IV, ult.* Sicut igitur sanguis Christi nos emundat ab omni peccato: ita in Christo peccata non quædam duntaxat; sed omnia condonantur credentibus. E. pii nullas pœnas, proprie dictas, luunt. Tunc enim omnino perfecte peccatum censetur remissum, cum non solum culpa, sed etiam omnis pœna fuerit remissa, fatente vel BELLARM. *l. 5. de amiss. grat. & stat. peccati cap. 20. p. 574.*

14. Quod utinam ille constanter crederet! Sic enim *l. 4. de pœnit. c. 2. 3.* cum Patrib. Conc. Tridentini *Sess. 6. cap. 14. p. 66.* & *Sess. 14. Can. 12. p. 168.* edit. Leod. non traditurus esset, post remissam culpam sepe remanere reatum pœne temporalis, tum in presenti, tum in futura a vita luenda. Qui turpis error destruit integritatem & perfectionem divinæ remissionis nostrorum peccatorum, ut apertius ostendam in argumentorum BELLARMINI resolutione.

15. III. Argumentum peto a testimonii divini claritate. Nam Deus inquit *Ezech. XVIII, 4.* Anima (id est, homo, per synecdochen membri pro integro) *quæ peccaverit, ipsa morietur.* Et *v. 20.* *Filius non portabit iniquitatem patris, & pater non portabit iniquitatem filii.* Nota, hic per mortem intelligi non solum mortem & pœnam temporalem; sed etiam mortem æternam. Quod intelligatur mors & pœna temporalis, hinc elutescit. Nam de qua pœna Judæi in suo proverbio conquerebantur, de illa loquitur ibi Deus: siquidem responsio divina Judaicæ quærelæ est conformata & accommodata, secus inepta illa foret ad Judæos refutandos. At Judæi in suo proverbio conquerebantur de pœna temporali. Patres, inquiunt, *uram acerbam comederunt, h. e. Jerobeam*

Jerobeam & Manasses horrendam idololatriam exercuerunt; & *dentes filiorum obstupuerunt*, id est, nos propter istam patrum idololatriam punimur exilio & captivitate Babylonica. E. Deus de temporali morte (*violenta*) aliisque poenis temporalibus ibi loquitur.

16. Quod vero MARTYR in *l. c. class. 2. c. 1. §. 36. & 44.* Et JOH. PISCATOR in *comment. super Ezech. XVIII. schol. 4. & in c. 33. observ. 3.* asserunt, hic loqui Dominum *tantum* de morte poenisque temporalibus; id vero falsum est. Concedo quidem, Dominum hic loqui ex professo de poenis temporalibus, quibus Judæi non ob sua, sed ob patrum peccata se affici quiritabantur. Ast quia *tantæ verbi divini sunt divitiæ, ut non tantum ad quæstiones propositas respondeat sufficienter, verum etiam abundanter*; ideo Jehova etiam docet, se neque poena *eterna* ullum *innocentem* afficere.

17. Si dicas, hic peti principium, probabo, Jehovam *Ezech. XVIII. & XXXIII.* loqui de poena *etiam* æterna. Nam 1) *c. XVIII, 6-9.* recensetur peccata, quæ si quis perseveranter patrat, morte *eterna* plectitur: sin vitat, fide in Messiam salvetur *eternum*. 2) *v. 10. 11. 12.* peccata *lethalia* de filio pessimo enunciantur, & *vita* de ipso negatur, morsque affirmatur *v. 13.* Vnde colligo; De illa *etiam* morte, quæ est opposita vitæ *eternæ*, loquitur Jehova. At *eterna* mors, seu damnatio, est opposita vitæ æternæ. E. 3) De illa morte, quæ piis non obtingit, etiam Jehova loquitur. Nam *v. 14-17.* describitur filius obediens, & tandem *v. 17.* adjicitur: *Hic non morietur in iniquitate patris sui, sed vita vivet.* At æterna mors piis non obtingit. E. 4) *v. 18.* de patre *mortalia* prædicantur peccata, & dicitur, quod sit *moriturus* in iniquitate sua. E. ibi de morte etiam *eterna* sermo est: quippe quæ talium peccatorum continuatorum comes est. 5) *v. 21.* de impio *resipiscente* dicitur, quod sit *vita* victurus. At resipiscentes vitam *eternam* vivunt. Plura argumenta ex *c. 33.* possunt colligi.

18. Quæ ita evidentia sunt, ut MARTYR §. 44. citati loci per *ἡμῶν ὁσίων* inquirat: Quamvis non inficior, ad poenas etiam *spiritua-*

spirituales transferri posse: at non nisi per argumentum a minore ad majus; idque ad hunc modum: Deus non inflixit temporarias poenas prorsus innocentibus ob alienum peccatum. E. multo minus spirituales & æternas. Hæc MARTYR, cui respondeo, responsionem Jehovæ *Ezech. XVIII.* ad poenas spirituales & æternas non tantum transferri posse: sed etiam reipsa & actu ipso transferri, ut probavi.

19. Argumenta vero, quæ PISCATOR in *c. 33. Ezech. p. 246.* usurpat, tantum probant, Jehovah ibi loqui de morte temporali & violenta. At grandem oppositorum fallaciam committit is, quicumque sic argutatur. Jehovah *Ezech. XVIII. & XXXIII.* loquitur de morte *temporali.* E. non *æterna.* Vel, loquitur de morte *æterna.* E. non *temporaria.* Nam de utraque morte simul ibi loquitur.

20. Videamus tamen unum argumentum, quod PISCATOR in Apologia contra PAVLUM RÖDERN *p. 142. & in lib. de grat. Dei p. 62.* urget: Jehova facit mentionem *sanguinis.* *Ez. XVIII, 8.* E. tantum loquitur de morte temporali *violenta*: quia mors æterna *sanguinis* termino nusquam in codice sacro exprimitur. Resp. 1) Est elenchus consequentiæ. Nam si vel maxime *sanguis* in codice sacro solummodo poenam temporalem notaret; tamen tantum sequeretur, in *illis* versiculis *Ezech. XVIII. & XXXIII. in quibus* ponitur mentio *sanguinis*, duntaxat sermonem esse de poenis temporalibus. Hoc tamen non obstante, in *aliis* versiculis de *aliis* poenæ genere potest agi, imo agitur. 2) Est Elenchus *a particulari*, seu legis *νεκρά παντός*; siquidem *sanguis* in verbo divino non tantum, nec semper notat mortem temporalem cruentam; sed *etiam* quandoque complectitur & effert poenam *æternam*, ut videre est *Act. XVIII, 6, & 20. 26. & Matth. XXVII, 25.*

21. Vnde PISCATOR in *dicta Apolog. p. 142.* suam hæsitantem prodidit conscientiam, scribens, *sua* quidem *opinione* vocem *sanguinis* nusquam in sacris literis mortem significare æternam. Quæ PISCATORIS opinio valde erronea est: ut etiam constat ex ipsius *Comment. in Acta Apostolor. c. XVIII, 6. schol. 6. &*
F c. XX, 26.

c. XX, 26. Rejecta ergo hac posteriore, sequatur suam priorem sententiam, quam olim approbavit in disput. adversus SCHAFFMANNVM volum. 2. disputat. p. 188. thes. 57. quæque vera est. Cæterum, inquit ibi, quod in fine hujus loci monet (SCHAFFMANNVS) mortem æternam in illo Ezechielis dicto intelligendam esse, id inter nos quidem extra controversiam est.

22. Nec quis miretur, terminum sanguinis in verbo divino complecti poenam tum temporalem, tum æternam. Id enim per Hebraïsmum, quem imitantur hic Græca, Latina, & Germanica lingua, fit, quo vocabula culpæ ponuntur pro vocabulis pænæ. Sic חַוְוָה, *avón*, iniquitas, notat & iniquitatis culpam & poenam. Gen. IV, 12. & Dan. IV, 24. et חַמָּאס *chamás* designat violentiam et violentiæ poenam: Jud. IX, 24. Haud aliter דָּם, *dám*, notat non solum culpam, sed etiam reatum et poenam. Conter Pl. V, 7. & LI, 16. GREGOR. Tom. 1. in cap. 16. Jobi p. 438. ait: Solet sanguinis nomine signari peccatum. Et lib. 7. Epist. Tom. 2. p. 999. lit. c. ait: Sanguinis sanguinem tangere dicitur (Hos. IV, 2.) cum culpa culpæ adjungitur, ut iniquitatis cumulus multiplicetur.

23. Absterfis jam falsis dicti, Ezech. XVIII. & XXXIII. Explicationibus, formabo pro primi theorematism confirmatione, tertium argumentum, hoc modo: Jehova, refutaturus iniquam Judæorum accusationem, quasi innocentes puniantur, inquit: Anima, quæ peccaverit, ipsa morietur. Item: Filius non portabit iniquitatem patris, nec hic illius. E. filii pii et innocentes non puniuntur ob delicta suorum parentum. Consequentia probatur: quia portare iniquitatem, est, puniri & pœnas pati ob iniquitatem. Non enim hic sermo est de portatione simplici, de qua Gen. L, 17. sed molestâ et laboriosa, h. e. cum perpeffione suppliciorum conjuncta: de qua etiam Es. LIII, 4. Job. 1, 20. 1 Petr. II, 24. Nec hic v. 20. sermo est de filio nequissimo, sed pio et intente. Nullus itaque pius homo respectu sui, patitur poenam, proprie dictam, ob alterius flagitia.

24. Quam veram sententiam male adhibuerunt tum olim Pelagiani, inde probare contendentes, ob lapsum protoplasto-
rum

rum non puniri posteros, illorumque peccatum in hos non transire: ubi confuderunt peccata *individui* et *speciei*. Ea enim, quæ sunt *speciei*, per generationem traducuntur in liberos: homo enim sibi simile in *specie* generat: quæ vero sunt *individui*, non propagantur, *nisi pertineant ad naturæ dispositionem, & ad humorum, unde fluant, temperationem*. Hæc si sunt vitiosa, ferme semper, sin laudabilia, interdum traducuntur. Conf. *Thom. 1. 2. quest. 81. art. 2.* et PAREVM in c. 11. ad Roman. dubio 12. p. 1143. Tum hodie Photiniani, qui ex *Ezech. XVIII.* evincere conantur, Christum pro nostris peccatis, ac vice ac loco nostri non esse passum et mortuum; quia sit innocens.

25. Vbi ut alia jam taceam, commiscet duplicem Christi considerationem. Consideratur enim 1) *in sese*, ut filius Dei et hominis; et sic est sanctus sanctorum, *Dan. IX, 24.* immaculatus, *Hebr. VII, 26.* et expers peccati et doli, *Es. LIII, 9.* *Joh. VIII, 46.* *2 Cor. V, 21.* *1 Petr. II, 22.* estque agno incontaminato similis. *1 Petr. I, 19.* 2) *respective*, ut mediator et redemptor generis humani. Et tum portat nostros languores, *Es. LIII, 4.* et peccata, *Joh. I, 20.* et pro nobis est peccatum factus, *2 Cor. V, 21.* et maledictio, *Gal. III, 13.* Proinde nostra peccata vocat sua delicta, *Pf. LXIX, 6.* Quo sensu D. LUTHERVS in c. 3. *Gal. p. 237. edit. in 8.* Christum vocat *omnium maximum peccatorem, quo nullus major unquam in mundo fuerit*; non quasi *inhasse & habitualiter* sit peccator? sed quia per veram, realem et divinam *imputationem* peccata nostra ipse pertulit in corpore suo super lignum. *1 Petr. II, 14.* Et propterea *typus* Christi fuit hircus, *Lev. XVI.* qui solet fordidus et impurus esse.

26. Male sanus ergo BELLARM. est, quando l. 2. de *Iustif. c. 7.* docet, Christum per *injustitiam nostram ipsi imputatam* dici vere peccatorem; id vero esse blasphemam et sacrilegam impudentiam, toti scripturæ repugnantem. Vidimus enim, quam erret Jesuita; qui quando loco citato etiam colligit, stante hac sententia, Christum dici debere *filium diaboli*, vagatur extra scripturam, in qua non æquipollent, esse peccatorem, et esse *filium diaboli*: prius enim prædicatur in scripturis de omnibus et sin-

gulis hominibus: posterius tantum *de adultis*, non quibuslibet, sed iis, qui patrandis voluntariis et malitiosis peccatis, diabolum student imitari. Vide *Matth. XIII, 38. Job. VIII, 41. 44. 1 Job. III, 8. Act. XIII, 10.*

27. Qui et dicuntur filii gehennæ, *Matth. XXIII, 15.* filii perversæ rebellionis, *1 Sam. XX, 30.* filii Belial, *Deut. XIII, 13. 1 Sam. I, 16. & II, 12.* viri Belial, *1 Reg. XXI, 13.* filii iniquitatis, *2 Sam. III, 34. & VII, 10.* filii subductionis, *Hebr. X, 39.* execrationis, *2 Petr. II, 14.* et contumaciæ, *Eph. II, 1. et V, 6. et Col. III, 6.* et progenies viperarum, *Matth. III, 7. et XXIII, 33.* Et si igitur nos omnes et singuli sumus natura filii iræ, *Eph. II, 3.* caro de carne, *Job. III, 6.* non tamen omnes et singuli sumus filii diaboli, hoc est, perverse, studiose et malitiose prævaricantes; quamvis WESTHEMER in libr. *de tropis* p. 687. et quidam alii putent, esse phrasen æquipollentes, *esse filios iræ, et esse filios diaboli*; sed postquam renati sumus, dicimur et sumus filii lucis, *Luc. XVI, 8. Job. XII, 36. Eph. V, 8.* qui dicuntur spirituales, *1 Cor. II, 15. Gal. VI, 1.* filii Dei, *Job. I, 12. Gal. III, 26. 1 Job. V, 1.* filii promissionis, *Rom. IX, 8.* filiique secundum spiritum, *Gal. IV, 29.*

28. Recte ergo ait AUGUSTIN. *Tom. 6. contra ADAMANT. MANICH. discipulum cap. 5. p. 74.* Filii diaboli dicuntur homines, cum imitantur ejus impiam superbiam, & a luce atque celsitudine decidunt sapientiæ, & non credunt veritati, &c. Proinde Christus propter sibi imputata omnium et singulorum hominum peccata, in scripturis quidem dicitur peccatum: sed non in illis propterea dicitur *filius diaboli*; quia hæc phrasen in codice sacro notat eum, qui in & per se peccatis delectatur, et habitum in præelectivis facinoribus vel contraxit, vel saltem contrahere nequiter coepit. Id quod de Christo dici non potest, nisi blasphemie.

29. Quando ergo Christus est passus et mortuus, tum innocens et sanctus indistincte non est mortuus; sed peccator maximus, non quidem, *inhæsiue & habitualiter*, neque *putative & apparen-*

apparenter; sed imputative & realiter. Dominus enim *וַיִּשְׁמַח בִּפְחִיגִיָּאֵב*, hoc est, *hostiliter fecit incurrere* in eum iniquitatem nostruum omnium, *Es. LIII, 6.* et eum fecit pro nobis peccatum *2 Cor. V, 21.* Vbi vox *peccatum* non tantum significat *hostiam* pro peccato sed etiam notat ipsam iniquitatem, quæ Christo verissime et realissime est imputata, et a nobis in ipsum derivata et conjecta divina imputatione. Quod immerito oppugnat BELLARM. *l. 2. de Justific. c. 7. & 10.* Ex his igitur constat, quod nec Photiniani ex *Ezech. XVIII.* pro destruenda Christi satisfactione solidi aliquid queant obtinere. Qua de re commodius differi potest alio tempore.

30. Jam enim theorema 1) finiam, et ad *secundum* progrediar, quod est tale: „*Quamvis pii vereque credentes filii & posteri ob parentum & majorum suorum flagitia, nec æternas, nec temporales patiantur pœnas, propriissime dictas; attamen interdum ob illorum crimina temporalibus calamitatibus & afflictionibus involvuntur.*” Dico *interdum.* Nam quandoque Deus parvulis filiis per sacramentum initiationis Ecclesiæ insertis; Imo etiam adultis filiis, alias etiam uspiam exorbitantibus, sed in *singularia* patrum flagitia non consentientibus, interdum parcit, ita ut non cum deterrimis parentibus excindatur, ut constat ab exemplo filiorum Coreh. *Num. XXVI, 11.* Confer promissionem Dei *Jer. XVIII, 8. 9.* et adde *1 Reg. XIV, 13.* Quandoque tamen pii liberi et posteri ob patrum et antecessorum maleficia a Deo visitantur peculiari cruce et afflictione.

31. Nam ob peccatum Davidis (ad quod etiam a Deo fuisse *incitatum*, blaspheme scribit PISCATOR in *2 Sam. XXIV. obs. 1. p. 655.*) septuaginta millia virorum pestis abripuit, *2 Sam. XXIV, 15.* inter quos, *saltem* aliquos fuisse pios, non est improbabile. Sic pius Jonathan cum impio suo patre, Saule, fuit occisus in prælio, *1 Sam. XX XI, 2. 1 Paralip. X, 2.* Et Ezechias, pius filius Achabi, fuit tandem afflictus, postquam in peccatum ambitionis lapsus esset, *2 Reg. XX, 13. & 2 Paralip. XXXII, 31.* ob avi Manassæ et patris etiam Ammonis peccata, pius Josias in bello est mortuus, *2 Reg. XXIII, 26. 29.* quamvis et ipse temerarie bellavit, *2 Paralip. XXXV, 22.*

XXXV, 22. propter patris Davidis adulterium et homicidium, infans ejus fuit præmature mortuus, 2 Sam. XII, 15. Denique ob parentum Judæorum idololatriam parvuli et fugentes (circumcisi) dicuntur exscindi, Jer. XLIV, 7. Et pueruli Bethlehemitici fuerunt crudeliter interempti, Jer. XXXI, 15. et Matth. II, 18. Hinc S. scriptura testatur, quod Deus incipiat in civitate, quæ denominata est a nomine ipsius, affligere, Jer. XXV, 29. quodque divinum judicium a domo Dei incipiat. 1 Petr. IV, 17.

32. Et AUGUSTINVS, Tom. 4. *Quæst. ex V. T. q. 14. p. 430.* inquit: Quibusdam tamen videtur, sic reddita esse peccata patrum in filios, dum in captivitatem ducti sunt, causa patrum, et fuerunt ibi usque ad quartam generationem. Quod si verum est, non solum odio habentibus se, reddidit peccata patrum; sed et diligentibus nomen suum: quia et Daniel abductus est, et tres pueri, et Baruch, et Ezechiel, et Eldras ibi natus est. etc.

33. Vbi tamen nemo cogitet, infantes circumcisos in V. et baptizatos in N. T. quando ob patrum flagitia multifariam torquentur, vel morte etiam abripiuntur, prorsus innocentes ipsos affligi. Nam si prorsus et omnino habitualiter essent innocentes, et peccati inhærentis expertes, tum neque mortis, neque ullius mali forent participes; siquidem author libri *Sapient. c. XII, 15.* recte sic Deum alloquitur: *Tu justus existens, juste omnia disponis, ipsum, qui non debet puniri, condemnare (ἀλλότριον) alienum existimans a tua potentia.* Et peccati stipendium mors est, Rom. VI, 23. Tolle itaque peccatum, et non supererit mors, ut proprie dicta peccati pœna. Temporalis enim piorum mors non amplius est poena, exquisitè sumpta, peccatorum: Quippe piis in Christo gratis condonatorum; sed ἀπόλυσις καὶ ἀνάλυσις ex jugo miseriarum, Luc. II, 29. Et Philip. I, 29. et μετάβασις ex morte in vitam, Joh. V, 24. imo per piorum afflictiones manifestantur opera Dei, Joh. IX, 3. ipsorumque martyriis Deus glorificatur, Joh. XXI, 19. et magnificatur, Philip. I, 20.

34. Parvuli ergo sunt innocentes, Ps. CVI, 38. et Jer. XIX, 4. non propter absentem originalem pravam concupiscentiam et injustitiam;

justitiam; quippe quæ in totum mundum per unum hominem intravit, *Rom. V, 12*. Et licet in baptismo infantibus remittatur, non tamen sic condonatur, ut non sit, sed ut non *obstet*, et ne *obstet mortuo*, quæ oberrat nato, ut ex *AVGVSTINO* loquitur *Jus Canon. de Consecrat. dist. 4. canon. 2*. Nec sunt insontes, *propter absentes motus aliquos pravorum*: Quippe figmentum (ἵζηρ *îzer* est in Hebraeo, quod notat ipsum figendi et formandi cordis motum, sive quocunque modo peractum, sive in adultis deliberatione confirmatum) cogitationum cordis ejus (hominis) tantum malum est omni die, *Gen. VI, 5*. et ab infantia ejus. *cap. XVIII, 21*.

35. Sed sunt innoxii, *propter maleficiorum praelectivorum ἀπεισιαν*: siquidem nondum laborant *voluntariis maleficiis*. Deest enim illis προαίρεσις καὶ βέλησις, καὶ βέλευσις, quæ sunt proxima actionum principia. Ob quam causam (infantes) dicuntur non peccare ad *similitudinem* transgressionis Adæ, *Rom. V, 14*. quæ erat ἀνομία, προαιρετική, *Gen. III, 6*. et nescire discrimen inter bonum et malum, *Deut. 1, 39*. interque dextram et sinistram, *Jone IV, 11*. imo diserte infantibus, Jacobo et Esau bona et mala πράξις (cum pleno liberi arbitrii usu connexa) detrahitur, *Rom. IX, 11*. Qua de re prolixius superiori disputatione dixi.

36. Cum igitur infantes in peccato concepti sint, et post sui in baptismo regenerationem, maneant inquinati pravitate naturali, et concupiscentia vitiosa, ejusque inclinationibus, agitationibus et motionibus, legi divinae difformibus; idcirco quando ob flagitia parentum affliguntur, non sunt *propterea* innocentes, neque ἱσάγγελοι: Quandoquidem tamen remissione peccatorum in baptismo sunt donati, ideo quicquid adversitatis, a Deo ipsis immissæ, patiuntur, non habet rationem poenæ, *preste & accurate acceptæ*, hoc est, non est respectu infantum τιμωρία (licet esse possit et sit ratione malignorum parentum (sed δοκιμασία: Nam distinguendum est inter poenam, ἰδίως καὶ ἀκριβῶς dictam, et inter poenam, quæ habet rationem medicinae. Si filius vel subditus sunt participes culpæ, tum malum, quod sustinetur ab ipsis, est poena, et respectu ipsorum, qui



qui patiuntur, et respectu eorum, pro quibus patiuntur. Si vero non sunt participes culpae, habet rationem poenae (*proprie dictae*) quantum ad eum, pro quo puniuntur; quantum vero ad ipsos, qui puniuntur, habet rationem medicinae. Confer *Thom. 1. 2. q. 87. a. 7. & 8. & 2. 2. q. 108. a. 5. et PERER. in cap. IX. Gen. num. 166.*

37. Tantum de primo et secundo theoremate, *posteror & filios pios complexis*: sequuntur duo, de impiis et scelerosis. Sit ergo theorema tertium: „*Impii liberi & posterii in peccatis suis enormibus & deformibus sine resipiscentia perseverantes, ob peccata patrum, non afficiuntur in inferno majori & graviore poena: sed tantum ibi puniuntur ob sua delicta, finali aeterna perpernatq.* CALVINVS l. 2. *Institut. c. 8. §. 19.* urget dictum, *Exod. XX, 5. Num. XIV, 18. & Jerem. XXXII, 18.* et reprehendit illos, qui haec et similia loca putant *duntaxat* intelligenda esse de poenis temporariis, quas filii pro parentum delictis sustineant. Et subiungit: Quum id ad quaestionis hujus solutionem affertur, effugium est magis, quam vera interpretatio. *Graviorem enim ultionem edicere hic, & similibus locis, quam ut intra vitae praesentis terminos limitetur.* Haec CALVINVS, extra sacrae scripturae limites divagens.

38. Qui cum suis in hoc etiam vehementer errat, quod *horribili, absoluto, & simplici Dei decreto* quosdam homines scribit ad salutem electos, quosdam vero ad damnationem reprobos et creatos esse. Sic enim illud fictum et pictum decretum vocatur et inculcatur partim a CALVINO l. 3. *institut. c. 23. §. 7.* partim a ZANCHIO in *Miscell. titul. de lib. vitae p. 226.* a PISCATORE volum. 2. *disp. contra SCHAFFMAN. p. 201. thesi 80.* ubi etiam p. 218. *thesi 96.* gratiam Dei *absolutam*, et gratiam *gratuitam* reipsa idem esse scribit; et denique a KECKERMANN. in *system. theolog. l. 3. c. 1. p. 299. 300. 301.* quamvis p. 305. obnubilando statum controversiae, se suosque nitatur excusare, sed incassum. Quamobrem stante hac CALVINI hypothese, ipse quoque cum suis statuere necesse habet, nequissimos majores et parentes, ipsorum-

ipforumque posteros & liberos, qui damnantur, ab æterno esse simpliciter & absolute ad gehennam prædestinatos & creatos. Causam enim reprobationis æternæ nullam aliam cum suis agnoscit; quam absolutum Dei beneplacitum & simplex decretum. Quam terribilem sententiam nos ex Dei verbo didicimus improbare, & falsam proclamare, uti alias probari potest.

39. Hac ergo pestilenti opinione missa, quæritur de theorematibus nostri tertii veritate: quam breviter his probo argumentis: 1) S. scriptura, loquens de præmiis & pœnis, post temporalem mortem futuris, tantum dicit, unumquemque suum, ἰδίον, onus portaturum, Gal. VI, 5. & de seipso, rationem Deo redditurum esse. Rom. XIV, 13. E. propter aliorum delicta nemo tum punietur; Cæteroquin hoc S. scriptura in dictis, quæ de præmiis & suppliciiis post mortem temporalem futuris ex professo dislerunt, adiecisset. S. enim scriptura fidei articulos plene describit. 2) Nemo in vita æterna ob bona majorum suorum opera retributionem majoris gloriæ accipiet: sed unusquisque referet ea, quæ fiunt per corpus, prout gessit, sive bonum, sive malum, 2 Cor. V, 10. & justus sua fide vivet, Habac. II, 4. & unusquisque ἰδίον μισθὸν accipiet κατὰ τὸν ἰδίον νόπον. 1 Cor. III, 8. E. neque in inferno ob majorum flagitia quispiam magis torquebitur: Quia pariter hic S. scriptura de his loquitur.

40. CHRYSOSTOM. equidem Tom. 1. in homil. de dicto Ps. LXXXIV, (LXXXV.) 6. Non in æternum irascaris nobis, p. 755. ait: Gratias tibi Deus, qui addidisti (Exod. XX, 5.) in iis, qui non cognoverunt me. Cæterum si taceres, omnes damnares. Demonstrasti ergo, quia pater si fuerit contemptor tuus, & filius talis fuerit, æque tibi non obediens, & nepos secutus fuerit vias avi, & patris sui: pronepos, si ita attenderit, quod anterior generatio ejus: quia ergo te non cognoverunt, rependes eis secundum tertiam, & quartam progeniem. &c. Paulo post: Unusquisque pro facinore suo punietur, pro malis suis in pœnam æternam mittetur. Item: Pondus peccatorum suorum unusquisque in se portat, pro suo peccato judicabitur. &c.



41. Et sane petimus, ex S. literis uno saltem dicto probari, quod homines finaliter mali & increduli ob majorum & parentum flagitia, gravio^{rem} in inferno ultionem & poenam sint passuri. CALVINVS equidem urget, *Exod. XX, 5. Num. XIV, 18. & Jer. XXXII, 8.* (quibus addi quæunt *Exod. XXXIV, 7. & Deut. V, 9.*) sed εἰς κενόν. Quod ut videamus apertius, verba Jehovæ consideremus: Ego, inquit, *sum Deus fortis zelotes, visitans iniquitatem patrum in filios, in tertianos, & in quartanos* (i. e. in nepotes & abnepotes) *eorum, qui oderunt me.* *Exod. XX, 5.* Hic Deus loquitur de patrum iniquitate, quæ hic non notat peccatum veniale, sed mortale, nempe tale delictum, quod conjugium spirituale inter Deum zeloten, & homines dirumpit, quodque cum odio Dei est conglutinatum: quale peccatum est etiam idolatria, quam Deus. v. 4. prohibuerat, quæque spiritualis scoratio est, *Jer. III, 1. &c.* Hanc patrum iniquitatem dicit se visitaturum, non visitatione gratiæ, de qua *Gen. XXI, 1. & L, 25. Jer. XXVII, 22. & XV, 15. Luc. I, 68. 78. & c. XIX, 44.* quippe quæ respicit pietatem, sed visitatione iræ, de qua *Es. X, 3. 12. Num. XVI, 29. Hof. I, 4. & IV, 9.* Deus enim *Jer. XXXII, 18. & Es. LXV, 7.* dicitur retribuere seu rependere iniquitatem patrum in sinum filiorum eorum post eos.

42. Porro dicit, in filios se visitaturum iniquitatem patrum, non quorumcunque, sed eorum, qui odio prosequantur ipsum, *Exod. XX, 5. & Deut. V, 9.* Qui προσδιόριστος primo intelligitur de parentibus, ut clarius patet ex Hebræo textu, ubi est אֲבֹתָיו. En! in hac restrictione non habetur particula הַ, al, quæ fuit in præcedentibus: sed præfixum ל, lamed; quod cum ab antegresso nomine regitur, notat genitivum. Est autem hic Ellipsis duarum vocum אֶל-בְּנֵי al-bene, i. e. in filios, quæ voces repetendæ sunt ex verbis præcedentibus. Vt integra oratio hæc sit: *Visitans iniquitatem patrum in filios, in pronepotes & abnepotes, in filios, inquam, eorum, qui oderunt me.* Etenim hic manifeste sermo habetur de visitatione iniquitatis patrum; quæ visitatio seu punitio exaggeratur ex continuatione in filios; & quidem non tantum in filios, proprie dictos, vel etiam ab illis proximis,

ximos, id est, nepotes: sed etiam pronepotes, & abnepotes. Confer PISCATOR. in *Exod. XX. schol. 5. p. 244. 245.* & in *Deut. V. schol. 15. p. 72.*

43. *Nec tamen hinc excluduntur, sed revera includuntur & connotantur liberi, Deum odio prosequentes: Et pii insontesque liberi hic excipiuntur: seu liberos, filiali amore & fiducia Deum patrem complectentes, & patrum peccata fugientes, caneque pejus & angue caventes non ferit hæc Dei comminatio; siquidem, Ezech. XVIII, 4. inquit Jehova: Anima (non innocens sed) quæ peccaverit, ipsa (non alia insons) morietur. Et v. 14. Quod si genuerit filium, qui videns omnia peccata patris sui, quæ fecit, timuerit, & non fecerit simile eis &c. hic non morietur (NB.) in iniquitate patris sui, sed vita vivet. Et v. 19. ulterius præoccupat & refellit Judæorum querelam. Et dicitis, inquit, Quare non portabit filius iniquitatem patris? Videlicet, quia filius iudicium & justitiam operatus est, omnia præcepta mea custodivit, & fecit illa, vita vivet. v. 20. Anima, quæ peccaverit, ipsa morietur; filius non portabit iniquitatem patris, & pater non portabit iniquitatem filii: justitia iusti super eum erit, & impietas impii erit super eum, non super alium innocentem.*

44. Vnde AVGVST. *Tom. 6. lib. contra ADAMANT. c. 6. p. 75. ait: Ex eo, quod addidit: qui me oderunt, intelligitur, eos puniri peccatis parentum; qui in eadem perversitate parentum perseverare voluerunt. Tales enim non sævitia, sed potius justitia Dei, & sua iniquitate puniuntur &c. Paulo post: Nam non pertinere patris peccata ad filium, iuste viventem, Propheta Ezechiel apertissime ostendit cap. XVIII, 14. &c. Idem docet AVGVST. Tom. 4. quæst. ex V. T. q. 14. p. 430. & Q. super Deut. q. 42. p. 118. Consentit HIERONYM. Tom. 5. super Ez. c. XVIII. p. 437. ubi inquit: Injustitia videtur Dei, alium peccare, & alium luere pœnam. Si enim reddit peccata patrum super filios in tertiam & quartam generationem, injustum videtur, ut alius peccet, alius puniatur, sed ex eo, quod sequitur: His, qui oderunt, comminationis sive præcepti scandalum solvitur. Non enim ideo puniuntur in tertia & quarta generatione: quia deliquerunt pa-*

*tres eorum: cum patres potius, qui fuerunt peccatores, puniri debuerint; sed quia patrum extiterunt æmulatores, & oderunt Deum, hereditario malo & impietate in ramos quoque de radice crescente &c. Confer. & AUGUSTIN. lib. 6. contra JULIANVM c. 12. ubi aliter dictum Ezechielis c. XVIII. explicat. Hic tamen addo, quod licet Deus minetur, Exod. XX, 5. se velle parentum flagitia punire in filiis, si illa eadem malitiose imitentur; tamen plus insuper illa comminatio contineat: siquidem & sensus est, quod Deus facinora parentum pessima in filiis *flagitiosis* velit plerere, siue filii illi eadem crimina paterna patrent, siue alia facinora prava designent, & ita extra statum gratiæ divinæ sint constituti. Si enim duntaxat hic esset sensus, quod Deus patrum peccata, quæ eadem filii nequiter imitati sint, velit in iis visitare, tum filii tantummodo ob sua peccata visitarentur: cum tamen pessimi filii ob parentum etiam maleficia visitentur. Confer thesin 57.*

45. Constat ergo, Deum Exod. XX, 5. loqui de parentibus *nequissimis*, & filiis *nocentissimis*. Ezech. autem c. XVIII, 20. de filio patris flagitia vitante, deque patre, filium suum in peccandi studio non æmulante (prout Deus ἀνασποφάδην & alternatim loquitur.) Ibi enim innuit, filios malos ob patrum malorum peccata; puniri in hac vita & interne & externe; hic vero docet, filium *pium* non portaturum iniquitatem & pœnam temporalem, multo minus æternam, patris (*impii*.) Nec patrem (*pium*) esse passurum pœnam propter iniquitatem filii scil. *nequam*. Quæ vera est conciliatio locorum, Exod. XX, 5. & Ezech. XVIII, 20. alias in speciem contrariorum.

46. Non enim veritati cœlesti satisfaciunt, quicumque dicunt, Deum Exod. XX, 5. loqui de pœna *temporali* (hactenus recte) sed Ezech. XVIII. de pœna *æterna* (hactenus etiam recte) non *temporali* (id fallum.) Nam 1) audivimus, Deum Ezech. cap. XVIII. loqui de pœna *temporali*; siquidem de illa loquitur iniquum Judæorum adagium. v. 2. Quod si ergo Deus Ez. XVIII. in nullis versiculis differeret etiam de *hujus* vitæ supplicio, tum gravem Judæorum accusationem & criminationem non diluisset.

Illi enim non querebantur, se *innocentes*, ob patrum delicta, *in inferno* puniri, & punitum iri, sed se *infontes in hac vita*, captivitate aliisque ærumnis premi. Qualis itaque Judæorum erat quæstio & conquestio, talis erat Jehovahæ responsio: An enim dices, hanc illis non fuisse conformata[m] & aptatam? At quæstio & querela Judæorum erat de suppliciis & pœnis *temporalibus*, quas se, sceleribus avitis non consceleratos, ob scelera tamen avita pati, lamentabantur & causabantur, ut liquet *tum* ex πολυθρῦλλήτῳ παρομιᾷ, *Ezech. XVIII, 2.* cūjus explicationem vide in Dn. ZECHNERI Adagiis sacris, lectu dignissimis, *centur. 1. adag. 92 p. 223; tum* ex *Ezech. cap. XXXIII. συναφεία.* Vbi v. 2. 3. 27. fit mentio *gladii*, super terram inducti, v. 21. *civitatis vastatæ*, v. 24. *locorum vastatorum* terræ Israël, v. 27. 29. *bestiarum & pestis*, v. 28. *desolatorum montium Israël.* E. & Jehovahæ responsio est *etiam* de pœnis temporalibus.

47. Percepimus autem etiam 2) ἐκ περιστάσεως, & plenioris informationis gratia, Jehovaham etiam loqui de pœna *æterna*, & sensum esse: Ego Jehova neque in hominem prorsus ἀνάτιον καὶ ἀναμάρτητον ullum, neque in vos Judæos ἀνάκως & innocuos ob patrum noxas animadverto; ita ut *ipsis* piis filiis immissa calamitas sit pœna *proprie* dicta; sed unumquemque de vobis *juxta vias suas* judico, *cap. XXXIII, 20.* neque ullum hominem ob graves alterius noxas morte sempiterna mulcto; sed impius in impietate sua morietur, v. 8. 9. scil. *æternum*; si permanferit impœnitens. Loquitur enim de ea morte, quæ per pœnitentiam salutarem potest effugi, v. 14. &c. & qua afficitur justus, a justitia sua recedens, v. 18. deque ea vita: quam vivent vere resipiscentes. v. 15. 16. 19. Nonne autem *æterna* mors per resipiscentiam constantem effugitur? Nonne justus, perseveranter a justitia sua recedens, æterna morte percutitur? Nonne vere & ἐπιμένως resipiscentes æternum vivunt?

48. Quæ cum ita sint, errore ducitur CALVINVS, quando locum *Exod. XX, 5.* & similes, interpretatur non tantum de pœnis, hujus vitæ intercapedine conclusis; sed etiam post hanc vitam perpetuo futuris. Nam 1) *Pœna æterna est invariabilis,*

hoc est, (sic enim quod dixi, intelligo) omnibus & singulis personis, quæ propter *finalem incredulitatem, perseveranter* ejus reæ sunt, certo infligitur, & inflictæ ab illis nunquam tollitur. Vide *Es. LXVI, 24. Matth. XXV, 41. 46. Luc. XVI, 26.* At poena, quam terris & iniquis scelerorum patrum filius Deus *Exod. XX, 5.* minatur, non est invariabilis. Nam & ipse CALVINVS *l. 2. instit. c. 8. f. 21.* Cæterum, *inquit*, nihil obstat, quod impiorum soboles *interdum* ad bonam frugem se recipit, fidelium soboles degenerat: quia *non perpetuam* hic regulam figere voluit legislator, quæ suæ electioni derogaret. &c. Idem docet PISCATOR in *Exod. c. XX. schol. 5. p. 245.* quem vide. Certe Deus tam clemens & propitius est, ut ob parentum noxiorum vitia non omnes & singulos eorum malignos posteros semper puniat. Vnde est, quod parentum malorum generationem artarit *quaternario*; bonorum, ampliarit millenario numero.

49. Adde 2) De quali Deus hic loquitur præmio, de tali loquitur supplicio; quia comminationi *supplicii* per antithesin annectit promissionem præmii. Et absurdum est dicere, Deum impiis filiis ob peccata patrum, & *æterna & temporaria* comminatum esse supplicia, *vi suæ justitiæ & iræ*: sed piis liberis, respiciendo (*non quidem ex condigno & merito*, sed liberali munificencia, & memorabili *μεγαλοπρεπεία*) bona piorum parentum opera, *tantum temporalia*, non *æterna*, promisisse præmia, *vigore suæ misericordiæ & superabundantis gratiæ*. An enim Deus non est *æque* misericors, atque justus? vel an ejus clementia est minor, quam ira? At Deus tantum loquitur de præmio *temporali*, ut 1) probat verborum *συνέχεια* de mille generationibus. Successivæ enim & per mille annos continuatæ generationes tantum in hoc seculo habent locum. Confer *Eccles. I, 4. Luc. XX, 34-36.* 2) Exemplorum *ἐνδείγματα*. Sic enim illa Dei regula, cum comminans, tum pollicitans est intelligenda, quemadmodum complementorum exempla illam explicant. Non enim *contra*, sed *juxta* suum verbum Deus veraciter agit. Vide *Pf. XXXIII, 4. Num. XXIII, 19. 1 Sam. XV, 29.* At nullum exemplum dari puto in codice sacro vel impiorum liberorum, ob mali-

malignorum parentum peccata, *in inferno* gravius punitorum puniendorumque, vel piorum filiorum, ob religioforum patrum pietatem, majori in cœlis gloria coronatorum coronandorumque.

50. Sunt quidem liberis promissiones datæ *Gen. XVII, 7. Proverb. XX, 7. Act. II, 39.* sed illæ non sunt *absolutæ*, verum certis mediis, divinæque ordinationi inclusæ; neque docent, pios liberos ob pios parentum sanctorum actus in cœlo beatorum, majora adipisci præmia. Habet profecto pietas promissionem hujus & futuræ vitæ, *1 Tim. IV, 8.* veruntamen non quemadmodum Deus in hac vita, ob patrum pietatem, benefacit liberis: Vide *Pf. XXXVII, 25. & CXXXII, 1. 10. 11.* ita in altera vita ob eandem, eos majori decorat gloria. Quia ideo Deus in hac vita piis, ob parentum pietatem beneficia præstat, ut mali, hoc cernentes, a viis suis pessimis abducantur, & ad meliorem frugem incitentur: quæ causa finalis post hominis mortem, non habet locum. Nam si ceciderit lignum ad austrum, aut ad aquilonem, in quocunque loco ceciderit, ibi erit. *Ecclef. XI, 3.* Sic etiam liberis impiis sunt comminationes factæ; sed tamen Deus in suo verbo comminatur nusquam, se ab illis, ob patrum malefacta, graviore in inferno poenas sumpturum.

51. Neque vero nobis hic adversantur dicta, *Gen. IX, 25. Deut. XXVIII, 18. Sap. III, 16.* Nam quod attinet dictum *Gen. IX, 25.* Chanaan (ipsiusque poster) maledictus fuit aut quoad maledictionem *æternam*, aut *temporariam*. Si prius, non potest id ita intelligi, quasi Chanaan & poster) ejus, ob peccatum patris Cham, simpliciter fuerint condemnati, nedum ad graviore inferni poenas rapti: Cæteroqui falleret (quod absit) dictum Jehovah, *Ezech. XVIII. & XXXIII. capp.* Quin etiam omnes & singulos Chananæos illud maledictionis fulmenicisset: quod secus est, ut testatur exemplum mulieris Chananææ, *Matth. XV, 22. 23. &c.* Quod si igitur vel maxime hic intelligeretur æterna maledictio; non tamen statim hinc sequeretur poenarum infernalium in filiis ob peccata patrum, *augmentatio & exasperatio*: sed patrum & filiorum in peccatis & suppliciis infelix *consociatio*

iatio & adunatio: de qua vide etiam *Pf. CIX, 6-9. &c. & Matth. XXIII, 35. 36. & XXVII, 25.* Sin *posterius* hic locum habet, tum nihil contra nos militat, sed pro nobis: quippe qui dicimus, *malignos filios puniri temporaliter* ob crimina suorum patrum, ut paulo post evidentius patebit.

52. Quod autem maledictio, h. e. infelicitas & miseria temporalis, hic intelligatur, constat. 1) *Ex prophetica appositione*: *servus servorum erit fratribus suis.* Quæ profecto mundanæ servitutis est descriptio. 2) *Ex completionē.* Nam Chananæi sunt tributarii facti, *Jos. XVI, 10. & XVII, 13. Jud. I, 28. 29. & inter-
necioni destinati, Num. XXXIII, 52. Deut. VII, 2. 16. non innocentes,
sed malitiosissimi peccatores & idololatæ existentes, Levit. XVIII, 24. 25. Deut. IX, 4. 5. & XVIII, 12. & XX, 17. & Exod. XXIII, 24.*

53. Quod item concernit dictum *Deut. XXVIII, 18.* Resp. Tantum ibi dicitur maledictus fructus ventris hominum (*præcepta Dei prævaricantium.*) Intelligitur enim aut soboles pia, aut impia. Non pia. Quia 1) filius (*pius & infans*) non portabit iniquitatem patris. *Ezech. XVIII, 20. Jonathan* fuit pius filius *Saulis*, impii patris, *1 Sam. XIV, 1. & alibi: Ezechias, Achab, 2 Reg. XVI, 1. &c. & Josias, Ammonis, 2 Reg. XXI, 24. & XXII, 2.* Et tamen illi non fuerunt ob patrum flagitia maledicti & damnati. E. intelligitur soboles impia, quæ tum propter paternam & suam malitiam, est maledicta, in hac vita, quoad omnis generis miseria; tum propter propria peccata, cum finali impoenitentia conjuncta, in futuro seculo quoad damnationem; & infernales cruciatus, nisi resipiscat.

54. Dictum *Sap. III, 18. 19.* loquitur de spuris flagitiosis: idque, 1) liquet ex *litera.* Dicuntur enim *τεκνα πονηρά* v. 12. & v. 19. subjicitur: *γενεᾶς ἀδίκης χαλεπὰ τὰ τέλη.* Nec mirum est, spurios plerumque dissolutos esse, cum iis deesse soleat liberalis educatio. 2) *ex exemplorum evidentia.* Nam infans Davidis, *extra matrimonium*, ex Bethsabea susceptus, fuit salvatus, ut colligitur ex *2 Sam. XII, 23.* ubi David dicit, se migraturum ad suum puerulum.

Non

Non autem David intellexit infernum, in quem velit vadere, ibique suum puerum deprehendere. Et Jephthe fuit spurius, *Jud. XI, 1.* & tamen sanctis *justitiam operatis*, & *repremissiones affectis*, annumeratur, *Hebr. XI, 32. 33.* Spurii igitur, si *propriās ἀνομίας* in impoenitentia perpetuent, vel etiam *imitatione paternorum criminum exulcerent perseveranter*, non habebunt spem, nec solatium in die *δικαγνώσεως*, agnitionis & judicii: imo ante mortem eis *ἔδὲν* computantur, & sine honore sunt. Vnde spurius prohibetur venire in cœtum & congregationem Jehovæ, *Deut. XXIII, 1. 2.* siquidem eos, qui a matre aut patre non bene nati sunt, indelebilia sequuntur *δυσγρυείας* opprobria per omnem vitam, *PLVTARCH. l. 1. de Educat. pueror.* Proinde & *CICER. Tom. 2. in Orat. pro Rosc. Amerino p. 29. lit. b.* Erucum fugillat, quod non sit certo natus patre. *καλὸς γὰρ πατήρ σίας θησαυρὸς δύγρυεία.* *PLVTARCH. loc. citat.*

55. Ante satisfaciam objectioni, quam hoc theorema concludam: Nam si Deus ante mortem temporalem, in hac vita fo-
bolem pravam, ob pravorum parentum noxas, quibus, vel aliis, & ipsa scatet putetque, plectit (ut mox probabo) ergo et post mortem temporalem, in infernalibus flammis, rigidius eandem propterea torquet. Resp. Negatur connexio: quia est Elenchus parium. Nam progeniem & prolem malignam, paternæ malitiæ & nequitiae vestigia prementem, vel aliis flagitiis se polluentem, ob patrum *ἀδικίαν*, Deus in hac vita punit, ut 1) parentes, hoc Dei iudicium contuiti. 2) ut ipsi filii, pœnis his afflicti. 3) ut alii etiam, a lege divina exorbitantes, hinc occasionem arripiant, a peccatis recedendi, & dum *fores gratiæ adhuc patent*, ad Deum revertendi. Quæ Dei iudicia sæpe sunt sensibus etiam nostris obvia & pervia: quæ vero in altero seculo (ubi etiam fores clementiæ Dei sunt oclusæ) obtingunt, non ita patula & aperta sunt. *Lucernæ ergo pedum nostrorum sit verbum Dei, quod quia divinam paternorum scelerum vindictam in hoc seculo ad filios, scelere & nequitia nobilitatos, extendit, non item in altero seculo: fas est, ut in hac patefactione acquiescamus ultro.*

56. Tantum de tertio: quartum theorema sequitur tale: *Filiis & posteris nefariis, ob patrum vitia & scelera, quatenus ipsi illa eadem habent, vel similia patrant, omnis generis pœne, proprie dictæ, sæpe in hoc seculo a Deo irrogantur.* Constat id 1) *ex perspicuis Dei comminationibus & effatis, Exod. XX, 5. & XXXIV, 7. Num. XIV, 18. Deut. V, 9. Ps. XXXVII, 28. Es. LXV, 7. Job. XXVII, 13. 14. &c.* 2) *ex indubiis exemplis.* Nam ob primorum parentum peccatum leguntur puniti esse omnes & singuli posteri, *Rom. V, 12.* adeo ut solus Christus ab hæreditate originalis pravitatis excipiendus sit. Quamvis enim hodierni Jesu vitæ Mariam virginem a labe peccati originalis eximere satagant, uti etiam BELLARM. desudat lib. 4. de amiss. grat. & statu peccati c. 15. 61. 17. qui tam frontem perfricuit, ut eandem a peccatis insuper venialibus immunem pronunciet. I. I. de amiss. grat. & statu peccati c. 6. tamen veteres Papistæ cordatiores contrarium docuerunt indubie. Vide vel ipsum Jus Canonic. de consecrat. dist. 4. can. 3. & *Gabrielem de Bareleta*, in sermonibus suis, excusis in officina *Henrici Gran*, mense majo ann. 1514. ubi & testimoniis divinis & Canonistarum & Religiosorum, ut Eremitarum, Carmelitarum, Carthusiensium, Cisterciensium, & Prædicatorum admirabiliter & solerter probat, Mariam virginem non solum vicio & peccato originali, sed & actualibus delictis maculatam fuisse. Idque nos quoque dicimus, *non Mariæ virginis infamandæ: sed salvo ipsius honore, divinæ veritatis propagandæ gratia.*

57. Adferri plura possunt huc exempla. Nam ob crimina patrum suorum puniti sunt liberi *in primævo mundo, Gen. VII, 12.* ut & domus *Pharaonis, Gen. XII, 17.* & filii *Sodomitarum, Genes. XIX, 15. Chananeorum, Deut. XX, 17. Jerichunticorum, Jos. VI, 21. Babyloniorum, Ps. CXXXVII, 9. & Es. XIII, 16. 17. 18. Judeorum, Jer. XI, 22. & XIV, 16. & Matth. XXVII, & 25. Danielis inimicorum, Dan. VI, 24. Tyrriorum & Sidoniorum, Joël. III, 8.* Item filii *Giezi, 2 Reg. V, 27. Achan, Jos. VII, 24. Ezechiae, 2 Paral. XXXIII, 11. & Es. XXXIX, 7. Sedechiae, Jer. XXXIX, 6. Amalec, 1 Sam. XV, 3. 8. 33. Baasa, 1 Reg. XVI, 3. 4. 11. Joram, 2 Paral. XXI, 14. 15. 17. Gedeonis, Judic.*

Judic. VIII, 27. & IX, 5. Saulis, 2 Sam. XXI, 1. 6. 8. 9. &c. Talia exempla plurima in Bibliis occurrunt.

58. Nec tacenda prorsus sunt, quæ Turcis, Judæis &c. nostro contingunt adhuc seculo. Digna profecto sunt peccatis nostris supplicia, si Deus totam aliquam provinciam aut gentem (propter verbi divini contemptum) ita punit, ut hoc ingens malum *etiam in ipsorum posteritatem redundet*: ut est videre in obstinatis & perditissimis hominibus, Judæis &c.

59. Et nonne Dens in Papistarum posteros adhuc animadvertit ob majorum suorum noxas? Equidem D. LUTHERVS in cap. 2. ad Gal. p. 125. edit. in 8. Horribilis, *inquit*, & infinita est ira Dei, quod tot seculis puniverit ingratitude & contemptum Evangelii & Christi in Papistis, tradendo eos in reprobum sensum, ut in totum abnegato, quantum ad usum ejus attinet, & blasphemato Christo, in locum Evangelii receperint abominationes regularum & traditionum humanarum &c.

60. Sic sæpe integræ familiæ vel repente vel pedetentim omnino abolentur, vel saltem ad paupertatem ignominiose rediguntur, variosque sortis iniquæ casus miserandum in modum experiuntur, non equidem ex absoluto Dei odio (diliget enim Deus omnia, quæ sunt, et nihil odit eorum, quæ fecit, *Sap. XI, 25.* Nullum, inquam, hominem odit Deus *simpliciter & absolute*, sed propter peccatum, *Pf. V, 7.*) neque ob peccata *mere aliena*: sed ex justo Dei judicio, peccata ipsorum *propria*, et majorum flagitia, quæ *imitati* sunt, *justissime* vindicandis, *Ser. XI, 20.*

61. Vbi si non omnium Dei factorum rationem accurate reddere scimus, memores simus verborum GREGORII in Jobi c. 9. *Tom. 1. Authoris facta, inquit ille, semper indiscussa veneranda sunt: quia injusta nequaquam esse possunt. Rationem quippe de occulto ejus consilio querere, nihil est aliud, quam contra ejus consilium superbire. Cum ergo factorum causa non deprehendatur, restat, ut sub factis illius cum humilitate taceatur; quia nequaquam sufficit sensus carnis, ut secreta penetret majestatis. Qui*

ergo in factis Dei rationem non videt, infirmitatem suam considerans, cur non videat, rationem videt.

62. Tam igitur apertum est, Deum parentum flagitia ple-
dere in pessimis filiis, ut etiam PLUTARCH. de sera Numin-
vindicta scribens, id agnoverit, inquiens: ὁ πάντα τὰ τῶν τεκόν-
των σφάλματα εἰς τῆς ἐκγόνουσι οἱ θεοὶ τρέψουσιν. Ἀλλ' ἐὰν μὲν ἐκ
φάουλᾶ γένηται χρηστὸς, ὥσπερ δύεκτικὸς ἐκ νοσώδους, ἀφ᾿ ἑταίρᾳ τῆς
τῆς γένουσι ποινῆς οἷον ἐκ ποιότητος τῆς κακίας γενόμενος. Νοσῶν (vel
νέω) δὲ εἰς ὁμοιότητα μοχθηροῦ γένουσι ἀναφεραμένην, προσήκει δι' ἡπείθεν
ὡς χρεὴ κληρονομίας διαδέχασθαι τῆς πονηρίας τὴν κόλασιν. Hoc est,
non omnia parentum delicta in posteros dii convertunt. Sed si
ex pravo nascitur probus, velut sanus ex morbo, is poena ge-
neris solvitur: quippe extra qualitatem malitiæ constitutus. Quod
si juvenis in similitudinem improbi generis relabatur, decet
equidem, ut sicut in hæreditatis æs alienum; ita in nequitia
pœnam succedat.

63. Cæterum Deus punit peccata patrum non duntaxat in
filiis, sed etiam in eorum animalibus brutis et bonis aliis: vide
Jos. VI, 21. Deut. III, 7. Ezech. XIV, 13. 14. 16. 19. 21. et passim.
Vbi si sic objicias: Quicquid est capax pœnæ, id est particeps
culpæ. Bestiæ sunt capaces pœnæ. E. Resp. Propositionem
laborare Elencho a dicto secundum quid, ad dictum simpliciter.
Nam ita est restringenda: Quicquid est capax pœnæ, scil. *pro-*
pter seipsum, & ob propria flagitia, id est capax culpæ et peccati.
Nam si absque hac restrictione Propositio efferatur, erit falsa;
siquidem propter hominum peccatum terra dicitur maledicta,
Gen. III, 17. et desolata, Ezech. XIV, 16. et ob sacrilegium Achan,
ipsius tabernaculum et cuncta suppellex fuit combusta, Jos. VII, 24.
et ob peccata Sodomorum, sunt ædificia, et cuncta terræ viren-
tia subversa, Gen. XIX, 15. et ob peccata Tyriorum, muri et tur-
ræs sunt destructæ, Ezech. XXVI, 9. An autem propterea sequi-
tur, ipsam terram, tabernaculum, ædificia, frutices, muros,
et turre, legem Dei esse transgressas? Absit.

64. Proinde vides, axioma hoc: *Quicquid punitur, id peccavit*, ita esse limitandum: *Quicquid punitur, scilicet propter seipsum, ita ut pœna in illo terminetur*, id peccavit. At bruta non propter seipsa puniuntur, nec in iis pœna terminatur. Nec enim Decalogus ipsis est promulgatus, ut ei vel conformiter vel difformiter vivere queant: nec prælectionis, quæ est *πράξις*; ἀρχή, sunt capaces, quamvis τὸ κινεῖσθαι, ὁρμεῖσθαι καὶ φέρεσθαι, & instigari ipsis competant. Vide ARISTOTELEM lib. 6. *Ethic. Nicomach. c. 2.* & SCALIG. *Exerc. 307. sect. 3. 4.* Nec denique peccatum, *proprie dictum*, vel vera synonymia, vel recta analogia, cui quid rei subfit, eis convenit, quicquid etiam contra fingat, & quacunque etiam ratione suam sententiam pingat VORSTIVS in *Notis ad Dissutat. 9. p. 392.* & in *Amica collatione sect. 96.* Tolluntur igitur bestię, *non peccatorum participatione, sed possessorum suorum afflictatione*, nempe ut possesores mali in illis puniantur, quorum felicitate lætabantur; utque authorem Deum, quem per beneficia cognoscere noluerunt, saltem inter supplicia sentiant, & peccata detestari incipiant. Confer *Jus Canon. in glossa 1. q. 4. can. 11. & Thom. 2. 2. q. 108. art. 4.*

65. Porro sicut Jehova ob sceleratos parentes interdum punit liberos: ita ob homines nequissimos, & sub peccatum venundatos, ut nequiter delinquant, interdum plectit alios, sive ipsos in iisdem peccatis æmulantes, sive aliis peccatorum fordibus se contaminantes: de qua suppliciorum *μστοχή* consule *Jud. VIII, 27. Num. XVI, 32. Gen. XII, 17. Jer. XV, 3. 4. & XVIII, 21. & Amos VII, 17.* ut vere scribat HESIODVS: *πολλάκι καὶ ζυμπασα πόλις κακῶ ἀνδρὸς ἐπαυεῖ.*

66. Si quæras, cur & quomodo unus propter alterum torqueri & plecti queat? Resp. *Ideo & hoc modo* (ut alios modos jam taceam:) Quia 1. peccatum unius derivatur in alterum, vel per carnalem generationem, vel per imitationem, vel per consensionem, vel per conniventiam, &c. *Per carnalem generationem*; quia semper peccatum originis, & sæpe aliorum etiam peccatorum semina traducuntur in liberos. Neque enim est uni-

versaliter & indistincte verum, quod LOMBARD. l. 2. dist. 33. lit. e. & BELLARM. l. 4. de amiss. grat. & stat. peccati c. 18. docent, unum tantum, nempe primum protoplastorum peccatum, ad posteros carnali generatione transmitti. Nonne enim quandoque ex libidinosis & furacibus parentibus profeminantur & propagantur in liberos (non quidem ipsi vitiis personarum habitus, sed) inclinationes & propensiones ad libidinem & furtum? Id equidem testatur experientia. Confer AVGVST. Tom. 3. in Enchirid. ad LAVRENT. c. 46. p. 74. & Tom. 7. l. 6. contra IULIAN. PELAG. c. 10. p. 437.

67. *Per imitationem*; quia filii saepe imitantur peccata parentum, & servi peccata dominorum, ut audacius peccent: sicut Israëlitae pejus dicuntur operari, quam patres eorum, Jerem. VII, 26. & XVI, 12. Vnde GREGORIUS Tom. 1. in cap. 21. Jobi p. 513. ait: Quisquis pravi parentis iniquitatem imitatur, etiam ex ejus delicto constringitur. Quisquis autem parentis iniquitatem non imitatur, nequaquam delicto illius gravatur. Vnde fit, ut iniquus filius iniqui patris non solum sua, quae addidit, sed etiam patris peccata persolvat; cum vitiis patris, quibus iratum dominum non ignorat, etiam suam adhuc malitiam adjungere non formidat. Et iustum est, ut qui sub districto iudice vias parentis iniqui non timet imitari, cogatur in vita praesenti etiam culpas parentis iniqui persolvere, &c.

68. *Per consensionem*; Cum enim quisque malis consentit ad malum, jam unam causam habet cum eis, & totius societatis malorum fit una persona: ac per hoc, cum simul pereunt, simulque damnantur, causa sua & persona sua cuique praedjudicat, non aliena, inquit AVGVST. Tom. 7. ad Donatistas post Collat. c. 7. p. 234.

69. *Per conviventiam* denique peccati aliorum evadimus novovol; Quia saepe contra officium nostrum, connivemus in peccatis aliorum, nec ea, prout nos decet, redarguimus, ut probat exemplum Heli, 1 Sam. II, 30. et vigilum, Ezech. III, 18. Breviter: ubi viget novovol peccati & culpa, ibi valet novovol supplicii & poenae. Quisquis ergo aliorum participat crimina, is usse simul luit supplicia. Haec prima ratio.

70. 2. Quia unus homo *temporaliter* est res saepe alterius, et ita unus in poenam alterius punitur. Sic servi sunt quaedam res dominorum, et filii parentum. Vnde ARISTOT. *l. 8. Ethic. Nicom. c. 12.* inquit: οἱ γονεῖς ἐρέγασιν τὰ τέκνα, ὡς ἑαυτῶν τι ὄντα τὰ δὲ τέκνα τῆς γονεῖς ὡς ἀπ' ἑκείνων τι ὄντα etc. parentes diligunt liberos, ut qui sui quidpiam sint: liberi vero parentes, ut ab illis quidpiam. *Hec ARISTOT.*

71. *Vt itaque Deus apertissime significet, se non tantum esse ἀναμάρτητον, sed etiam vehementissime odisse peccata, ideo illa punit tum in ipsis parentibus, tum in ipsorum liberis (et aliis.)* Quare ratione parentes ipsi gravissime cruciantur: Proinde CHRYSOST. *hom. 29. in Gen. Tom. 1. p. 237.* docet, quod Cham multo tulerit acerbius filii sui maledictionem, quam si fuisset ipismet inflicta. Haec enim est vis & σογῆ paterna, ut magis filiorum, quam suis calamitatibus afflicterentur. Et GREGOR. *Tom. 1. in cap. 21. Jobi p. 513.* inquit: *Plerumque percutitur pater in filiis, ut acrius uratur.*

72. Quod si igitur, *inquias*, non tantum filii, nepotes etc. sed etiam extranei in aliis generationibus, ob peccata aliorum, quae imitantur, saepe divinitus puniuntur, quare Deus, *Exod. XX, 5.* tantum patrum, et *tertia, quartaque* generationis mentionem iniecit? Resp. *Patrum* specialiter meminit; quia filii suos parentes maxime solent imitari: quippe inter quos est amor intensus et quasi unitas quaequam. Et filii in peccatis parentum nutriti, ad peccandum sunt proniores, tum propter naturae et temperamentorum consensionem: *naturae enim sequitur semina quisque suae*; tum propter consuetudinem: tum etiam propter exemplum et auctoritatem Patrum. *Tertiam* vero et *quartam generationem* ideo commemoravit; quia solent parentes interdum tamdiu vivere, donec filios tertios et quartos habeant, ut testatur vel exemplum *Jobi c. XLII, 16.* Et sic mutuo videre possunt & filii peccata parentum ad imitandum, & patres poenas filiorum ad dolendum. Confer LOMBARD. *l. 2. dist. 33. lit. L. & Thom. 2. 2. q. 87. a. 8.* Haec vero in extraneis non ita locum reperiunt. Filii enim sunt quaedam

quaedam res parentum, non tantum quoad corpus, sed etiam quoad animam. Falsissimum enim est, omnes hominum animas immediate esse a Deo, ut tamen docet etiam *Thom. 1. 2. q. 81. a. 2. ad. 1. & alibi*. Ast extranei non sunt res & possessio talis. Deinde domestica exempla & domesticae poenae magis movent: Vnde quando aliquis nutritus est in peccatis parentum, vehementius ea sequitur, & si ex eorum poenis non est deterritus, obstinatio videtur; ideoque etiam majori dignus est poena. Quae ratio etiam in extraneis et peregrinis non ita valet.

73. Haec igitur causa est, cur Deus *Exod. XX, 5. patrum generationisque tertiae & quartae* duntaxat mentionem fecerit. Mysticam autem loci *Exod. XX, 5.* explicationem, quam vide apud LOMBARD. *l. 2. dist. 31. lit. M.* non admittimus. *Non enim prius discedendum est ab expressa litera, quam Spiritus S. inde desceat, tropicaeque & mysticae expositionis vestigia ostendat.* AUGUST. *q. 42. in Deut.* hanc etiam istius loci interpretationem habet, quod nominatim Deus tertiam et quartam generationem exprimat, id inde esse, quia septenarius, qui ex ternario et quaternario conjunctis oritur, sit numerus perfectionis, ut hac ratione perfectum Dei odium adversus peccantes significetur.

74. Haecenus itaque *ἔδωκεν* ex praescripto verbi Dei de proposita *Questione* disserui, ea quae revelata sunt, adferendo; reliqua, quae abstrusiora sunt, relinquendo. *Quae enim Deus occulta esse voluit, non sunt scrutanda: quae autem manifesta fecit, non sunt neganda, ne & in illis illicite curiosi, & in istis damnabiliter inveniamur ingrati*, ut cum AMBROSIO loquar ex *Lib. ejus 1. de vocat. gent. c. 7.* Faxit longanimis Deus, ut piorum parentum pietatem aemulari, impiorum impietatem averfari, et in justificante fide ex hoc miseriarum ergastulo, in coeleste beatitudinis aeternae domicilium emigrare, et nostrum Deum trinum de facie ad faciem in aeternum contueri, ipsiusque dulcedine, gratia, et gloria frui queamus. Amen.



DISPVATIO III
EXHIBENS
EXPLICATIONEM QVAESTIONIS
AN PECCATORVM A DEO
IMPETRATA REMISSIO PER INSEQVEN-
TIA PECCATA POSSIT FIERI
IRRITA?

AD THEOLOGICAM ΣΤΖΗΤΗΣΙΝ
PVBLICE PROPOSITA

AVTHORE ET PRAESIDE

JVSTO FEVRBORNIO

S. S. THEOLOGIAE DOCTORE, EJVSDEMQVE
PROF. ORDINARIO, STIPENDIARI. EPHORO
ET ECCLESIASTAE IN ACADEMIA
GIESSENA

RESPONDENTE

IOANNE RVMPFELDIO

IDSTEINIANO - NASSOVIO

IN AVDITORIO THEOLOGICO


DIE IV. MARTII MDCXVIII



GIESSÆ ET LIPSIAE

MDCCXLVI





TRANSITIO



n secunda disputatione pro virili planum feci *ſequa*: *An Deus posteros, filiosque & alios puniat ob flagitia, a majoribus, parentibus, & aliis patrata?* Vbi quia juxta ductum S. Scripturæ dixi, nullum vere piorum hominum remissione suorum peccatorum a Deo per fidem in Christum gratis donatorum, *qua fidelis is est & manet*, ob pessima aliorum hominum facinora a Deo

immissam sustinere pœnam, quæ quidem *ipsius pii hominis respectu*, pœna, *exquisite dicta*, sit (tum enim pœna est nihil aliud quam punitio culpæ, *non remissa*: At vero in Christum credenti omnia sua peccata *sunt remissa*) quamvis pœna, *pressè dicta*, illa queat esse, respectu aliorum hominum impiorum, qui suis criminibus, nequiter admissis, Deum atrociter ad iram concitatum, commoverint admissionem alicujus pœnæ gravissimæ: jam restat explicanda quæstio: *An remissio peccatorum, quam vere pius homo per fidem a Deo nactus est, per alia insequentia ipsius maleficia, possit fieri irrita?* Si enim quæstionis affirmatio est vera; sequitur inde, quod vere pius homo *quandoque* proprie dictam sustineat pœnam, ob atrociam majorum, parentumque suorum aliorumve delicta divinitus inflictam; tum scilicet, quando *is malitiose lapsus* remissionem peccatorum suorum sibi fecit irritam & inanem.

Sin *negatio* est vera; consequens erit, quod vere fidelis homo respectu sui ipsius spectatus, *nunquam* patiatur poenam, ἀρεβῶς acceptam & a Deo ipsi immisam. Vbi enim est remissio peccatorum immutabiliter (ut est respectu Dei) ibi etiam est condonatio suppliciorum, stricte acceptorum, invariabiliter.

T H E S I S I.

Quare Dei clementia adjutus decrevi jam ex unius & folius Dei infallibili verbo prophetico & Apostolico, utpote unica fidei Christianæ norma, hoc dilucidare erotema: *An divina peccatorum nostrorum remissio, a Deo impetrata, per alia insequentia nostra peccata possit fieri irrita?* Siquidem e *prava*, hoc est, contra Dei verbum concepta, quæstionis hujus five affirmatione five negatione possit alicui ansa dari, & janua aperiri, five ad desperationis præcipitia, five ad Epicureismi flagitia, five ad alius mali diverticula. Quibus incommodis, ceu vulneribus exitialibus, tum quæstionis hujus terminos exponendo; tum duo theoremata opponendo, eaque stabiliendo, mederi studebo.

2. In explicatione *terminorum quæstionis* inprimis, 1) notandum & explicandum est *prædicatum: irritum fieri*. Notat enim non-ratum & validum manere, sed irritari & infirmari καταργεῖσθαι, aboleri, tolli, inanem, inefficacem & inutilem reddi (vide Rom. IV, 14. Gal. III, 17. & V, 4.) & ἀθετεῖσθαι: sicut qui irritum aliquid facit, dicitur id ἀθετεῖν Gal. II, 21. & III, 25. Hebræi utuntur etiam verbo נִקְּחָהּ rupit & abruptit. Vide Num. XXX, 6. 9. 12. & XXXII, 7. 9. & Ps. XXXIII, 10, (cum quo verbo consonat verbum Græcum νέω & ἀνανέω) & פָּקַד Ps. XXXIII, 10. & LXXXIX, 34. Sic & *Itus* dicit, *irritum fieri* testamentum, quoties statu testatoris mutato, ipso jure testamentum ruit. Confer *l. sed & si quis, ff. de injusto & rupto*, &c. Admitto autem & suo loco discrimen inter τὸ εἶναι irritum, & τὸ fieri irritum. Nam *irritum esse* dicitur, quod nunquam constitit, sed infirmum semper sua sponte fuit. Ast *irritum fieri* id specialiter dicitur, quod cum antea jure constitit, eversum est. Confer *l. 1. Testamentum ff. eodem.* & ibi interpretes.



3. Sensus igitur quæstionis hujus: *An remissio peccatorum possit fieri irrita*, hic est: *An remissio peccatorum, quæ homini credenti per fidem fuit rata & ab eo adepta, possit deinceps aboleri & inefficax reddi, ita ut homini isti lapsa postea peccata illa denuo imputentur?* Hinc & ipse ZANCHIVS in *Miscellaneis* p. 283. & c. edit. Neapol. anno 82. negans remissionem peccatorum per alia insequentia peccata posse fieri irritam, asserit, *remissa peccata non amplius venire in judicium Dei, nec postulari ad pœnam*. Et p. 288. ait. Si potest fieri irrita (remissio peccatorum) quovis modo, nempe vitio nostro, ergo Deus peccata, semel oblivioni tradita, in memoriam revocabit, id est, puniet. &c. Et POLAN. l. 1. partit. Theol. p. 172. edit. Basl. an. 99. & lib. 6. syntag. Theol. c. 36. p. 363. Remissio peccatorum, inquit, semel a Deo data, nunquam fit irrita, h. e. *peccata semel remissa, nunquam amplius deinceps imputantur*: allegatque Ezech. XVIII, 21. 22. Es. XLIV, 21. Mich. VII, 19. Jer. XXXI, 35. de quibus post dicam. Et SIBRANDVS LVBBERTVS in *Comment. ad 99. errores VORSTII* p. 525. & 526. quæstionem, quam format ita: *An peccata, quæ Deus semel vere & reipsa remisit, post remissionem semel factam, ad pœnam, proprie sic dictam, exigere & revocare velit?* etiam inficiatur. LOMBARD. tamen l. 4. sent. dist. 22. lit. a. Et jus Canon. 33. q. 3. dist. 4. & Thom. 3. q. 88. art. 1. citant testimonia nonnullorum patrum, qui docuere peccata semel dimissa redire & ulterius replicari & reputari ad pœnam & vindictam, si replicentur. Quæ Calvinistarum sententiæ repugnant.

4. Illorum vero sententia, quam narrat LOMBARD. l. 4. dist. 14. lit. b. & dist. 22. lit. b. non satisfacit verbo Dei. Videtur illis absolum, ut peccata dimissa iterum imputentur, proindeque statuunt, neminem pro peccatis semel dimissis, iterum a Deo puniri. Ideo autem dicunt peccata dimissa redire & imputari, quia propter subsequutam ingratitude aliquis ita reus & peccator & immundus constituatur, ut ante fuerat, ac si peccata illa redirent. Cui sententiæ, etiam subscribit RICHARDVS THOMSON: *Anglus in sua diatriba de amissione & intermissione gratiæ & justificationis*

p. 11. licet in illa statuat & probet contra Calvinianos, veram fidem & gratiam justificationis posse amitti vel interdicti.

5. Thomas, 3. q. 88. art. 1. hæc plenius aliquanto proponens inquit: Per peccatum, *sequens* poenitentiam, redit quodammodo reatus peccatorum prius dimissorum, non in quantum *causabatur ex illis peccatis*, prius dimissis, sed in quantum *causabatur ex peccato ultimo* pertrato, quod *aggravatur ex peccatis prioribus*. Et hoc non est, peccata dimissa redire *simpliciter*, sed redire *secundum quid*, in quantum scilicet *virtualiter* in peccato sequenti continentur. Vnde & art. 2. docet, quod peccata, per poenitentiam dimissa, per sequens peccatum (*mortale*) redire dicantur, *quatenus ingratitudinis ratione, eorum reatus in sequenti culpa virtualiter contineatur*. Hæc ille.

6. Non *exhaustiens plenitudinem verbi divini*, quod aperte asserit, remissionem peccatorum acceptam irritari & labefactari per insequens studium & desiderium nequiter delinquendi, & per patrata malitiose delicta, ut paulo post docebo. Non igitur peccata duntaxat ideo dicuntur redire, quod ingratitudo & ἀπειθεῖα proterva subsecuta hominem, remissione peccatorum prius per fidem in Christum donatum, Dei gratia spoliaret, & poenæ æternæ reum, ut ante divinam transgressionum suarum condonationem fuerat, faciat: *sed etiam propterea*, quod prius impetrata peccatorum venia concutiat, & priora peccata πάλιν denuo & de integro homini peccatori, qui flagitiis enormibus se rursus polluit, imputentur, & ad vindictam revocentur. Hoc i, hic est notandum.

7. 2. Observandum est discrimen inter insequentia peccata, quippe quæ sunt vel *regnantia*, quando *caro* dominatur in homine; quod dominium illa *etiam* in homine *renato* obtinent, quando ille carnis opera designando, excussit regimen Spiritus S. vel *non-regnantia*, quando *Spiritus S.* in homine renato imperium habet, etsi ille peccata *infirmittatis* designet. Non per hæc irritatur & aboletur peccatorum remissio, per fidem impetrata: secus ea in omnibus piis, *qua tales sunt & manent*, redderetur Irrita,

irrita, vana, & inanis: quia & *justus* peccat (ex infirmitate) septies, *Prov. XXIV, 16. i. e. multoties*. In multis enim labimur omnes. *Jac. III, 2*. sed per ista (regnantia flagitia) tollitur & evacuatur, non autem tantum per peccatum in Spiritum S. Nam si secundum carnem vixeritis, moriemini; inquit Paulus *Rom. VIII, 13*: Vbi loquitur de illis, qui in presenti non sunt mortui, sed qui moriuntur. At non-renati in presenti sunt in peccatis mortui, *Eph. II, 1*. Ergo non loquitur de non-renatis, sed de renatis: in quibus nimirum est nihil condemnationis, sed qui sunt in Christo Jesu, & non secundum carnem ambulant, sed juxta Spiritum, *Rom. VIII, 1*. de quibus asserit, quod sint morituri, si secundum carnem vixerint, i. e. si in carne fuerint, *Rom. VIII, 8*. & secundum carnem militaverint, *2 Cor. X, 3*. & peccato obedierint, *Rom. VI, 12*. illique sua membra arma injustitiarum accommodarint, *vers. 13*.

8. Licet verò cum S. Scriptura distinguam inter peccata regnantia & non-regnantia: non tamen approbo papisticam acceptionem & intellectionem distinctionis inter peccata venialia & mortalia; sicut & *Thom. III, q. 88. art. 2. ad. 2*. inquit: quod etiam peccata venialia & ipsum originale redeant, sicut et peccata mortalia, in quantum contemnitur Dei beneficium, quod hæc peccata sunt remissa. Non tamen per peccatum veniale aliquis incurrit, inquit, in ingratitude: quia homo peccando venialiter, non facit contra Deum, sed præter ipsum. Et ideo per peccata venialia nullo modo peccata dimissa redeunt. Hæc ille; pugnans cum verbo Dei; quod docet, omne verum peccatum esse avoué, *1 Joh. III, 4*. omnis autem avoué est contra vovov. Imo peccatum, quod remanet in renatis, non frigide repugnat: sed ἀντιστάμεναι bellum infert legi mentis ipsorum, *Rom. VII, 23*.

9. Quibus ita dilucidatis, & ab ambiguitatis caligine sequestratis, evidentius effulget status quæstionis, nempe: An remissio peccatorum, quam vere credentes per justificantem fidem in Christum acceperunt, per maleficia, contra conscientiam postea deinceps ab illis patrata, possit eis fieri irrita, hoc est, ut illa remissa

missio tum non amplius iis maneat salva & rata, sed fiat ipsis irrita & cassa: proindeque priora etiam peccata illis imputentur?

10. Nos affirmamus. Calvinistæ plerique negant. Contra quos ut veritas cœlestis eo clarius defendatur, jam duo Theoremata adjungam, iisque rem totam comprehendam. *Hoc esto primum.* Deus ipse sua culpa non irritat & infirmat datam a se vere credentibus peccatorum remissionem. Idquæ probo 1. ab immutabili Dei constantia & veritate. Non enim est Deus, quasi homo, ut mentiatur, nec ut filius hominû, ut pœniteat eum, Num. XXIII, 19. Et triumphator in Israël non fallit, & non pœnitebit eum: neque enim est homo, ut agat pœnitentiam, 1 Sam. XV, 29. Et rectum est verbum Domini, & omnia opera ejus in veritate, Ps. XXXIII, 4. Et verbum ejus manet in æternum, Es. XL, 8. donaque Dei sunt ἀσταυμέλητα, Rom. XI, 29. neque ullum ipsius verbum fit irritum; Jos. XXI, 45. nec incredulitas hominum fidem Dei evacuat, Rom. III, 3.

11. Nec hoc argumentum inde destruitur, quod scriptura Deo quandoque pœnitentiam tribuit, Gen. VI, 6. 7. 1 Sam. XV, 11. Ps. CVI, 45. Jer. XVIII, 10. & XXVI, 13. & Joel. II, 14. Nam ut ait DAMASCEN. dialog. de Manich. hæres. p. 563. Pœnitentia Deus affici dicitur more nostro, ἡ γὰρ γραφὴ ἀνθρώπων ὡς τὸν περὶ θεῶν διαλέγεται, πρὸς τὴν νηπίότητα τῶν ἀνθρώπων. Veluti illud est (pergit DAMASCENVUS) cum dicitur: *ut quid dormis domine?* Neque enim Deus dormit; sed tolerantiam ejus ad lenitatem, auxiliique sui dilationem, somnum vocavit. Qui namque apud nos dormiunt, non auxiliantur. Sic etiam se habet pœnitentia. Nos enim si cui pecunias dedimus, isque eis male abutitur, hujus facti pœnitet. Sic cum Deus hominem fecisset, Saulemque in regem unxisset, illis male sese gerentibus, pœnituisset eum dicitur. Non quod in Deum cadat pœnitentia (præscivit enim, quid futurum esset) sed quod illi pœnitenda facerent. Hæc ille.

12. Proindeque AVGVSTINVS Tom. 6. l. 1. cont. Adversar. legis & Prophetar. cap. XX, p. 252. inquit: Pœnitentia Dei non est

est post errorem; *ira Dei* non habet perturbati animi ardorem; misericordia Dei non habet compatiens miserum cor, unde in latina lingua nomen accepit: *Zelus Dei* non habet mentis livorem: sed *pœnitentia Dei* dicitur *rerum in ejus potestate constitutarum, hominibus inopinata mutatio*. Hæc ille. Valeat igitur hic regula *ATHANASII Tom. 2. dial. 1. de Trinit. p. 143. τὰυτα ἀνθρωποπαθῶς μὲν λέγονται; θεοπρεπῶς δὲ νοῶνται*. Nam ἐκ ἐστὶ ὡς ἄνθρωπος ὁ θεός, ἵνα καὶ ἀνθρώπινα περὶ αὐτῆς τις ἐρωτᾷ τολμήσῃ, idem *Tom. 1. p. 357. Hoc primum*.

13. 2) Argumentum sumo ab inductione axiomatum divinorum, quæ testantur, Deum sua culpa vitioque (quod nullum omnino est) non irritare ullum suum fœdus & pactum. Videantur *Lev. XXVI, 44. 45. Jud. II, 1. Ps. LXXXIX, 35. Nec est, ut quis objiciat, Es. XXXIII, 8. & Jer. XIV, 21. Ibi enim Deus non perhibetur suo ipsius vitio suum pactum facere irritum, sed populo videtur id irritatum: quare is Deum rogat, ne ob peccata sua velit illud labefactare*.

14. Nec locus *Zach. XI, 10. nobis contrarius est: Ibi enim Deus dicitur suam virgam confregisse, i. e. suam doctrinam ejusque pios doctores (Sic & Es. XI, 4. virga oris Messiae notat ejus verbum) a populo suo maligno se movisse (confer Amos VIII, 11. & Act. XIII, 46.) ut irritum faceret fœdus suum, quod percussisset cum omnibus populis. Vide Gen. XII, 3. & Gal. III, 8. Deo itaque, non ipsius culpa, sed hominum nequissimorum vitio, tribuitur sui fœderis irritatio & abolitio: Deo, inquam, non peccanti (est enim prorsus ἀναμάρτητος, Ps. V, 57. Zach. VIII, 17. & Jobi XXXIV, 10.) sed hominum flagitia juste vindicanti illa adscribitur. Vnde punitio divina dicitur Dei תנודת, irritatio & abruptio, Num. XIV, 34. ubi Deus ad Israëlitas ait: *Feretis pœnam iniquitatum vestrarum quadraginta annos, ut cognoscatis abruptio-nem meam*, h. e. ut experiamini, me vestris sceleribus irritatum seu concitatum, a fœdere vobiscum inito, vestraque νομῶντα abruptum, vobis justas pœnas irrogare. Vnde 70. Interpretes id sic verterunt, ut intelligatis *Θυμὸν τῆς ἀγῆς μὲν*. Quamvis & תנודת reddi*

reddi possit iudice JUNIO & PISCATORE; *per*, *abruptionem a me*, ut sensus sit: *Vt cognoscatis quantum malum sit, cum homo se per scelera, nequiter patrata, a me abruptum.* Si quis enim ὑποείληται se subduxerit (peccando atrociter, *Es. LIX, 2. & Jer. V, 25.*) is non probatur animæ Dei, *Hebr. X, 38.*

15. Quando autem ipse Deus dicitur suum fœdus abruptum, tum id Deo tribuitur per ἀνθρώπου ἀβείαν (hominis enim cor seu animus dicitur rumpi, i. e. frangi, *Num. XXXII, 7. & 9.* seu *averti*: quæ *aversio*, quia *mutationem* includit, homini proprie competit) ad indicandam Dei voluntatem ulticem & vindicatricem, & ad ipsam etiam ultionem exprimerendam. *Hoc sit secundum.*

16. 3) Argumentum in specie peto a natura fœderis gratiæ in circumcissione cum populo veteris Testamenti, & in baptismo nobiscum a Deo percussi. Syllogismus sit talis: Si fœdus gratiæ, quod quidem adulti homines post sacramentum initiationis, per maleficia gravia fregerunt, a parte Dei tamen manet ratum & inconcussum; Ergo Deus ex sua parte non fit fœdifragus; proindeque ratione sui non irritam facit remissionem peccatorum. At prius. E.

17. Connexio propositionis patet: Assumptio probatur 1) a circumcissione, in qua cum circumcisis Deus dicit fœdus gratiæ, *Gen. XVII, 7.* Nam & circumcisio respexit τὸν λόγον incarnandum, eumque certa ratione præfiguravit. Confer *Col. II, 11.* Hoc fœdus ex parte Dei mansit validum, licet homines deinceps peccarint. Hinc circumcisi argumentum consolationis suæ in omni sua vita petiverunt a percepta in infantia sua circumcissione, ut testatur exemplum *Davidis*, *1 Sam. XVII, 26.* *Jonathæ*, & *Sam. XIV, 6.* & populi *Nehemiæ IX, 8.* non tantum in afflictionibus externis: verum etiam internis, videlicet adversus peccata: siquidem circumcisio fuit & sigillum justitiæ fidei, *Rom. IV, 11.* utpote quam in circumcissione, & per illam, circumcisi fuerunt adepti.

18. Et licet foemellæ fuerint circumcisionis in seipsis incapaces: tamen *ex ordinatione Dei* (non ipsa *nativitate ex circumcisis parentibus carnali*: φύσει namque fuerunt & foemellæ iræ Dei subiectæ, *Ephes. II, 3.* & quod ex carne natum est, caro est, *Jo. III, 6.* Sicut igitur peccabilis nostri conceptio non est medium propagandæ gratiæ Dei regenerantis & justificantis, sed pravitatis naturalis: ita & carnalis nostri generatio est medium non *illius*, sed *hujus* in nos traducendæ) foederis hujus fuerunt participes. Nam Deus cum Abrahamo, & cum omni ejus *semine* (non solum masculino, sed etiam *fæminino*) foedus gratiæ pepigerat, *hac ratione* ut (non foemella, sed) omnis *masculus* octavo die circumcidetur, *Gen. XVII, 7. 9. 10. 11. 12. 13. 17. 19.* & *Act. II, 29.* Quam Dei foederalem ordinationem sic etiam foemellæ V. T. intellexerunt, ut hinc optime se solari valuerint, ut ostendit exemplum Judithæ *cap. IX, 18.* Et hinc quandam *ἐξρχην* habuerint, ut docet exemplum mulieris, infirmitatis spiritu correptæ, quam Christus, *Luc. XIII, 16.* nuncupat *filiam Abrahamæ*, i. e. ex Abrahamo progenitam, ejusque fide ditatam & *fœderali Dei gratia* dotatam; quemadmodum Zachæus, *Luc. IX, 9.* recensetur inter filios Abrahamæ: quales dicuntur omnes credentes, *Gal. III, 7. 29.* utpote filii promissionis, *Rom. IX, 8.* & *Gal. IV, 23. 28.*

19. Quid? Nullus præputiatus debuit yesci agno Paschali, *Exod. XII, 48.* Et propterea peregrini, qui apud Israëlitas voluerunt peregrinari, si fuerunt masculi, prius circumcidi debuerunt, quam ad esum agni paschalis fuerunt admissi, *vers. 48.* Sicut igitur puellæ Israëlitarum & peregrinorum circumcisorum celebrarunt etiam pascha, ut colligitur ex *Exod. XII, 3. 34. & 47. 48.* quia ex ordinatione Dei speciali pertinuerunt ad populum Dei circumcisum: proindeque etiam fuerunt eorum beneficiorum participes, quæ Deus per sacramentum agni paschalis in suum populum contulit: ita eadem puellulæ, quia Deus, inito cum illis foedere gratiæ, *sic* clementer ordinarat, ut (non ipsæ, sed) masculi circumciderentur; *vigore circumcisionis, in solis masculis*, juxta Dei dispositionem peractæ, devenerunt in foedus divinæ

gratiæ justificantis, in ejusque κοινωνίαν & salutarem perfruitionem: Id quod pia consideratio circumcissionis ipsiusque institutionis, *Gen. XVII*, apertius declarabit: quam Dei peculiarem ordinationem absit, ut nostræ rationis ἀντιλογία vel queat, vel debeat impugnare.

20. Assumptio probatur 2) *a baptismo*, in quo & per quem cum baptizatis hominibus Deus ex immensa sua bonitate itidem pangit foedus suæ gratiæ & clementiæ, & in iis fidem salvantem accendit, per quam accipiunt omnium suorum peccatorum remissionem, Christumque, in cujus mortem, quam ipse sustinuit, baptizantur, induunt, regenerantur & salvantur; sicut hæc baptismi, juxta divinam ejus institutionem administrati, divina efficacia & effecta leguntur, *Marc. XVI, 16. Luc. III, 3. Act. II, 38. Gal. III, 27. Eph. V, 26. Tit. III, 5. & i Petr. II, 21*. Quæ dicta tropologia Calvinistica non debet cauponari & offuscare, suæque divina virtute spoliare.

21. Quamvis autem homines baptisati, post perceptum suum baptismum, variis sæpe modis malitiose peccent; & ita foedus, cum Deo in baptismo initum, *ex sua parte* frangant: non tamen *respectu Dei* id frangitur, sed illæsum manet; adeoque perceptus baptismus hominibus baptizatis, si a peccatis convertantur, per omnem eorum vitam prodest, exindeque vividum adversus peccata solatium possunt haurire: non quidem ex *sola* baptismi suscepti recordatione (ut loquuntur calumniose patres Concilii Tridentini *sess. 7. de baptismo c. 8.*) quippe quæ perfunctoria, & cum impenitentia sæpe conjuncta potest esse: sed ex divina baptismi efficacia, quippe quæ per omnem nostram vitam valet ad remissionem nostrorum peccatorum.

22. Nam baptismi virtus describitur verbis πάντες ῥεσόντες: siquidem *salvat*, *i Petr. III, 21. salvavit*, *Tit. III, 5. & salvabit nos*, *Marc. XVI, 16*. Baptizati namque sumus *in mortem Christi*, *Rom. VI, 3*. Et baptismus nos *salvat per resurrectionem Jesu Christi*, *i Petr. III, 21*. Sicut igitur virtus mortis & resurrectionis Christi

fese

fese extendit non tantum ad remittenda nostra peccata *præterita* & *præsentia*, sed etiam ad *future* omnia: Vide 1 *Joh.* I, 9. ita percepti a nobis baptismi virtus & fructus totam nostram æquat vitam, si modo resipiscamus. Et certe, si baptismi percepti nulla superesset virtus, quamprimum homo baptizatus quidem graviter delinqueret; *veruntamen per gratiam Dei resipisceret*: proindeque contritionis & satisfactionis deberet acquirere tabulam, cujus virtute & efficacia navigaret in portum æternæ beatitudinis; tum 1) errasset Petrus, qui *Epist.* i. cap. III, 21. docet, se etiam (nam se includit: *nos*, inquit, *salvat*, &c.) *per baptismum* salvari: Et tamen ille fuerat horribiliter lapsus, *Matth.* XXVI, 70. &c. 2) errasset & Paulus, qui non solum lapsis Corinthiis, sed etiam Galatis seductis proponit promissionem, consolationem & efficacitatem percepti baptismi, 1 *Cor.* VI, 11. & c. XII, 13. & *Gal.* III, 26. 27. Confer etiam *Jer.* III, 1.

23. Quod plurimis jam non libet demonstrare: Vel enim ex dictis satis patet, quod fœdus gratiæ, in circumcissione cum circumcisis in V. T. & in baptismo cum baptizatis hominibus in N. T. a Deo factum, *ex parte Dei* maneat stabile & immutabile. Deus igitur *sua culpa* nunquam & nusquam abolet remissionem nostrorum peccatorum, per fidem nobis gratis concessam; sed semper ille in sua uti essentia: ita quoque voluntate & opere est prorsus invariabilis, immutabilisque & perpetuo constans. Hæc de 1. theoremate.

24. Hoc fit: „*Homines renati non tantum possunt irritare; sed ipso etiam actu reddunt irritam suorum peccatorum, fide acceptam remissionem per subsequentia peccata regnantia, & conscientiam vulnerantia ac devastantia.*”

25. Idque probo 1) *testimonio Jehovahæ*, *Ezech.* XVIII, 24. *Quum averterit se justus a justitia sua, & fecerit iniquitatem, secundum omnes abominationes, quas operari solet impius, nunquid vivet? Omnes justitiæ ejus, quas fecerat, non venient in memoriam (sed) in prævaricatione, qua prævaricatus est, & in peccato suo,*

suo, quod peccavit, in ipsis morietur: Seu, propter prævaricationem suam, quam patravit, & propter peccatum suum, quod commisit, propter illa, *inquam*, morietur.

26. Hic 1) contra ZANCH. in *Misc.* p. 287. SOHNIVM *Tom 2. in A. C.* p. 771. SIBRAND. in *Comment.* 99. *error.* p. 533. &c. statuentes, Jehovaham loqui de eo, qui *apparenter* tantum est justus, seque pro justo jactat, notandum est, quod hic Jehova loquatur de *vere* justo. Quod quidem in *Disp. 2. adversus D. EGLINVM thesi 79. & seqq.* aliquibus argumentis planum feci; verum tamen & hæc hic noto, sumens 1) *ab oppositione justii & injusti seu impii*, v. 24. 27. Justus hypocritice & apparenter tantum, non potest vere *opponi* injusto & impio: quia is *revera est* injustus & impius. Idem autem *sibi ipsi* non opponitur; sed unum *dissentaneum oppositum* alteri. At justus, de quo Jehova hic loquitur, vere opponitur injusto & impio. Ergo. Fallit LVBERTVS, quando p. 534. ait, opponi hic illos, qui se justos esse jactent, istis, qui se peccatores esse agnoscant, ut *Matth. IX, 13. & Luc. XVIII, 9.* Nam si vel maxime concedam, justum alibi sumi posse pro eo, qui sibi justitiam somniat, eamque venditat; non tamen hic ita potest accipi, ut jam patebit amplius.

27. Nam 2) argumentum addo, *ab aversione justii* petitur. Ille enim justus hic describitur, qui eo quod se avertit a sua justitia reprehenditur, proindeque poena ei denunciatur. At justus hypocritice non propterea vel reprehenditur, vel plectitur, quod a justitia *hypocritica* sese avertat. Quin potius Christus ait *Matth. V, 20.* Dico vobis, quod nisi abundaverit vestra justitia plus, quam scribarum & Phariseorum, non possitis ingredi in regnum cœlorum. Et Paulus *Rom. X, 3.* testatur, quod Israëlita, nescientes Dei justitiam & propriam justitiam quærentes, justitiæ Dei non fuerint subiecti.

28. 3) *Ab abstracto ad concretum.* Loquitur hic Deus de *vera justitia.* Ergo & de *vere justo*: Nam de illa justitia differit, *qua amissa justus moritur.* Ar amissa justitia hypocritica non moritur.

moritur. Ergo. *Item.* De illa justitia sermo Domini est, quæ non potest simul stare cum prævaricationibus malitiosis; cujusque non amplius vult recordari, ut aperte evincit litera versus 24. 26. At hypocritica justitia potest simul stare cum ejusmodi prævaricationibus, ejusque dominus in poenam vult recordari, nisi fiat resipiscencia.

29. 4) *A descriptione justitiae*: Qui talis hic intelligitur, qualis v. 5-9. describitur. At ibi non describitur apparenter & hypocritice justus: quia vere bona & vere justa opera ei tribuuntur. Redissime ergo MVSCLVS (quem ZANCHIVS, sed ipsius nomine tacito; perstringit) in *L. C. Tit. de remiss. peccat. q. 6. p. 470. edit. Basl. anno 1563.* hunc locum explicat de vera justitia.

30. Deinde notandum est, quod hic sermo sit de justo, non qua talis perstat: sic enim folia, ejus non defluent, *Pf. I, 3.* & ipse in æterna erit memoria, *Pf. CXII, 7.* sed quatenus talis esse cessat. Aperte enim, loquitur Deus de illo justo, qui se avertit a sua justitia. Vbi frustra ZANCHIVS, p. 287. excipit, justum se posse avertere, si ejus natura spectetur; non autem posse, si spectetur Dei promissio, *Jer. XXXII, 40.* Nam illa Dei promissio non est absoluta, sed ordinata. Plenius hanc & similes exceptiones refellit vel ipsa RICHARDI THOMSONIS *Diatriba cap. 12. p. 58. &c.*

31. 3) Observandum est, Jehovam non tantum loqui de ejus justitiae totali apostasia, & relapsu in peccatum adversus Spiritum S. ut excipit ZANCH. p. 286. In genere enim loquitur de aversione a vera justitia, deque prævaricationibus pessimis: per quas hic non intelliguntur peccata infirmitatis; quippe per quæ non projicitur justus, *Pf. XXXVII, 24. & CXLV, 14.* sed crimina malignitatis: utpote quæ vocat ab ominationes, quas operari soleat improbus.

32. 4) Spectandum est integrum hoc complexum: omnes justitiæ ejus, quas fecerat, non memorabuntur, seu non venient in memoriam (apud Jehovam) Sicut enim Deus dicitur peccatorum nostro-

nostrorum *recordari*, cum illa *imputat* & *plectit*: Confer *Pf. CIX, 14. non-recordari* autem, cum ea *non imputat*, nec *vindicat*, sed *condonat* & *tegit*: Vide *Ezech. XVIII, 22. Jer. XXXI, 34. & Pf. XXII, 1.* ita quoque *justitiarum* nostrarum dicitur *recordari*, cum eas *clementer acceptat* & *gratis remunerat*, *Act. X, 4. & Hebr. VI, 10. non-recordari vero* cum homo carnis operibus *insecutis* illas sibi facit *irritas*: ubi *judicium Dei* *justissimum* etiam *tum* *concurrit*. Nam *v. 21. &c.* *perhibetur Deus omnium iniquitatum impii conversi*, quas prius operatus sit, *non-recordari* i. e. *misericorditer* eas illi *condonare*, nec *imputare*, neque *vindicare*. Quare quando *Deus* *similiter* *pronunciatur v. 24. omnium justitiarum justii averfi non-recordari*, sensus est, quod ut *justus vindex* istas hominis *justicias* *abominationibus* ejus *insecutis elisas*, non amplius habeat *ratas & validas*.

33. Denique 5) ponderandum est, quod *Jehova* *asserat*, *justum*, se sic *avertentem*, *moriturum esse in pravaricatione*, qua *pravaricatus sit*, & *in peccato suo*, quod *peccarit*. Non itaque duntaxat *Jehova* *asserit*, quod *iste averfus justus* propter *insecutam ingratitudinem & malignitatem suam* *multetur morte*: sed etiam *docet*, quod *memoria priorum justitiarum sit apud se peritura*.

34. Hinc cum *MVSCVLO p. 470.* ita colligo: Si *præterita justitia oblivioni datur*, & *irrita redditur*, propter *sequentem iniquitatem*, quanto magis *peccata clementer remissa*, ad *justi judicii tribunal revocari possunt*; Sublata enim *fidei justitia*, tollitur *peccatorum remissio*, & vice versa. *Beatificatio* namque & *imputatio justitiæ*, *Rom. IV, 6-8.* *exponitur per remissionem & obtectionem iniquitatum*. At prius est. Ergo.

35. Frustra objectat *ZANCHIUS p. 288.* *inquiens*: Si (*remissio peccatorum*) potest fieri *irrita quovis modo*, nempe *vicio nostro*, ergo *Deus peccata*, semel *oblivioni tradita*, in *memoriam revocabit*, id est, *puniet*. At ipse ait *absolute: non-recordabor amplius*. Non ait *non-recordabor amplius, nisi vos iterum peccetis*: Neque ait, *quod ad me attinet*, sed *absolute* *pronunciat*, se non amplius *recordaturum*.

36. Quandoquidem non *absoluta* sua clementia; sed *ordinata*, & in Christo redemptore & reconciliatore nostro exhibita, & per fidem appropriata nos Deus beare decrevit, & peccata nobis dimittit, *Act. IV, 12. & X, 43. & XIII, 38. & XV, 11. & Eph. IV, 32.* Vnde salus nostra dicitur esse *in Christo*, *2 Tim. II, 10.* & vita æterna esse *in filio*, *1 Joh. V, 11.* ita ut qui habet filium, habeat vitam; qui vero eum non habet, neque habeat vitam æternam, v. 12.

37. Quare licet *Ezech. XVIII, 22.* Deus *ἡνὶκά* non inquit: *nisi vos iterum peccetis*: tamen satis aperte eam *προσθήκην* v. 21. exprimit, quando ait: *Si impius egerit pœnitentiam, &c.* Item v. 31. *Convertimini, &c.* Sic *Gen. XVII, 7.* Jehova quidem clementer Abrâhamo promiserat, se futurum ipsius, & seminis sui propitium Deum, veruntamen *hoc ordine & pacto*, ut custodirent Dei fœdus, v. 9. 10. &c. Et *Leu. XXVI, 3. & 12.* inquit Deus: Si in præceptis meis ambulaveritis, &c. ambulabo inter vos, & ero Deus vester, &c. Et v. 14. subiicit: Quod si non audieritis me, nec feceritis omnia mandata mea, sed spreveritis leges meas, & judicia mea abominati fueritis, ut non faciatis ea, quæ a me constituta sunt, & *ad irritum perducatis pactum meum*; ego quoque hæc faciam, &c. Confer *Deut. XXVIII, 1. &c. Mal. II, 2. Joël II, 12. 32. Es. I, 16. 17. 18. 19.* & omnia reliqua dicta, quibus nos Deus invitat *ad agendam pœnitentiam*. Non enim peccatori, *quomodocunque & qualitercunque sese habenti*; sed *vere resipiscenti & in Christum credenti* remittit peccata, *Act. III, 19. & XI, 18. & XVI, 30. 31. & XX, 21. & XVI, 20.* *Quamdiu* igitur peccator manet *vere fidelis*, tamdiu *ei* manet rata peccatorum remissio; quippe quæ non nisi *fide* apprehenditur & possidetur: non enim pendet ab ullorum nostrorum operum bonorum conditione. Confer *Rom. III, 28. & IV, 2. &c.* Et *Gal. II, 16.*

38. Itaque frivola est exceptio *Thomæ III, q. 88. art. 1. ad 3.* ubi dicit, quod per sequens peccatum justitiæ priores oblivioni tradantur, *in quantum fuerant meritoria vitæ æternæ*; non tamen *in quantum fuerant impeditivæ peccati*. Quandoquidem falsa est ipsius hypothesis, quod nostra opera, iuste facta, promereant

nobis vitam æternam; quia hæc est donum Dei *gratuitum*, Rom. VI, 23. Quod si autem per *gratiam*, non jam ex operibus: quandoquidem gratia jam non est gratia. Sin ex operibus, jam non est gratia, quandoquidem opus jam non est opus, Rom. XI, 6. Nec sequitur: Remissio peccatorum accipitur & retinetur *fide*. E. dependet *ab opere aliquo nostro*: Quia fides in articulo justificationis *coram Deo*, semper *opponitur* nostris operibus, ut videre est Rom. IV, 5. & Gal. II, 16. & Eph. II, 8. 9. *Opposita* autem non sunt consentanea, multo minus *eadem*.

39. Nec Thomas nostram sententiam infringere valet, quando sic colligit art. 1. *Opus Dei per opus hominis irritari non potest*. Remissio autem peccatorum priorum est opus Dei. Vnde non potest irritari per sequens peccatum hominis, secundum illud Rom. III, 3. *Nunquid illorum incredulitas fidem Dei evacuavit?* Confundit enim Thomas *opera Dei*, quæ sunt vel *absoluta & immediata*, quæ per se solum Deus præstat, ut sunt *mundi creatio, resuscitatio mortuorum, &c.* vel *certo ordini & modo ab ipso inclusa & innexa*, quem Deus ab hominibus vult non negligi, sed observari. Illa nullus hominum potest infirmare vel annihilare: vide *Jes. XIV, 27. & XLVI, 10. Esth. XIII, 9. & Rom. IX, 19. Hæc vero potest*. Vide *Lev. XVI, 20. & XXVI, 14. Jer. XI, 10. 31. 32. Gen. XVII, 14. Num. XIV, 34. Judic. II, 20. & Ezech. XVI, 59*. Et nonne *fides* est opus (non *nostrum*, sed) *Dei*? quam tamen *per opera carnis* homo potest excutere, ut alibi docui. Cum igitur remissio peccatorum sit opus Dei, *certo ordini & mediis a Deo inclusum*; hinc quando homo ordinem & media, ad *conferendam recipiendam & retinendam* peccatorum remissionem divinitus ordinata, petulanter negligit, tum aut non accipit delictorum suorum veniam aut acceptam *non retinet*, sed *sibi irritam reddit*.

40. Porro pro vero dicti Apostolici, Rom. III, 3. intellectu, sciendum est 1) per *fidem Dei* hic intelligi certam & immotam Dei de hominum salute constitutionem; seu veritatem & fidelitatem Dei in servandis suis promissionibus: quemadmodum CICERO l. 1. offic. Tom. 4. p. 467. lit. b. inquit: *Fundamentum justitiæ*

justitiæ est *fides*, id est, dictorum conventorumque constantia & veritas. Vnde ibid. Credamusque, ait, quia fiat, quod dictum est, appellatam *fidem*. 2) καταργεῖν hic idem esse, quod ἀργεῖν seu ἀεργεῖν id est, ἀνεὸν ἔργα aliquid reddere, idque ἀκυρῶν καὶ κατακενῶν. 3) Hominum ἀπιστίαν hic notare hominum non simplicem incredulitatem, sed ἀπιστίαν, malitiosa perfidia & rebellionem aggravatam & exasperatam.

41. Vult autem Paulus obviam ire calumniæ, quam Judæi potuissent ipsi intentare, hoc modo. Paule, tu æquando gentibus Dei populum, tellis omnem ejus περισότητα, seu τὸ περισόν & præcellentiam. v. 1. Respondet igitur negando, & concedendo primariam Judæorum prærogativam, quod ipsis credita fuerint τὰ λόγια τῶ Θεοῦ, oracula seu eloquia Dei, quæ fuerunt λόγια ζῶντα, Act. VII, 38. quibus & Deus honorabile nomen imponit Hof. VIII, 12. inquit: רַבִּי הוֹרֵרִי i. e. amplitudines legum meæ. Intelligit autem isto termino & legis doctrinam, & Evangelicas promissiones, tum apertas, tum typis in V. T. involutas. Depositum vero hoc tam pretiosum vult Paulus per antithesin innuere, Judæos perfide administrasse: siquidem hanc antithesin ostendit occupatio interrogatoria v. 3. *Quid tum enim* (scil. dicemus, ut est Rom. VI, 1.) *si quidam fuerunt increduli*, h. e. si quidam (excipit enim sanctos Patriarchas & reliquos credentes) non servarunt Deo fidem, sub qua sua eis eloquia crediderat: num hominum ἀπιστία, i. e. perfidia, fidem Dei, i. e. fidem seu fideles ac constantes Dei promissiones, καταργήσῃ, i. e. irritabit & evacuabit? h. e. an propter homines perfidos Deus perfidiæ accusari merebitur? an quia homines sua ἀπιστία, se bonis promissis privant, Deus propterea fuerit ἀπίστος, καὶ εὐμετάβολος? An quia homines Deo non confidunt, is propterea suam promissionem revocet, retractet & immutet, quod velit esse propitius Abrahami & feminis ejus, Deus? q. d. minime. Probatque hoc a veritate & Dei constantia, Ps. XXXVI, 6. & LVII, 11. quam illustrat a vanitate & perfidia hominis, preut est corruptus per peccatum, Ps. XXXIX, 7. & CXVI, 11.

42. Quibus præmissis, ajo 1) Promissiones Dei *absolutas* non posse *καταργεῖσθαι ἀπὸ τῶν* hominum, *sive respectu Dei, sive respectu hominum*. 2) Promissiones Dei *ordinatas*, i. e. certæ *τάξει* divinitus inclusas, considerari *vel* in sese, respectu Dei promittentis: *vel* in applicatione & fructu suo salutari, respectu hominum, quibus promissiones sunt factæ. In *priori* respectu etiam non possunt aboleri per *ἀπὸ τῶν* hominum: sed in *posteriori*; quia fructus promissionum divinarum retardatur & avertitur per *ἀπὸ τῶν* humanam, utpote quæ obstat applicationi & appropriationi, sine qua verbum Dei *homini non prodest*, *Hebr. IV, 2*. Sicut igitur homo per sua flagitia Deum a se sequestrat, *Jes. LIX, 3*. ita & *fidem Dei* per eadem atrocia facinora *sibi ipsi potest καταργεῖν*, i. e. inanem reddere, & salutari ejus fructu se ipsum spoliare. Quæ ergo fide & fidelitate Deus nobis peccata remisit, in eadem fide constanter ipse quidem manet respectu sui, sed homo eam sibi *καταργεῖ*. Hæc de primo argumento.

43. 2) Sumo ex parabola Christi, *Matth. XVIII, 22. &c. quatenus a Christo est explicata, & ad scopum suum applicata*. Sponte enim fatemur, theologiam allegoricam, *nisi sit a Spiritu S. exposita*, non esse argumentativam. Jam vero ex explicatione & applicatione hujus parabolæ, a Christo apposita, liquet 1) *scopum parabolæ esse hunc*, ut doceat, nos debere fratribus nostris suas remittere offensas. Constat is scopus, 1) ex Petri *quæstione v. 21*. 2) ex Christi *responsione v. 22*. 3) ex particula *ratiocinativa*: *Διὰ*: *v. 23*. 4) ex Christi applicatione *ἐπιφωτιστικῇ v. 34*. Liquet 2) Christum scopum suum probasse hoc argumento, in parabola proposito, quia Deus sit adversus implacabiles homines severus Judex & justus vindex. Merito enim observamus studiose particulam *ὅτι*, *sic: v. 35*. Sicut namque rex homo misertus servi sui, & ad misericordiam ipsius humilime confugientis, eum absolvit, & totum debitum ei remisit, *v. 25. 26. 27. 32*. postea vero cum servus suus ita misericorditer absolutus, nequiter peccaret, in conservum suum crudeliter sæviendo, *v. 28-30*. dominus ei fuit iratus, *v. 34*. & tradidit eum tortoribus, *quoad usque redderet totum*

totum debitum v. 34. (NB. a quo antea eum absolverat, quodque ei gratis remiserat v. 23) sic & Pater meus cælestis, inquit Christus in applicatione v. 35. faciet vobis, si non remiseritis suo quisque fratri ex cordibus vestris delicta illorum, hoc est, Deus pater vobis resipiscientibus & fide ad ejus clementiam confugientibus peccata quidem vestra remittet: sed si impetrata remissione, deinceps opera carnis designando, & nominatim in fratrem sæviendo, vestram teterrimam ingratitudinem declarabitis, tum prius vobis datam peccatorum condonationem, vobis ipsi reddetis irritam, & severam Dei incurretis pœnam.

44. Hæc cum Christus tam conspicue *explicavit & applicavit*, turpiter errant ZANCHIUS in *Miscel. p. 287.* & LVBERTVS in *comment. p. 525. & 526.* scribentes, hic Christum *non docere*, quod Deus peccata jam condonata iterum nobis graviter peccantibus sit imputaturus, & ea puniturus: sed *unum concludere*; idque conditionaliter; *nisi* igitur & nos remittamus fratribus daturos nos gratissimas pœnas, idque (ut hoc demus, inquit ZANCH. p. 288. ἐν τῇς ὑπεροχῇς) in carcere inferni.

45. At vero 1) Christus apertissime in ἀποδόσει dicit v. 35. *sic & pater, &c.* evidenter indicans, quod homo, remissione peccatorum a Deo donatus, postea per gravissima patrata crimina, *sibi ipse* acceptam veniam & indulgentiam faciat irritam, sibi que grave supplicium acceleret. 2) Quid? Christus non duntaxat hoc unum docet, quod homo ad ignoscendas fratribus offensas inflexibilis, gravissimas sit daturus pœnas; verum etiam ipsas nomine suo indigitat: quod scilicet talis homo cerebrosus & inexorabilis & crudelis debitum sibi antea remissum, denuo contrahat, & jam solvere id debeat, tortoribus traditus, &c.

46. Quid juvat hanc tantam veritatis divinæ lucem falsis glossis obnubilare? Rectius equidem & laudabilius multo fecit MVSCLVS, quando proposito Christi hoc sermone, hæc subjecit in *L. C. p. 470.* inquiens: *Annon hic manifestum est, fieri posse, ut peccatorum remissio semel impetrata, reddatur irrita, obstringa-*

L 3

turque

turque eorum gratia peccator, ad satisfaciendum divinæ justitiæ? Hæc ille recte.

47. Nec illa ZANCHII glossa, divinæ veritati satisfacit, quando p. 288. scribit, hic voluisse Christum ostendere, illos falli, *qui putant*, sibi remissa esse peccata a Deo, cum tamen interim ipsi non remittant fratribus: *Item*, Christum voluisse docere, quid nobis futurum foret, *si* Deus summo jure, *vellet* nobiscum agere, cum non remittimus fratribus ex corde puro: nempe id, quod etiam illi ingrato famulo. *Jure enim posset* Deus omnia a nobis repetere debita. At non sequitur: Illud ergo *feri*, &c. Hactenus ille, menti Christi non satisfaciens.

48. Nam 1) Christus alloquitur suos discipulos, & nominatim Petrum, ut constat ex c. XVIII, 1. 18. 19. 21. At discipuli illi *fuerunt vere fideles*; proindeque non putative & apparenter; sed vere & realiter tunc habuerunt peccatorum suorum remissionem. Quantumvis ergo verum sit, illos falli, qui putant, sibi remissa esse peccata a Deo, cum tamen interim ipsi non remittant fratribus: Christus tamen in illa sua parabola differit de vere credentibus, vereque indulgentiam suorum delictorum habentibus. Vnde & in applicatione parabolæ Christus dicit: sic & pater meus cœlestis faciet *vobis*, nimirum meis discipulis, & omnibus aliis. 2) Christus loquitur de ipso facto Dei patris. Sic & pater meus cœlestis *proinde faciet* vobis &c. Quo igitur jure ZANCHIUS *factum hoc* negat, & duntaxat ad Dei *jus* confugit, & cur Christi *categoricam* vertit in *hypotheticam* propositionem? sed satis de 2. argumento,

49. 3) Peto a divina *circumcisionis* virtute & efficacia; & a testimoniis *Jes. I, 19. 20. & V, 20-25. &c. & LXV, 3. &c. Jer. VII, 14. &c. & XVIII, 8-10. &c. & XLIV, 5. &c. & Hoseæ I, 6. & similibus*, quæ Israëliti populi circumcisi lapsum malitiosum testantur. Syllogismus sit talis. Omnes masculi inter Israëlitas circumcisi, in circumcisione vere acceperunt (exceptis adultis hypocritis) peccatorum suorum remissionem. At multi eorum deinde per flagitia enormia ad tempus interciderunt vel etiam

etiam finaliter amiserunt gratiam remissionis peccatorum. Ergo; & per consequens per flagitia enormia potest irritata fieri remissio peccatorum.

50. Propositio probatur 1) ex *Genes. XVII, 7. &c.* ubi docet Moses, quod Deus hominibus circumcisis in circumcissione & per eam factus sit Deus propitius; quodque anima masculi octo dierum, quando is circumcisis non fuit, deleta fuerit ex populo. Per quod igitur Sacramentum Deus offert & confert suam sanctificantem gratiam, per id quoque largitur remissionem peccatorum. Posita enim illa, ponenda est hæc; & vice versa; siquidem cum sanctificatione arcte & insepregabiliter conjungitur remissio peccatorum, & illa cum hac, *1 Cor. VI, 11.* & fide purificantur corda nostra, *Ad. XV, 9.* qua donamur remissione peccatorum, *Ad. XVI, 30. 31.* At per circumcissionem Deus hominibus circumcisis vere obtulit & contulit gratiam suam sanctificantem seu regenerantem & justificantem. Absurdus enim cum aliis BELLARMIN. est, quando *l. 2. de effectu Sacram. c. 17.* scribit, verbis his: *Ero Deus tuus*, &c. non significari promissionem vitæ æternæ vel remissionis peccatorum sed tantum promissionem cujusdam peculiaris protectionis.

51. Est enim crassus oppositorum Elenchus: quia & peculiarem protectionem, & promissionem remissionis peccatorum imprimis ista verba continent, ut constat ex *Gen. XII, 3. & XV, 1. 6. & XVII, 4. & XXII, 18. & Rom. IV, 3. Gal. III, 6. 7. 8. 9. 14. 16. 18. 29. Jer. XXXI, 33.* & passim. Nec hoc aliter esse potest; quia in sacramento circumcissionis fuit verbum gratiæ & clementiæ divinæ, quod est potentia Dei ad salutem omni credenti. Quicunque igitur circumcissioni detrahunt virtutem justificandi, illi verbo divinæ gratiæ eandem adimunt impie.

52. 2) Ex *Rom. IV, 11.* ubi Abraham dicitur signum accepisse circumcissionis, *σφραγίδα signaculum justitiæ fidei*, quæ fuerat in præputio. Vnde constat, quod circumcissioni fuerint annexæ promissiones non tantum de rebus externis & temporælibus; sed etiam internis & æternis, & spiritualibus. Si enim percepta circumcissio

cumcisio fuit Abrahamo signaculum *justitiæ fidei*; ergo circumcisio etiam promissiones habuit de rebus spiritualibus, & ad æternam salutem pertinentibus, Justitia namque fidei *justificantis* est in numero rerum spiritualium. Non vero *demum* Abraham per circumcisionem fuit justificatus (sicut infantes circumcisi, per circumcisionem fuerunt vere justificati) quia jam ante per fidem fuit justificatus: sed per circumcisionem justificatio ejus fuit, non quidem *amplificata* & *augmentata*; non enim illa recipit magis & minus; sed *perpetuata*, *innovata* & *confirmata*; & non tantum significata, verum etiam *obsignata*. Siquidem sigillum seu signaculum plus dicit, quam signum. De his & aliis jam pluribus contra pontificios & alios disputare non constitui.

53. Sicut itaque *major* certa est: ita *minor* est etiam perspicua ex citatis dictis. Et quis neget, aliquos circumcisorum post perceptam circumcisionem *carnis opera* patrasse, & per illa vel ad tempus gratiam remissionis peccatorum adeptæ excussisse, vel etiam in illis perseverando damnatos esse? Quantopere Prophetæ flagitia Israëlitarum enormia reprehenderunt, & ad resipiscentiam eosdem admonuerunt? Non omnes tamen tam fidis illorum adhortationibus locum dedere, ut vel patet ex *Jer. XLIV, 16-18.* & parabola Christi, *Matth. XXII, 3. &c.* & gravi ejus querela, *Matth. XXIII, 37.* & Judæorum pœna, *Matth. XXIII, 38. &c. XXIV, 15, &c.* Hoc fit 3.

54. 4) *Argumentum depromo a divina virtute & ἐνεργείᾳ baptismi, juxta Christi institutionem administrati.* Argumentor ita: Aut omnes *baptizati* salvantur, aut quidam damnantur. At proh dolor non omnes baptizati salvantur, ut testatur res ipsa. Ergo quidam baptizati damnantur. Si hoc. Ergo illi remissionem peccatorum in baptismo acceptam, sibi irritam fecerunt. Nemo enim damnatur, qui fide ratam adhuc sibi habet suorum criminum veniam.

55. Nec est, ut dicas, in baptismo & per baptismum non dari baptizatis *omnibus & singulis* peccatorum suorum indulgentiam: siquidem & hypocritæ adulti quandoque baptizentur, qui tamen

tamen in baptismo non regenerentur, neque peccatorum suorum venia donentur. Nam ut hoc concedo: ita id esse baptismo ipsi *accidentale* pronuncio. Baptismus enim *per se & ex Dei intentione* baptizatis hominibus omnibus vere offert & nisi in adulta ætate baptizati nequiter Spiritui S. resistent, realiter confert Dei gratiam, & peccatorum veniam, ita ut baptizati eam etiam *accipiant*. Quod vel constat ex *Ephes. V, 26.* ubi PAULVS testatur, quod Christus Ecclesiam *sanctificet & mundet lavacro aque*, i. e. baptismo, *in verbo*, i. e. per & propter Dei verbum *Evangelicam*. Baptismus igitur non est simplex tantum aqua, sed est aqua septa mandato Dei, & verbo Dei conjuncta.

56. Finge jam, baptismum non vere & realiter, neque organice & instrumentaliter; sed significative, tropice, metonymice vel ullo alio, humanitus effecto, modo baptizatos homines regenerare, mundare, & sanctificare, & sequetur inde, quod neque ipsum Dei verbum Evangelicum vere & realiter, neque organice & instrumentaliter, sed signotenus & modificate duntaxat regeneret, justificet & sanctificet. Id quod est falsissimum, ut videre est *Rom. I, 16. 1 Cor. I, 18. Jac. I, 31. Hebr. IV, 12. & 1 Petr. I, 23.* Et profecto quia *verbum Dei* pollet divina virtute & efficacia *extra* Sacramenta, cur non etiam *in illis* eadem polleret? Nam manet *idem* Dei verbum utrobique.

57. Et pie, quæso, consideremus *infantes*, qui *ὑποπλάτους* & actualis rebellionis expertes, *in infantia* juxta Christi institutionem baptizantur, & per baptismum fide, qua remissionem peccatorum accipiunt, vere & realiter donantur, ut alibi probavi. An autem dicemus, quod *omnes & singuli* infantes, qui vel ad juventutis, vel vegetioris ætatis, vel senectutis etiam annos deinceps pervenerunt, in vitam æternam ingrediantur? Hoc quidem modis omnibus optandum esset, sed sperari non potest. Vid. *Matth. VII, 13. 14. & XXIV, 24.* Quare non omnes, qui per fidem remissione peccatorum suorum antea fuerunt ornati, in ea fideliter perstant, sed illam sibi irritam reddunt, *sua ipsorum culpa*, & studio nequiter peccandi. Hoc sit 4.

58. 5) Argumentum peto *ab exemplo peccantium quorundam in Spiritum S.* Syllogismus sit hujusmodi. Quidam peccatores in Spiritum S. ante suum prolapsum vere & realiter per justificantem fidem in Christum, fuerunt donati remissione suorum peccatorum. At omnes peccatores in Spiritum S. damnantur, *prout sacra scriptura de illis loquitur.* Sic enim deprehendimus, quod & *finalis impœnitentia* in his peccatoribus sit. Vbi vero illa est, ibi non salus, sed æterna damnatio adest. Ergo quidam eorum, qui damnantur, ante suum prolapsum vere & realiter habuerunt omnium suorum peccatorum remissionem: & vi consequentiæ, hanc sibi *suapte culpa* fecerunt irritam.

59. Vt *propositio* clarius sit, notetur, quod dixi, *quosdam* peccantes in Spiritum S. ante suum, *παράπτωμα*, habuisse fidem *justificantem*. Nam nonnulli peccatorum ejusmodi possunt quidem certam & evidentem veritatis cœlestis habere cognitionem, veruntamen non spirituales, seu Spiritus S. inhabitatione obfignatam: sed tantum literalem & pædagogicam, ut constat ab exemplo quorundam Phariseorum, quos Christus hujus peccati reos pronunciat *Matth. XII.* Alii vero possunt insuper fidem *justificantem*, eaque impetratam suorum peccatorum remissionem ante suam *ἀποστασίαν* vere habuisse; quales sunt illi, de quibus agitur *Hebr. VI, 4. 5. 6. & X, 26. & 29.*

60. Id quia in Disputat. contra D. PHILIP. CÆSAREM *thesi 5. 6. &c.* & in Respons. ad Disputationes D. EGLINI, *Disp. 3. thes. 200. &c.* demonstravi & a variis adversæ partis argutis exceptionibus illa dicta vindicavi, jam tantum allegabo consensum quorundam Calvinistarum, ut MYSCVLI in *L. C. pag. 471. 472.* PETRI BERTII in libello integro de sanctorum Apostasia, ut & *Remonstrantum* in *Collatione Hagensi p. 353. &c. & p. 401. usque ad 464. &c.* & RICHARDI THOMSONIVS, Angli, qui in *sua Diatriba c. 5. p. 24.* ait: Porro *Heb. VI, 4.* de finalibus apostatis dicitur &c. quod fuerint *illuminati, gustaverint etiam donum cœleste, & participes facti fuerint Spiritus S. gustaverintque bonum Dei verbum, & virtutes futuri seculi.* Quomodo *illuminati?* Annon juxta illud *Ephes. V, 8.* *Fuistis aliquando tenebræ,*
nunc

nunc autem lux in Domino. Donum autem cœleste nonne gratia est? 2 Pet. I, 4. Magna & pretiosa nobis promissa donavit, ut consortes efficeremur divine nature.

61. Addit (pergit RICHARDVS) *participes Spiritus S.* At vero cuius? Ait ipse *cap. X, 29.* spiritum gratiæ eos accepisse, id est, interprete Dn. BEZA, Spiritum illum sanctum, qui quodammodo Dei gratiam, id est, opus sanctificationis incipiebat in ipsis obsignare. Magnos ergo profectus fecerat fides illorum miserorum apostatarum. Deinde commate sexto ejusdem superioris *cap. VII.* ait Apostolus, quod fuerint *renovati*, idque adeo *revera*. Collegit illud ex vocibus *πάλιν ἀνακαινίζειν*, idem doctissimus BEZA. Vox *renovationis*, inquit, *ad eum statum refertur, in quem per originis peccatum inciderimus, inde rursus per spiritum sanctum in Christo per fidem apprehenso, in integrum restituimur, quæ gratia obsignatur Baptismi Sacramento.* Particula vero *πάλιν* denuo alterum a Christo cognito prolapsus respicit, cum ab eo defectionem altera in integrum restitutio non possit consequi. *cap. X, 29.* ejusdem epistolæ dicuntur sanguine testamenti *sanctificati*. Vbi HYPERIVS: Constat, Apostolum loqui contra eos, qui jam semel fuerunt participes doni cœlestis & in Baptismo per Christi sanguinem sanctificati. Hactenus RICHARDVS iste *Anglus*. Possem adducere plura ejusmodi testimonia e schola calvinistarum (quia multi illorum catervatim & turmatim cæperunt oppugnare *absolutam* hominum electionem & reprobationem &c. indeque per se scaturientes pestilentissimorum errorum rivulos: Deus & plures, velim, clementer convertat, eosque suo spiritu regat, ne in novos errores ruant, & in quibus adhuc sunt, ex iis feliciter elucentur) sed brevitatis ergo ab isto labore abstineo, adducens 6) argumentum.

62. Idque sumo ex dicto Petrino 2 *Epist. II, 18. 19. 20. 21. 22.* & illa colligo: *Vere renati possunt inquinamenti mundi rursus involvi, & superari, ita ut postrema fiant pejora primis. Ergo & possunt adeptam peccatorum suorum remissionem reddere sibi cassam & irritam. Consequentia probatur: quia 1) fidelis homo, quatenus & quamdiu manet donatus per fidem remissione*
M 2 *suorum*

suorum peccatorum, eatenus & tamdiu non involvitur inquinamentis mundi. Hæ enim sunt opera carnis, 2 Petr. II, 18. quæ opponuntur fructibus Spiritus Sancti, Gal. V, 19. &c. habita peccatorum remissione, eaque non labefactata, sed rata manente, cum homine isto optime agitur. At his, de quibus PETRVS agit, postrema facta sunt *pejora* primis. Confer. Luc. XI, 26.

63. *Antecedens* ut evidentius liqueat, notandum. 1) Petrum loqui de his non κατὰ δόξαν, sed κατ' ἀληθειαν: Loquitur enim de his, qui non φαινομένως, sed ὄντως seu ἀληθῶς, vere & realiter aufugerant ab his, qui in errore versantur, ut ait Petrus v. 18. 2) Ipsum loqui de *renatis*, non qui *judicio charitatis* pro talibus tantum habentur, ut excipit PISCATOR hic observ. 16. SOHNIVS tom. 2. p. 776. & *contrare monstrantes in Collat. Hagenfi* p. 387. sed qui *revera* tales sunt: quia 1) illi fuerunt a *vetteribus peccatis purgati*, 2 Petr. I, 9. non tantum Christi merito; sed etiam *reali applicatione*. Nam 2) *refugerunt ab inquinamentis mundi*, 2 Petr. II, 20. At *refugisse ab inquinamentis mundi*, non est hypocritarum, sed vere fidelium & *renatorum* hominum proprietas & infallibilis nota: quia in concupiscentia *μιασμῷ* pollutionis ambulare, competit illis, qui carnem sequuntur, 2 Petr. II, 10. i. e. non *renatis*, peccatis multis se polluentibus, v. 10. 12. 13. &c. Et qui refugit a corruptione, quæ est in mundo per concupiscentiam, fit *θείας κοινωνός φύσεως*. 2 Petr. I, 4. At soli renati sunt & dicuntur *templa Dei*, 1 Cor. VI, 19. Ab impiis vero longinquus est Deus. Proverb. XV, 29.

64. 3) Tit. I, 15. *polluti* opponuntur τοῖς καθαροῖς; & per ἀπίστους explicantur, cumque illis complicantur, & de illis prædicatur, quod ipsorum & mens & conscientia sint polluta. Confer. Rom. I, 24. & adde 1 Cor. VI, 10. 11. ubi *abluti* dicuntur etiam *sanctificati & justificati*, & hominibus non-renatis opponuntur. 4) Hebr. XII, 15. jubemur ἐπισκοπεῖν, ne quis sit, qui *deficiat a gratia Dei*, ne qua radix amarulentiae obturbet, & per hanc *μιανθεῶτιν*, *inquinentur* multi. 5) Et 2 Cor. VII, 1. inquit PAVLVS: mundemus nos ipsos ἀπὸ παντός μολισμῷ, *ab omni inquinamento carnis & spiritus*, perficientes *sanctimoniam* in timore Dei.

Dei. Vbi certe adhortatur nos ad veram & sinceram purgationem ab omni inquinamento carnis. E. qui vere discessit ab inquinamentis carnis, & mundi, ille est vere renatus; qui jubetur se non accommodare mundo, *Rom. XII, 2.* quippe qui in maligno est positus. *1 Joh. V, 19.*

65. 6) *Ezech. XXXVI, 25.* &c. inquit Jehova: Spargam super vos aquam mundam, & *mundabimini ab omnibus inquinamentis vestris*, & ab universis idolis vestris mundabo vos. Et dabo vobis cor novum, &c. Jam ergo quæro ex omnibus cordatis, annon sint vere sese mutuo ponentia, *esse mundatum ab omnibus inquinamentis*, & *esse renatum*? Sane id Deus ipse hic testatur *v. 26. 27.* Et *PAVLVS Eph. V, 26. 27.* Ideoque quia *PETRVS* differit de illis, qui *ὄντως* (hoc enim repetendum est ex *v. 18.*) refugerint ab inquinamentis (quod sine hac spirituali mundatione, & regeneratione fieri nequit) mundi; videt quisque sapientum, sermonem hic esse de *vere renatis*.

66. 7) Id patet hinc ulterius. Nam *PETRVS* de his hominibus pronunciat, quod refugerint ab inquinamentis mundi, *per agnitionem* (quæ est fructus meriti Christi) *Domini & salvatoris Jesu Christi*, i. e. per fidem veram & justificantem, quæ ista phrasi describitur, ut videre est *Joh. XVII, 3.* Neque hic intelligi potest *nuda* notitia Christi, sejuncta *ab assensu fiduciali*: quandoquidem illis tribuitur hæc agnitio Domini & salvatoris nostri Jesu Christi, qui vere refugerunt a sordibus mundi. At illi, qui *solam* habent fidem historicam, non refugerunt ab inquinamentis mundi; Secus & diaboli dicendi essent discessisse a pollutionibus mundi; quia historice credunt. Ergo. *Item per agnitionem Jesu Christi refugisse ab inquinamentis mundi*, notat, fide purificata corda habere, *Actor. XV, 9.* At per *solam* historicam fidem non purificantur nostra corda: secus etiam in historice tantum credentibus habitaret Christus: quia per fidem habitat in nostris cordibus. *Eph. III, 17.*

67. 8) De illis loquitur *PETRVS*, qui *πάλιν* rursus inquinamentis mundi involuti sunt, & *v. 20.* Vnde colligo. Qui *denuo*
M 3 impli-

implicantur mundi pollutionibûs, & ita superantur, ut postrema illis facta sint pejora primis, illi fuerunt quidem, sed non amplius sunt renati & iustificati. At Petrus de illis disserit. E. Sicut igitur is est non-renatus, & non-iustificatus amplius, qui *rursus* implicatur *mundi* inquinamentis: ita ille fuit vere renatus & iustificatus, qui antea vere ab istis discessit.

68. 9) Tandem de illis agit Petrus, qui sicut canis reversus ad suum vomitum, per cognitionem viæ iustitiæ, & agnitionem Domini nostri Jesu Christi, omnem quidem impietatem evomuerant, sed ad prioris vitæ sortes remeando, illam resumpserunt & resorbuerunt: quique sicut sus *λυσσάμενη*, lota revertitur ad volutabrum cœni; per Spiritum S. fuerant quidem vere abluti, regenerati & sanctificati, veruntamen deinceps inquinamentis mundi fuerunt de integro implicati, v. 22. Quis ergo negare recte potest, Petrum hic agere de illis, qui fuerunt antea vere fideles? An enim ii, qui *nunquam fuerunt conversi, sed tantum fuerunt, & sunt non renati*, hypocritæ, sunt similes istius resorbentis canis, & suis vere lotæ? Certe hypocritæ tales non evomuerunt suam impietatem omnem; unde neque eandem *reglutire* dici recte queunt neque hypocritæ tales fuerunt abluti & purgati unquam a sua hypocritica & sordida vita. Proinde ad eandem *redire*, seu *rursus* ire dici vere nequeunt. Nam reditio prærequirit abitionem. Vnde ergo abierant, istuc remearunt & vice versa. At ab inquinamentis mundi non tantum abierant: sed etiam *aufugerant*, i. e. celeriter, alacriter & fideliter recesserant. E.

69. Plura prætereo, & 7. argumentum sumo *ab irritatione causarum remissionis peccatorum*. Syllogismus esto talis. Qui suis peccatis post impetratam suorum delictorum remissionem atrociter a se patrat, *sibi* potest omnes remissionis peccatorum, seu justificationis causas reddere irritas, is quoque peccatis iisdem potest sibi ipsam suorum peccatorum remissionem irritam reddere. At omnis renatus suis peccatis, &c. E.

70. *Propositio* liquet: Siquidem remissio peccatorum nobis nequit esse, & stare & manere rata & firma, nisi causas ejus habeamus & retineamus salvas & integras: Et sublatis & destructis causis, sine quibus ἐνέργεια vel ἐνέργημα nequit manere salvum, tollitur quoque & destruitur ipsa ἐνέργεια & ἐνέργημα.

71. *Assumptio* probatur: quia 1) homo renatus suis lapsibus & atrocibus delictis potest sibi irritam reddere gratiam Dei. Sic Paulus ad Gal. V, 4. inquit: *Quicumque per legem justificamini, i. e. justificari studetis, a gratia excidistis.* Excipiunt quidem *Contraremonstrantes* in *Collat. Hagenfi* p. 388. Pauli sermonem non esse de gratia regenerationis, quod ab ea quispiam posset excidere, qui ejus vere fuerit particeps factus: sed de gratia justificationis, ex qua Galatæ exciderint, non quod fuerint illius unquam participes, sed quod sint ab omni ejus obtinendæ spe seclusi & remoti, quam diu per legem voluerint justificari, &c.

72. Sed committunt 1) fallaciam oppositorum. Siquidem gratia regenerationis est etiam gratia justificationis. Non enim alia atque alia, sed una eademque Dei gratia regeneramur & justificamur & salvamur. Quid enim aliud est regeneratio nostrum in hac vita, quam *propitia clementis* Dei actio, qua ministerio sui verbi & sacramentorum, nos, qui natura sumus filii iræ, per fidem justificantem facit filios gratiæ, & dummodo non siamus πρόσκαιροι, sed perseveranter credamus, hæredes vitæ æternæ? 2) Falsum dicunt, quod Galatæ gratiæ justificationis non fuerint unquam participes: quia Galatæ ex prædicatione fidei acceperant Spiritum S. cap. III, v. 2. & Spiritu cœperant, v. 3. Spiritu, inquam, regenerationis & sanctificationis: quippe qui Galatas ad studium vere bonorum operum moverat. Vide Gal. III, 4. & IV, 14. 15. & V, 7. 3) Rursus opponunt non opponenda: siquidem excidisse ex gratia Dei, notat & excidisse a spe illius obtinendæ, & simul ea habita privatum esse. Galatæ namque renati, postquam seducti tam pestilentem in justificationis articulo errorem imbibissent, gratiam Dei, in qua alias steterunt, amiserunt.

73. Vnde constat, quod neque BEZA satisfaciat veritati, quando hic excipit, illos dici ex gratia Dei excidere, qui illius adipiscendæ iter erant ingressi: quod etiam reprobis contingat. Nam 1) Galatæ non tantum ingressi fuerant iter adipiscendæ gratiæ: sed etiam illam realiter adepti fuerant; quia per baptismum induerant Christum, *Gal. III, 27.* & filii Dei facti vere fuerant, *Gal. III, 26. & IV, 19.* 2) Reprobi juxta sententiam Calvinistarum sunt absolute exclusi a Dei gratia regenerante & justificante. Non vult igitur Deus, neque salvo suo *absoluto*, quod Calviniani cudunt, decreto, *serio* velle potest, ut reprobis iter ingrediantur ad accipiendam Dei gratiam. Sophismata PAREI, quæ in *comment. in epistol. ad Galat. cap. V. pag. 357.* ingessit, alibi solvi. Confer hic *Hebr. XII, 15. & 2 Cor. VI, 1. Galat. II, 21.* Hæc de 1) justificationis causa.

74. 2) *Christo* inanes se etiam per gravissimos errores grandiaque crimina possunt facere renati. Nam Paulus ad *Gal. V, 4.* ait: κατηργήθετε ἀπὸ τοῦ Χριστοῦ, id est, facti estis inanes Christi, seu Christum vobis fecistis inutilem, v. 2. seu, ut D. LUTHERVS hic ait: Evacuati estis, estis Pharaones, hoc est, liberi a Christo: *Christus desit in vobis esse & operari.* Nihil habetis amplius de cognitione, Spiritu, affectu, favore, libertate, vita, actione Christi, sed prorsus separati estis ab ipso, ut nihil negotii sit ei amplius vobiscum, nec vobis cum ipso &c. Confert *2 Pet. II, 1. & Heb. VI, 6.*

75. 3) *Spiritum gratiæ* possunt renati, postquam relapsi sunt contumelia afficere, *Heb. X, 29.* eique resistere, *Act. VII, 51.* & eum exacerbare, *Pf. LXXVIII, 40.* affligere, *Esa. LXIII, 10.* & contristare, *Eph. VI, 20.* & verbum Dei, sacramenta contemnere & repellere, *Act. VII, 33. & XIII, 46. & Luc. VII, 30.* & passim.

76. 4) *Fidem* denique justificantem possunt plane excutere per lethalia flagitia. Vid. *Luc. VIII, 13. Act. VIII, 13. 2 Tim. I, 19. Rom. XI, 22. 23. Heb. III, 6. 14. & X, 35. 2 Pet. III, 17.* & passim. Quæ dicta ab adversariorum φλυαρίαις in ipsa
συζη-

ἐνζητούσαι vindicabo ne hic iusto sim prolixior. Hæc de 7. argumento dicta sint.

77. 8). Sumo a natura & proprietate remissionis peccatorum, & ita argumentor: Remissio peccatorum vel est *absoluta*, vel *ordinata* in Christo per fidem apprehendendo. *Non est absoluta*: quia id asserere, est pestilentissimum plenis velis adducere Photinismum, quem toties Sacra Scriptura damnat, quoties mentionem facit λύτρεσ. & meriti Christi, idque, si justificari velimus, fide apprehendendum inculcat. Ergo est *ordinata* in Christo per fidem apprehendendo. Si hoc. Ergo qui possunt Christum fide non-apprehendere, & hanc apprehensionem interrompere, illi quoque possunt acceptam peccatorum suorum remissionem sibi reddere irritam; ratio est; quia justificamur non absque fide, sed per fidem, qua Christum cum suo merito fiducialiter tenemus, nobisque applicamus. At vere renati, postquam carnis operibus incipiunt studere, possunt Christum fide non-apprehendere &c. imo tunc non amplius Christum filiali fiducia, utpote per peccata mortalia excussa, apprehendunt, ut probat exemplum Davidis, Salomonis &c. Ergo. Huc illa refert, quæ in hac sententiam docet MYSCVLVS, p. 470. 471.

78. Sed opponunt hic nobis Calviniani divinas promissiones, *Ezech. XVIII, 21. 22. Esa. XLIV, 22. LIV, 10. & LIX, 21. Mich. VII, 19. Jer. XXXI, 34. & XXXII, 38. 39. 40.* & similes: verum breviter respondeo, 1) has promissiones non esse *absolutas*, sed *ordinatas*. Servato itaque vel violato Dei ordine, obtinentur vel non obtinentur bona promissa. 2) Deum docere, quod *ex sua parte* sit, & esse semper velit constans & immutabilis in promissis suis præstandis. At non negat homines *ex sua parte* posse foedis initum frangere: Hoc itaque licet homines violent, ille tamen manet fidelis in æternum, *Rom. III, 3. & 2 Tim. II, 13.* Hactenus igitur citata & similia Dicta a mente Calvinistarum sunt aliena: id quod etiam demonstrans *remonstrantes*

strantes in Collat. Hagenſi p. 416. &c. Et certe ipſa inanitate inanius eſt, quod ZANCH. in *Miſcell. p. 288.* urget, hinc tolli diſcrimen inter legem & Evangelium. Licet enim Evangelium nobis credentibus peccatorum veniam offerat & præbeat ſine conditione noſtrorum bonorum operum: non tamen negat, per opera noſtra mala eandem poſſe irritam reddi. Nec ſequitur: Bona noſtra opera non *procreant* nobis remiſſionem peccatorum. Ergo neque mala eam *deſtruunt*: ſicut neque ſequitur: Bona opera non ſalvant. Ergo nec mala damnant. Quia eſt elenchus *parium*, &c. Plura alias.

79. 9) Argumentum depromo *ab excuſſione regenerationis*, & ita procedo: Qui poſſunt malitioſis ſuis noxis excutere ſui regenerationem, illi quoque poſſunt iſdem flagitiis peccatorum ſuorum irritare ſibi & deperdere, ſeu irridam reddere remiſſionem ſiquidem ſpiritualis noſtrum regeneratio, & peccatorum noſtrorum remiſſio inſeparabiliter ſunt connexa: confer. *1 Petr. I, 21. 22. 23.* Proindeque omnis, qui credit Jeſum eſſe Chriſtum, ex Deo natus eſt. *1 Joh. V, 1.* Nam per fidem ſumus filii Dei, *Gal. III, 26. & Joh. I, 12.* Atqui renati poſſunt malitioſis ſuis noxis, quando eas patrant, excutere ſui regenerationem, ut abunde vel probat exemplum *Galatarum IV, 19.* quos PAVLVS *πάλιν*, *rurſus* parturiit, donec formaretur Chriſtus in ipſis, hoc eſt, quos denuo convertit, emendavit & regeneravit, anxie laborans, ut iterum acciperent non formam Pauli, ſed Chriſti figuram & ſimilitudinem, in animis ipſorum per pseudoapostoſos deformatam & oblitteratam. Quæ Chriſti forma eſt hæc, ut Galatæ iterum idem, quod Chriſtus, ſentiant, cogitent & velint, inque eum fiducialiter recumbant & opera ſua ceu cauſas ſocias ex articulo juſtificationis coram Deo, procul relegent.

80. Obſtrepit hic nobis PAREVS in *Comment. Epiſt. ad Gal. p. 324.* vere regeneratos nunquam emori *penitus*; quia ſemen Dei, ex quo fuerant regeniti, ſit immortale, *1 Petr. I, 23.* & ſemper in eis maneat, *1 Joh. III, 9.* Reſp. Fallit PAREVS; quia

quia si Galatæ illi seducti quos PAULVS hic dicit se rursus parturisse, manserunt renati; ergo non opus habuit eos πάλιν ᾠδιδεύειν: At illos denuo parturit. Ergo illi seducti non manserunt renati, sed gratiam regenerationis ante excusserant. 2) Christus lapsis Galatis factus fuerat otiosus & inutilis, & illi ex gratia Dei exciderant. Gal. V, 2. & 4. Ergo prius in gratia & in Christo fuerant. Lapsus enim ex Dei gratia & amissio Christi prærequirit possessionem divinæ gratiæ & Christi. Addo 3) quod Israël in circumcisione & per eam fuerint regenerati, justificati & renovati: Et tamen postea mortaliter peccando illam gratiam sæpe multi eorum amiserunt. Vnde & Deut. XXX, 6. promittit suo populo Deus circumcisionem cordis ipsius, i. e. emendationem, regenerationem, sanctificationem &c. De qua spiritali circumcisione sermo etiam est Jer. IV, 4. & Rom. II, 29. & Col. II, 11. Hinc incircumcisum esse corde & auribus, notat irregeneratum esse, Jer. IX, 26. Ezéch. XLIV, 9. & Act. VII, 51. Sicut igitur circumcisio ista spiritalis per peccata regnantia potuit & potest fieri irrita: ita & regeneratio: Id quod fatentur vel ipsi remonstrantes in collat. Hagensf. p. 457.

81. Nec argumenti PAREI aliud evincunt. Nam 1) verbum Dei in sese quidem est semen incorruptibile: sed tamen in hominibus pessimis est corruptibile & ἀκαρπὸν, hominum scilicet, non Dei, vitio. Vide Luc. VIII, 5. &c. Actor. XIII, 46. & 2 Cor. II, 16. 17. & IV, 3. & 4. 2 Joh. I. III, 9. ait: Omnis, qui natus est ex Deo, peccatum non facit (studiose & malitiose) ὅτι, i. e. quia & quatenus semen ipsius in eo manet, & non potest peccare, quoniam ex Deo natus est, hoc est, quia & quatenus renatus est & manet v. 6. Cæteroque potest peccare, ut Johannes testatur II, 1. 15. 24. 26. III, 15. 17. IV, 1. & V, 21. Quatenus igitur renatus manet talis, eatenus non malitiose peccat & semen Dei manet in eo: & vice versa. Alias diabolus semen verbi divini vel ex cordibus hominum potest eripere, Luc. VIII, 12. &c. Vide collat. Hagensem p. 448. &c. &

diatribam RICHARDI Angli c. XX, p. 57. 58. &c. Hæc de 9) argumento.

82. 10) Denique desumo *a natura peccatorum regnantium*, & ita colligo: Quicumque possunt incidere in peccata *regnantia* illi quoque *possunt* irritam reddere, imo irritam sibi reddunt a Deo impetratam suorum delictorum indulgentiam. Renati possunt incidere &c. Ergo. *Propositionem* stabilis PAVLVS Rom. VIII, 13. Nam, inquit, si secundum carnem vixeritis, i. e. si regnabit peccatum in mortali vestro corpore, ut obediat illi per cupiditates ejus, cap. VI, 12. *moriemini*. En! mors & æterna damnatio insequitur regnantia flagitia. Vbi autem est reatus damnationis æternæ, ibi non est remissio peccatorum rata; quia remissio divina est etiam ipsius reatus relaxatio. Et Gal. V, 19. & 1 Cor. VI, 9. 10. & Apoc. XXI, 8. 27. & XXII, 15. Spiritus S, docet, quod qui opera carnis designent, extorres sint regno cœlorum. Nemo autem, qui ratam habet peccatorum suorum remissionem, est exors regni cœlestis. Remissio enim peccatorum non est absque imputatione justitiæ Christi. Rom. IV, 6. 7. 8. Vbi hæc est; ibi est salus & vita æterna Ps. XXXII, 1. & Dan. IX, 24. confer. *remonstrantes in collat. Hagensf. p. 362.* quorum sententiam quando *contra remonstrantes p. 394. 395. &c.* negant, statuentes, *non est verum* quod quando renati labuntur in gravia peccata & opera carnis, fidem justificantem prorsus amittant: indicant, se *indolem fidei justificantis* non satis intelligere, & crassum papismum invehunt, de quo vide BELLARM. lib. I. de *justif. c. XV.* quem vel ipse PARCVS refellit. Confer diatribam RICHARDI c. XXI. p. 65.

83. *Assumptio* ut clarius sit, definitionem *peccati regnantis* prius ex scriptis calvinistarum allegabo, quam probationem instituiam. *Peccatum regnans* est, inquit SOHNIVS Tom. II. p. 558. cui homo non resistit per gratiam Spiritus Sancti; sed *indulget & servit*; vel cum homo obedit cupiditatibus carnis, hoc est, naturæ

naturæ corruptæ, & impulsus sua infirmitate, & a diabolo, ex peccato ruit in peccatum. *Hæc ille.* Et KECK. in *Syst. theol.* p. 279. idem docet, & tandem ait: *quedam peccata regnantia perpetrantur cum quadam tristitia & sensu doloris, sine plena delectatione.*

84. Hoc regnans peccatum non tantum posse, sed etiam actu sæpe ipso patrare renatos, testatur Sacra Scriptura tum dictis, tum exemplis, quæ licet magno numero possem adducere: jam tamen adduco tantum confessionem SOHNII p. 558. ubi inquit: Peccatum regnans est proprie in non renatis; *sed quandoque tamen etiam in renatis*, vel errantibus in fundamento, vel alias labentibus contra conscientiam: sicut ostendunt exempla *Aaronis*, facientis vitulos aureos, & *Davidis* committentis adulterium & homicidium contra conscientiam. *Hæc ille ibi recte quidem.*

85. Sed p. 778. glossam adducit hanc, quod Aaron, David, Petrus; etsi graviter peccarint: non tamen lapsi sunt sine iuncta Spiritus & carnis, nec toto animo ac plena voluntate, nec ex destinata malitia, sed ex infirmitate. Idem glaucoma nobis objectat ZANCHIUS in *Miscellan.* p. 69. 175. &c. *Contraremonstrantes in Collat. Hagensi* p. 395. & PAREVS in *Epist. ad Roman.* p. 587. &c.

86. At vero juxta censuram Spiritus S. *Peccatum regnans in nobis regnat tum nostra inobedientia & assensu, conjuncto cum peccati conceptione & machinatione, Rom. VI, 12. Jac. I, 15. tum ipsa completa patratiōe, Rom. VI, 13. & Gal. V, 16.* Quando igitur renati in peccata sic consentiunt eaque perficiunt, tum peccata regnantia committunt: licet cum in gradu intensiore & malitiosiore illa designant, gravius quoque & atrocius eadem exasperent.

87. Hæc jam non latius probo; remitto enim Calvinianos, præmemoratam hanc glaucomam nostris oculis obducere

studentes ad RICHARDVM Anglum in *Diatriba* c. 21. ubi istas illorum strophas diluit. Pag. 63. ait: *Miselli illi peccatum regnans inepte definiunt, & quo modo nulli veterum Theologorum ne per somnium quidem, in mentem unquam venit &c.* Et p. 65. adversariorum; *inquit*, doctrina ex *Libertinorum* schola profluxit. Illi enim, teste CALVINO, c. 18. non se, sed asinum suum peccatum admittere ructabant, quoties quid flagitii patraffent &c. Item: Et quid aliud docuerunt, *inquit*, qui anno *CIO CCC LXV.* Parisiis combusti sunt, quando aiebant, peccata mortalia, ut adulteria stupra, homicidia &c. non esse mortalia peccata, *si in caritate fierent*, hoc est, ut adversariorum verbis dicam, *si fiant ab electis justificatis &c.* Consulant Calviniani reliqua, quæ Anglus iste ibi habet, quibus rectius hic edoceri possunt.

88. Plura argumenta prætereo, & duntaxat contraria ZANCHII argumenta, quæ in *Miscell.* habet p. 284. 285. &c. & p. 329. 330. tango, copiosius de illis in ipsa disput. dicturus. Ait ille, remissionem peccatorum non fieri irritam in *electis*; quia per *solum peccatum in Spiritum S. irritetur*, quod in electos non quadret. (Resp. *Vt hoc ultimum concedo: ita assero, per omnia peccata regnantia, quæ in reatos quandoque cadunt, remissionem peccatorum fieri irritam:*) Nec in *reprobis*; quia illis nunquam a Deo detur remissio peccatorum; siquidem 1) sanguis Christi non sit pro illis effusus. 2) Christus pro iis nunquam rogarit. 3) Gratia Spiritus S. illis nunquam detur. 4) Neque fides. 5) Neque regeneratio. 6) Neque pax conscientiæ. *Hæc ille*, quæ meræ sunt petitiones principii, & e diametro pugnant cum sanctis literis, ut alibi docui. Sane MUSEVELVS, vi veritatis adductus, scribit p. 471. De reprobis nullane illis unquam peccatorum remissio contingat, disputari posse intelligo. Dantur illis in *epist. ad Hebræos* c. VI. illuminatio per Christum, gustus doni cœlestis, participatio Spiritus Sancti, gustus item boni Dei verbi, ac virtutum seculi venturi. Et cap. X. sanctificatio, quæ est per sanguinem testamenti, & spiritus gratiæ: Et in posteriore Petri c. II. comparantur sui, quæ ubi lota fuit, rursus in

in cœno volutatur. Quomodo hæc illis sine omni peccatorum remissione contingere possint, non immerito quæri potest in hac causa. *Hæc ille*, quibus ego addo, quod nequaquam reprobis re-ensita illa vere tribui possint, nisi etiam remissio peccatorum uorum illis vere adscribatur, ut pie meditati liquet, nec hac vice plenius id probo.

89. Quia enim jam ante in Disputat. contra D. EGLINVM, planum id feci, jam actum non agam, ZANCHII sophismata in actu Disputationis prolixius refutaturus. Faxit Jehova, ut ne nostris flagitiis impetratam fide nostrorum peccatorum remissionem irriteremus, sed in vera fide constanter perseveremus, & vitam denique æternam reportemus.

A P P E N D I X.

Cum typhothetæ jam me de remansuro certiores fecerint vacuo spatio, illud præcavere cupiens, addere volui solutionem argumenti alicujus ZANCHII, speciem habentis (nam reliqua ejus argumenta sunt aperte falsa) quod tale est: *Reprobi nunquam habent jus, neque possessionem æternæ vitæ: neque glorificantur*. E. nunquam habuerunt remissionem suorum peccatorum (*proindeque in illis ea non potuit irrita fieri*). Quisquis enim remissionem peccatorum impetrat, jus vitæ æternæ recipit, & qui jus recipit, tandem in possessionem ingrediatur necesse est. *Quicumque enim justificantur, etiam glorificantur*, Rom. VIII, 30. Resp. 1) Reprobi quidam ad tempus vere & salvifice credunt, ut vel constet ex *Luc. VIII, 13. Heb. VI, 4. 5. 6. & X, 26. 29.* (quæ dicta alibi vindicavi a putridis Calvinistarum glossis) & *2 Pet. II, 18. 20. 21.* Ergo quidam reprobi ad tempus habuerunt jus vitæ æternæ: Omnis enim vere fidelis, qualis, est hæres vitæ æternæ. 2) Homo qui jus vitæ æternæ recipit, is quidem tandem post mortem temporalem transferetur in vitam æternam, sed tamen, *si perseveravit fidelis usque ad mortem*, *Matth. XXIV, 13. Apoc. II, 10. 26. & III, 11. 12. 21.*

At isti reprobi non perseverarunt fideles usque ad mortem; sed fuerunt *πρόσκαιροι*. 3) Quicumque justificantur, ii glorificantur, scilicet *illi ipsi*, de quibus PAVLVS loquitur *Rom. VIII, 30*. At ibi non loquitur de *omnibus omnino justificatis*; sed de illis, qui juxta propositum Dei vocati sunt, *v. 28*. quosque Deus præsavit & *prædestinavit. v. 29*. Justificati igitur *electi*, i. e. *finaliter* credentes, tandem *glorificantur*. At vero quidam alii, quia tantum ad tempus vere credunt, sed post resiliunt; ideo ad tempus quidem etiam vere sunt justificati; sed postea desinunt credere, desinunt quoque justificati esse, ut alibi probavi copiosius.

S. D. G.



BT Fenerborn, Justus.
715 Demation disputation-
F45 nrm.

4143

MAY 12 '36

Bindery

SEP 28 '36

At isti reprobī non perseverarunt fideles usque ad mortem; sed fuerunt *ἡγερέσκοντες*. 3) Quicumque justificantur, ii glorificantur, scilicet *illi ipsi*, de quibus *PAVLVS* loquitur *Rom. VIII, 30*. At ibi non loquitur de *omnibus omnino justificatis*; sed de illis, qui juxta propositum Dei vocati sunt, *v. 28*. quosque Deus præcivit & prædestinavit, *v. 29*. Justificati igitur *electi*, i. e. *finaliter* credentes, tandem *glorificantur*. At vero quidam alii, quia tantum ad tempus vere credunt, sed post resiliunt, ideo ad tempus quidem etiam vere sunt justificati; sed postea desinentes credere, desinunt quoque justificati esse, ut alibi probavi copiosius.

S. D. G.



BT
715
F45

Fenerborn, Justus.
Demation disputation-
norm.

4143

MAY 12 '36

Bindery

SEP 28 '36